


田部公牘



康有為署



余爲回族一分子不揣軀材忝膺代表每思所以謀吾族人民之發展於中華民國國會議席上爭出公權與蒙藏青海得同一之待遇并保障回族種種福利公權凡歷十餘年心血不敢一日或忘其間有同教各重要人員所來公文函札以及當世賢豪將帥之書牘於吾教大體攸關者一一保存特付排印成集公之廣衆以期我穆民父老昆季子弟咸知余爲吾族奔走東西各行省十餘年中所盡之任務使吾族後起有志之英材爲繼續進行之根據且於政治上既斑斑有案可稽亦足爲依据文牘之模範茲由上海新開路福康路中國印刷廠排印一千册以便分送吾回族同人倘有熱心公益愛護宗教者儘可賡續翻印深望遠近流傳普及學校或家庭教導子弟開通政治知識發展吾教公權總期力圖臻進是則余之初願也夫陸軍中將回部全權代表古昆陽公謹李謙自述弁端

版存上海新開路福康路中國印刷廠
如有續印者可函知該局價必從廉

穆護之姦入中國

千餘年人口以千萬

計其姦多天之姦切

俗去忠馴五族合為

一家宜一體親之相
周和教門人李德任
回部代表傲昂
慨慷為國羅誅此

至古蹟也雅寥々

然足為回部圖切

之要圖矣

乙丑二月京有為



回部公牘

逕啓者現值大選奠定憲法亦快解決一髮千鈞稍縱即逝凡我回族熱心志士應抱天然之團體據理力爭積極進行爲穆民世代子孫謀永遠之幸福以脫從前數千百年之黑幕萬勿稍存觀望貽誤時機况蒙當道重要各大員一致贊成並同漢兩族各偉人互相協助諒不難達到回族專額議員加入國會圓滿之目的仍望各處執事急起直追毋稍懈弛禱切盼切幸勿妄聽奸人鼓簧造謠阻滯破壞一誤再誤致墮奸人之術中務乞趕緊再電請願或快郵代電大總統國務院暨參衆兩院托

主默佑大體告成我回族應享之權利基礎堅定後定行呈請中央頒發勳章分送各處酌給優先辦事人員以誌榮慶民國之幸亦回族之幸也爲此披瀝直陳伏乞

公鑒 附大總統批令一紙以作進行之根據

全權代表李謙

●大總統批令請願國會增加議員由

敬肅者民國三年奉哈密部雙親王特派謙爲回部全權代表並令有回部應辦事宜就近周

旋四年十月八日開五族國民大會議即上書請願加入回族國民代表十月十日奉大總統申令蒙藏院十月二十八日照會議指定加入回族國民代表四名當派議為回部總調查委員共調查在京回族合格人三十一名十一月十五日在蒙藏院開一預備會由三十一人中選出回部國民代表李謙王寬馬吉符馬廷襄等四名加入五族國民大會後雖國體變更而回部蒙藏青海所選之國民代表並未改選惟四名中王寬馬吉符馬廷襄等二名先後物故理應按例照補加入國會提議憲法解決五族永遠之根本大計

民國五年請願增加議員書

呈為依法請願事竊維等於民國五年七月十四日據哈密回部雙親王會同各回部王公貝子等電以民國成立五族一家續開國會召集有期仰該委員等據理呈請加入回族議員以示大同而昭公允等情謹呈

大總統核准批交國務院在案旋於民國五年八月五日奉內務部批准國務院交准總統府秘書廳交回部駐京總代表兼辦事委員李謙等呈請加添回部議員查議員名額之分配載在國會組織法該代表等所請加添回部議員涉及修正國會組織法問題本部無權核辦該

代表逕向國會依法請願除咨呈國務院外合行批示知悉此批等因奉此查民國臨時約法第十八條暨國會組織法第二條第五條之規定議員名額由蒙古選舉會選出者二十七名西藏選舉會選出者十名青海選舉會選出者三名又國會組織法第四條各省選出衆議院議員之名額每人口滿八十萬選出議員一名謹按回部八部土地縱橫八千餘里人民繁殖七千二百萬以蒙古全部土地較之回部實有三分之二蒙古選出議員二十七名者則回部實宜選出議員十八名以青海之地較之回部實逾四分之三青海選出議員三名者回部即宜選出議員十二名西藏土地僅有回部之半西藏既選出議員十名則回部亦當然選出議員二十名再以內地各省每人口滿八十萬選出議員一名之例比之則回部尤宜選出議員七十餘名準情衡理復擬面而比例之則國會議之選舉均為回部固有之權利而不容絲毫放棄者獨惜臨時議院議定國會組織法時事屬創舉籌畫難周顧此失彼在所不免故於蒙藏青海皆定有議員專額獨於回八部地方竟付缺如而回八部地處乾隅極邊風氣異常閉塞此項權利竟致放棄嗣擬具書請願適值前政府解散兩院議員之有無無關輕重今者共和再造尊重民意恢復約法續召國會自宜採集真正完全之民意以期五族和衷共鞏國

基乃此次召集國會又無回部議員此爲我國國會組織法之缺點不待中外智者皆知回部雖遠處邊陲實屬西北屏障擁護中央表裏佐治對於國會急應進行蒙藏青海之選舉既已有例可援而地方權利之攸關實難含混放棄况共和政體無地方種族之區別權利義務全國一致哈密雙親王有鑒於此悟失既往求治將來故特令謙等力請補加回部議員名額若干加入國會或於新疆及蒙古各區等處指令回部專額議員若干名以憑發表回部真實意見並於五族共和國體義例相符庶國會真正完全之民意立法自無滯礙難行之虞大本既立邦基永固爲此謹依據約法第七條及第十九條第七款國會組織法第十四條第五款之規定修具請願書提出

貴院敬懇統籌全局主持公道對於國會組織法或修追加務令加入回部議員若干名以示大同而昭公允須至請願者

請願人代表回八部

哈密雙親王沙木胡索特
吐魯番親王葉明齋協
庫車親王買買的敏
阿克蘇郡王哈迪爾
拜城貝子司迪克
烏什貝子銜輔國公依不拉引
和闐鎮國公木沙
阿爾泰輔國公邁枚

民國五年八月二十二日上衆議院請願書介紹議員人

劉志齋
羅佩珩
康景泉
李鴻舉
閻鴻鵠
穆臻顯
耿顯

◎民國十一年繼續請願增加議員書

上參衆兩院

呈爲擬懇規定回部議員名額依法請願仰祈

採納事竊國體既改共和種族當然平等所有漢滿蒙回藏人均應與以參政機會使民意宣通遐邇一致方足昭公允而奠邦基此定理也我國約法成於革命倉卒之頃調查未及周詳規定因多疎漏卽如各議院名額一項漢滿無論已由蒙古選舉會選出者二十七名西藏選舉會選出者十名青海選舉會選出者三名而回部獨付缺如揣當時立法之意或以爲回人散布各省自可於各省選舉會混同選出無特別規定名額之必要不知各省回人既不盡係回族又無確定地盤不另設議員名額固無置喙餘地若八部回人丁口千萬有奇所佔區域東西約四千餘里南北約三千餘里名雖隸屬新疆而一切語言文字歷史習慣無不自成一

格且劃地分守爵隆王公亦非新疆省制所能包幅幘如是其廣生靈如其多又係民國五族之一若不特設議員名額則堂堂國會之中竟有五分之一民意無從發表揆諸世界共和國通例未有不引爲遺憾者也今幸法統重光憲法會議瞬將復開用特謹依各部要求於國會組織法中比照蒙藏青海成例爲回部規定議員若干名以彌前缺而免向隅民國之幸不獨回部感激已也再回部地處邊遠羣衆集京良非易易茲特公推李謙爲全體代表捧詞上陳伏乞

垂察無任翹企待

命之至茲將前後請願案繕具清冊一並謹呈

參衆議院

哈密雙親王沙木胡索特
吐魯番親王葉明齋協
庫車親王買買的敏
阿克蘇郡王哈迪爾
拜城貝子司迪克
烏什貝子銜輔國公依不拉引
和闐鎮國公木沙
阿爾泰輔國公邁枚

繼續請願人代表回八部

民國十一年八月二日介紹議員黃佩蘭 李應英 侯汝信
毛相印 王伊文

回部勸告中央政府上大總統南北各偉人條陳原文

第一次上

大總統鈞鑒共和續建民國錫基庶政舉舉天地爲昭五族共仰中外同欽山川社稷賴以固士農工商賴以安賢人君子賴以用雖非君主而亦天地之大德曰生聖人之大寶曰位正宜剛健文明應天時行斷不可稍存姑息使同胞如水火之益急國家如冰淵之益險况南北大局離心離德同室操戈鷄峙互持自相魚肉名爲共和而不和莫過於今日推原其故率由於各省區方鎮多不明共和之宗旨或假公以濟私或擁兵以自固法數而不知理盜起而不知治中央威權幾難出都門一步長此以往國何以爲國爲今之計莫要於詳查各省別區長官其力能克盡厥職維持本省治安文武政績卓著成效者優異而特獎之俾爲他省暨特別區域所矜式調查政績一時不易得其眞像而入手辦法即在維持治安一事邇來內地各省盜匪時有大而攻城掠地小而劫奪民財政府宜熟籌辦法遴派精兵代爲平治兵以衛國亦以保民良醫施藥以祛病爲目的良將用兵以平亂爲前提現查各省區域駐紮軍隊自因懲治

盜匪而駐紮者有毫無盜匪之地而亦駐紮重兵者竊意未免稍有失當治匪之道如治水然平靜省分如強固之堤已亂省分如已決之川不萃其力於已決之川反分其勢於強固之堤勞兵傷財未見其有濟也比如同王八部世篤忠貞共和以來擁護中央鞏固國基傾心贊助至今各無異志謙數奉差遣勸導西北該處情形略有見聞故維持治安一事西北一隅無待中央之過慮也然而八年之久既毫無叛亂之舉政府受他項機關橫生枝節對於該處官民不聞有特異之處哉在該部既無以自勵即各省亦無所爲標準竊謂政府宜施行給獎辦法於回疆官民特別嘉獎從優待遇上以表政府之信賞有法下以慰回疆數年擁護之誠其他各省蒙藏有能如回疆者亦以例給獎賞一域而各省勸事不勞而國自強矣曩者我公台下又蒙同王函保由指揮處專呈謙雖不才常以忠誠愛國爲懷致身圖報爲心聊以遠地見聞考查所得冒昧陳言略供愚悃伏乞

大總統鈞鑒裁核施行曷勝感激謹呈

同部全權化表李謙呈

第二次上

大總統鈞鑒前以西北施政方略暨獎勵賢勞軍民長官之可行繕爲蕪詞稟呈 鈞座想蒙

睿鑒以一介武夫烏足與言國家大計惟愚者千慮必有一得狂夫之言聖人擇焉是以忘其疎愚之罪冒昧陳詞籍蕪蕪之獻茲更有續者前上稟文僅舉大綱其中利害及給獎辦法未及詳言請再爲陳述以補前者未竟之說竊以中國今日之病不病於無兵而病於有兵不病於兵之少而病於兵之多徧觀各省大兵所到之地往往爲大亂發生之地大亂不發生於大兵未至之前而發生於大兵既至之後然則土匪猖獗重兵駐紮而不克制止即不然刁斗夜鳴鷄犬不寧人民之安堵不足云矣此其故良由於國內之兵不用夫賢能良將多用夫無能無術之私人執兵柄者爭 占一形勢之地以自固各人之利祿某處本平靜無事反聲言該地亂機已伏不早防範事後將不可制政府不及詳查急於弭亂遽以餉械與之大亂之起多由於此本以防亂適以釀亂故平靜省分萬不可屯駐重兵者此也西北一隅八年以來擁護中央之城不駐重兵亦無亂事發生者不大彰明較著哉至於獎勵軍民長官一項國家名器所關益當詳加審慎不可吝亦不可濫所謂功勳限之以爵爵加則職榮也故給獎辦法宜爲銜名上之獎勵不宜爲實職上之獎勵銜高則望重望重則瞻仰者多而勸勉以生職高則權大權大則畏威者衆而猜忌以起禍亂國家使政府束手無策且既俾以最高之職權其

勸勞更有高於此者又將以何等職權予之乎吾知政府之術必有時而稍窮也正不若獎以銜名在政府既可爲不費之惠在各省亦可免其無厭之求譬如現下大局收束統一辦法略供愚悃謹請民國有大仁大義愛國忠誠不在黨派無叛亂之邊疆等處有能力名望素著之世襲王公原有五族同胞之關係當盡五族共和之義務出而調停南北大局或自親蒞或由本部派出代表南北接洽力勸哀哀諸公和衷共濟彼此互相讓步早日統一國家則有十大幸福焉不招各友邦之見笑中華四萬萬同胞我國政府之無能術者一也不使各友邦名爲勸告而暗中挑撥鬼唆病人神助強將種種行爲農夫皆知者二也不使強鄰辱我國基層見叠出乘機而進佔我疆土使國民之憤恨激起種種風潮者三也不失我國家數千年優勝第一強國銳氣者四也不使紛紜抵牾外款將利權讓於外人之手者五也不勞國家之大兵以自殘殺失落手足之感情者六也不傷國家之巨款民脂血膏用於無益之地者七也不使庶民塗炭荼毒生靈者八也不使同胞離心勢如散沙兄弟鬩牆操戈同室鷸蚌相持利在漁人者九也不使抗命競爭靡濫地方層層殘局邦分離析苦殺我生民難殺我政府者十也以上忠告各節明頒詔令付一責成遣使疏通倘有之幸天厭郡禍使南北統一同心同德協力對外非圖一人之福實屬天下之床也誠若此則天下如一家中國如一人將見國以弱而轉強民以貧而轉富又誰敢目空中華無雄將英才乎然而內仕外人從中調停無效者何焉不及邊疆王公者何焉原有弊竇叢生不是係黨便是係派祇知偏黨偏派不知愛國愛民因將大局樂限於蠱卵之危地而不之省去年報章所載京都成立五族聯合會調停南北至今未見有效不過虛應故事濫費財政究竟無濟於國事也謹代表回部就差中央辦事有年數供驅策無勞可紀然深凜有聞不是吠影吠蹤故敢二次上言冀邀聰聽是否有當不勝惶悚待命之至伏乞

大總統鑒核施行

謹呈

中華民國九年 月 日

同部全權代表李謙呈

●安徽潁州七邑請願電

大總統國務院參議院衆議院制憲諸先生巡閱使鈞鑒呈爲請願增修約法規定回族議員名額事竊維中華民國由中華人民組織之國會議員由國民全體選舉之邊疆回部之回族共計七千餘萬內省合計九千餘萬回民戶口較之滿蒙藏三族人數已過倍數胡爲乎國會

數百議員而回族未之有聞焉推其弊非盡由於選舉之偏私亦臨時約法未規定回族議員名額有以致之也或者謂回族專指新疆等部而言然內地回人確係回族者亦實繁有徒考中外歷史回族入於內地者指不勝屈由余仕秦日禪輔漢此其較著者也（此點不在題內是亞刺伯種非同種）迄唐安祿山亂借回紇之師克復兩京回族之入於中華者奚止萬千迨元時回族學士接踵入中故元代將相半屬回人按回史其民有宗派無姓氏後人命名多襲前賢之舊及入中華其子孫之姓皆由來祖之名漢譯以稱之如哈買者答達賽馬穆沙海拜擺等姓是也或由國家所賜爵祿所假如李趙王侯等姓是也又有一音兩字各假爲氏如麻與馬穆與沐帖與鐵白與柏丹與單劉與柳虎與忽胡等姓是也尤有就祖名之釋義借以爲氏者如方楊張梁常等姓是也固不獨脫脫之苗裔爲安伯顏之後嗣爲白葉護之子孫爲葉蘇魯檀之後爲蘇亦摩尼之後爲倪膽思丁之後爲丁等族以見回族之蕃昌東亞也奈何回族議員名額概無規定明條不能與漢平等固矣然其視滿蒙藏亦不及遠甚臨時約法章創難周國會重光易敢再誤當此制定國憲伏懇

諸先生本良心以合公心順民心而應天心庶使五族平等同欽佩大經大法之無疵以鞏固

中華民國永遠太平之基礎幸甚肅此上呈伏乞

垂鑒

安徽潁州七邑代表回教俱進會會長兼教長 李振鐸 等謹呈

答啓祥

◎河南漯河回族公民公電

北京大總統國務院參眾兩議院三巡閱使鈞鑒民國成立五族共和憲法取諸民意當由五族推出議員共議制憲方可爲完善國家奈何國會之中蒙藏各有專額議員獨回族竟付缺如縱然臨時約法之草創有所遺漏將來憲法自應增加以期完善今茲回部代表李謙君暨各省全體回民請願國會增加回族專額議員乃本五族共和之公推以期符五族共和之名實伏乞

偉公一視同仁主持公道值此修正憲法之際增補回族專額議員之條恢復回族之公權以亮回族之偏枯回族全體安再有否認之詞耶回族幸甚中華民國幸甚

河南漯河回族公民代表

趙子瑜 馬朝鳳 楊恆春等叩
韓明倫 完定揚

◎國務院批函

逕復者 來牘閱悉所請於憲法中增補回族專額議員條文一節事關立法請 逕向國會

請願可也此頌

趙子喻先生公綏

張紹曾啓

●湖南回族公民代表李榮魁等請願稿由快郵代電

北京大總統國務院參眾兩院鈞鑒民國肇基五族共建權利義務應被同仁乃國會代表人民諸族均膺庶選惟我回部獨有向隅之感長此不改內則灰回民八部之心外則貽強鄰挑間之釁甚非國家之福茲者回部代表一再請願務懇諸公主持公道改組憲法加入回部議員五族一心邦基永奠臨電神邇湖南回族代表李榮魁馬立朝馬德鎔藍漢鐵馬潛蘇等叩齊

●回部全權代表爲維持國紀呈請懲辦楊增新及雪馬福興父子

致遭冤誣之原文上

爲維持國紀以儆效尤縷晰陳明敬祈

鈞鑒竊一介末秩知識缺如嘗聞之弭天下之後患必急天下之先務而後可與圖治也然

不圖治後患日長惟然視其長孰與圖之是故先務之爲急也忝逢我公雄鎮神州樞機在握

天下事籌之熟矣何用測蠡之見妄議高深然太山不讓土壤河海不擇細流但求心有所得笑敢默然而不宜用獻芻蕘諒不以區區見棄者也故今不揣冒昧謹將維持國紀以儆效尤剖切陳明用特一一爲我

公左右呈之考新疆一省地處邊隅毗連外國雖屬我回部西壁之門戶實爲中央重要之疆土凡百在位責任綦重正宜努力同心丞相聯絡擁護政府鞏固國家豈容偏隅一督殘苦不仁動輒私嫌意圖謀殺一己之見幾夫牽動全球凡我同胞無不髮指眦裂譁忝列代表責無旁貸當一視以同仁爲彼此而昭雪或者謂新督楊增新生而多詐奸險異常見利忘義不堪設想當北蒙之獨立則助蒙及俄黨之對壘爲俄援惟馬始終不從實獲中央之契重每以違楊慙恥致遭殺害之原因且馬福興素以仁厚爲懷道德爲念恭寬慈愛軍民共沐深仁聲震京庭偉績已膺乎上將豈意楊督嫉妬盈地盡是陰霾酷虐釀天益增暗害前月楊增新以閹兵爲名誠以謀殺爲實馬無防楊之意而楊有殺馬之心剛到阿克蘇忽將馬督父子執而殺之嗟嗟認馬造反天理何存私殺大員國法烏有馬果悖逆何得派員迭次來京既有異端何得派員駐京辦事況夫人不但東來豫洛而且頻住京城馬如背反有心決不致爲楊暗算何

也兵符在手得軍心尤得民心虎帳聲高且善戰必能善守楊縱有翅馬亦固難明公有知尙祈諒之假使馬有不法行爲應請政府如何懲辦楊增新何乃目無中央竟敢私行擅殺噫異已詆誣昭著殘暴顯然推彼居心其叵測若不澈底懲辦不無舉世效尤禍國殃民在在皆是非但此也楊增新自督疆以來靡惡不作中外咸知始則反對籌邊大使行見領土消亡繼則盜賣礦山歸俄人開採中則違背公法密約私訂外人卒則鬻爵賣官其間擢髮難數是以暗無天日人民之咎苦徒勞塗炭主靈黎庶之怨聲載道以致外患肆起羣不聊生滿目凋殘邊民苦難惟有仰伏

鴻慈普蔭俾人民脫諸九幽並乞依法嚴懲雪慘殺以中國紀趁此謀殺罪案立法正弭亂之秋應請免職撤京嚴究殲逆謀之路大局可振後患可除或提有道之師以討無道之罪輿情可順法紀可彰或頒發討伐明命剪彼凶殘救民水火疆雖道路僻遠螳背詎足當車爲民請命違恤靡他是不揣冒昧用敢繕陳臨穎雲霓勝待命是否有當

批示祇尊此此

大總統
吳大帥 鈞鑒

回部全權代表李謙謹呈

●回部全權代表李謙爲馬福興雪冤通電

北京大總統國務院陸軍部內務部外交部司法部參謀部交通部財政部農商部參眾兩院蒙藏院警察薛總監洛陽吳巡閱使步軍統領南苑馮檢閱使蘇皖贛齊巡閱使湖北蕭巡閱使熱察綏王巡閱使天津王巡閱副使綏遠馬都統張家口張都統察哈爾米都統外交團各省督軍省長廳長鎮守使道尹師旅團營長各報館各省男女學校各公團中國回教俱進總會全國父老昆弟

公鑒呈爲明法紀以全大局申謀殺以雪誣冤縷細陳呈敬祈

鈞鑒竊思古鏡不滌不明是非不究不白欲明其是必溯其原欲考其非必探其本本不固則源不清言多泛則事不實故古云言多必詐是多必非且昔是而今非其中不乏魑之舉惟察來而究往誠有不堪設想之聞嗟哉悲乎慘莫慘於馬督父子同時罹難而獸心人面毒莫毒於楊增新謀殺反誣馬罪狀六條假中之假誰信我輩迴環展視冤外之冤堪憐惟可憫者馬福興年已七旬人將就木形同桃李時虞物換星移景已桑榆早絕蒼茫異志果有不法豈無一聞果係殃民豈乏上控倘有行爲不正何得久鎮邊疆若時背反有心何得派員駐京

辦事假使心存異議何得各處聯絡感情馬既面面週隆頗稱服從盡禮而安內對外忠義顯然詎楊增新居心險惡如虺如蛇前月以閩邊爲名令飭馬福興父子同赴阿克蘇一叙并令其輕車簡從毋稍延誤等經語但馬素以順從天職心無防楊之意故敢直前而楊實有殺馬之心令其不備馬到出其不意被楊驟而執之嗟嗟獨對夜叉任金剛亦須低首不分皂白兩父子死而茫然嗚呼噫矣能不嗟夫最可恨者楊增新竟敢先殺後雷其目無政府可知而私殺大員其無法紀可知不呈政府先敢裁缺後行宣佈其藐視天下不言可知楊既無法無天將來後患均在不言而喻吾爲世哭吾爲世哭吾爲民國前途哭吾又爲楊增新殺馬裁缺其中用意誠深也悲夫最可悲者馬福興大抵致遭謀殺之由起於贊成正大光明之舉何也凡有拂全國之公意及冒天下之不韙而馬始終不從惟有擁護國家維護中央之知愛因是違楊增新致遭殺害之原因者一也但楊生而多詐奸險異常見利忘仁事難罄贊民國以來與外人訂約井及盜賣礦山其間貪墨情形惟馬種種咸識固思若不殺馬無以滅其口不裁缺無由引外人入因此故有殺馬之必要及有裁缺之必行探本溯源此其馬福興致遭謀殺之原因者二也且馬素以仁厚爲懷道德爲念忠忱耿耿正氣堂堂報國有心中中央契重故前猥

承

政府獎勵陸軍上將并賜十頭寶刀然則馬雖沐政府之恩出不淺實爲楊督之嫉妬尤深何也楊督量小如豆覬覦爲懷羊狼狼貪夜郎自大以

政府不賜楊而賜馬恐失權位於將來與不殺馬而無楊難免滄桑於日後因此挾嫌嫉起謀殺心生究往察來此其馬福興致遭謀殺之原因者三也然則楊增新祇知殺馬裁缺其中用意良多而不知馬若可殺缺何可裁何也查喀什提督之設原爲鎮守邊疆地處乾隅毗連外國雖爲我國西北之門戶誠爲中外封疆之鎖鑰設官責守已千餘年從古及今罔敢輕棄倘今一旦裁缺而防閑疎失藩門苦爲君開放入外人不乏蕭牆禍起譬如前之葉開泰私賣梅花莊之故事引狼入室遂成附骨之疽禍國蠹民竟屬切膚之痛詎楊增新僅知有利於己不知貽害於國家裁缺之爲罪在不赦謀殺之案命應抵償且伊名雖殺馬以洩私嫌實報政府不獎上將種種欺藐法律難容若非依法嚴懲此其大有反對政府在內者六也不僅此也天下人虎面狼心者莫楊增新若也既爲督軍身受國恩應盡忠義以率羣僚當同心而擁護政府何得以私餘之小讎謀殺人之父子以致掣動全局衆憤同仇而不思古今大吏非由政府

莫能戮而楊竟私殺之其目無國紀已甚果者馬如謀爲不軌應請中央處分且亦罪不及其子而楊竟將馬福興父子同時并戮噫異已楊之狠心過矣其目無國法爲尤甚矣嗟嗟楊既目無國紀心無國法此其大有反對政府在內者五也尤有最可惡者楊增新不但心如商鞅之凶且殘誠有賣國之谿壑不遽飽故謀殺惟私爲之裁缺惟私行之苦海生波不堪設想無非恃新疆道路僻遠欺中央威力鞭長莫及敢瀆誣由於一己擅殺專於一人一則探中央有無神威一則試政府有無知識偷蹤容不察以備妄稱獨立敢爲敢作任其自由藐法橫行後患非淺此係楊增新之實在情形誠是大有包藏禍請心在內者六也此六者之告誡出肺腑伊六案之誣應爲昭雪我輩若非纒晰代爲洗誣恐世間如同枉死城中全無日月今則若不將楊撤京懲辦恐將來不乏舉世效尤禍國殃民在在皆是非但此也最可冤者誣馬以拉夫爲濫派民夫此言欺頑瞽則有餘而欺明公則不足何也民國以來戰爭不息當軍事惶惶之際實兵士疆場效命之秋東令西奔朝發夕至諸几輸送在在需人出兵拉夫古今常例且今民國軍民一體既係兵差何謂濫派謂馬以濫派民兵此言尤加含混何也喀什地處邊疆毗連外國鎮守之責不可不防稍有立虞責無旁貸今既因楊增新外患肆起而馬不得不借民

兵以助嚴防且設民團練民兵原無安內禦外外既有患則民何安民既助兵義憤所致而亦感情所關然民均願敵愾同仇於焉何謂濫派且喀什地方土廣民貧馬福興自四年蒞任提督以來昕夕不遑然費心苦披星戴月不憚練兵之勞沐雨櫛風備嘗開種之苦實欲爲國家廣興實業欲興實業以充軍餉開礦開墾寓兵於農以爲民有生機軍有常備民既有業家家無懸磬之憂貧既有工處處獲生活之路况民工薪朝發夕至或給銀而給米惟先領而後工勒索之誣請問何自民財之據勒索何來又誣謀奪民產之說言之也鄙聞之痛心嗟嗟喀什地方寒冷異帶地曠民窮苦無棲止造房開產之舉原爲拔救窮民起見馬雖不才素心慈但每見民而流離失所惟目擊而不禁心傷用敢措貲用造房產或添新而補舊或買屋而增修惟產及房均立契券買賣公道無少毫釐或出租或出售中保胥押或官產或民產界址分明然則民之爲民馬之爲馬彼此清楚豈有謀奪况馬抵喀以來諸凡輿情無不順適不過喀地回民居多開通尙少老成持重之士頗多潛隱梟桀之徒風響雲從凡有洋藥毒品奉令不得不禁而流氓亂黨奉令不得不懲且除暴安良軍人天職馬既奉令切實查辦實爲維持治安人民既犯國法無情法既嚴明何謂草菅然則尤有更可頌者馬福興爲人慷慨樂善好施事

理通達心氣和平喀什人民靡不贊頌惟夏以施粥冬以施衣喀什軍民互相感激因此傳頌而有有大善人稱者有之而回民亦有發亞稱者有之即漢語稱大雅是也至誣怕夏之稱我輩聞所未聞實亦知所未知然亦不知怕夏爲何稱究亦不知怕夏爲何物楊增新既知怕夏二字其中用意不言可知且伊與俄私訂密約其中舉動不無所欲既與俄交其中言語不乏是稱既有是稱必有是主何得以己之所欲而誣之於人噫異矣楊增新之行爲其中不言而喻矣然而尤不止此楊增新自督疆以來靡惡不作中外余咸知始則反對籌邊大使見領土消亡繼則盜賣礦山已歸俄人開採中則違背公法密約私訂外人卒則鬻爵賣官其間擢髮難數是以暗無天日羣不聊生今又謀殺大員全球共怒凡百在位諒不忍坐視凶殘倘荷愛國愛民當乞爲大局一振伏希

鴻慈普蔭究謀殺以雪冤誣并祈依法主持明國紀以全國體天下幸甚國家幸甚則我輩亦受福無量矣近日頃接各省漢回兩部統兵大員暨各行政機關以及軍民人等函電交至均抱不平檢視迴環共計壹千餘件其中催促陳情急如薪火肅忝膺代表責無旁貸今實迫不得已用持縷晰呈明臨穎悚惶統祈

垂鑒

同部全權總代表李謙謹呈

●吳巡閱使電

北京大總統鈞鑒認楊增新擅殺疆吏馬福興父子一案實有反對中央之嫌應請 大總統乾綱獨斷依法處治吳佩孚叩

●大總統批令

洛陽吳巡閱使鑒電悉並回部全權代表李謙呈稱均悉楊增新擅殺疆吏馬福興父子一案已有反對中央之嫌理應依法懲治以儆效尤而維國紀此復即希查照爲荷 大總統印

●楊增新抗命中央假回部王公名義通電殘害代表之反響

北京國務院參衆兩院內務部陸軍部參謀部司法部農商部教育部外交部蒙藏院北京馮檢閱使王巡閱使北京參衆兩院新疆議員蔣舉清李鍾毓諸公鑒保定曹大帥洛陽吳巡閱使濟田督軍武昌蕭督軍西安劉督軍蘭州陸督軍林省長南昌蔡督理南昌齊督軍太原閻督軍天津省長開封張省長歸化馬都統察哈爾張都統承德都統土爾番葉親王哈密沙親王鑒七月十二日准國務院電開前據哈密回部親王沙木胡索特等迭電稱李謙假充代表等情當交內務部核辦茲准甬送河南省長咨復到院略稱李謙現住洛陽當即傳詢據稱民

國三年奉哈蜜沙親王委爲回部全權代表呈出所奉親親王函件蒙藏院公函公府發給赴哈護照種種證據等語除另函外合先電達希卽查照轉知院蒸印等語當卽轉電回部各王公去後茲據回部各王公電稱據院電所稱民國三年奉哈蜜親王委爲全權代表呈出所奉沙親王函件一節查哈蜜親王於民國三年進京該李謙因與沙親王相識並無委托李謙爲全權代表之事如果委爲代表自應以印文爲憑國可願以捏造不足爲據况哈蜜在疆所屬不過一縣新疆全境共伍拾餘縣卽使沙親王委充代表屬謙亦不能以一縣之代表而有全疆之代表更不能以民國三年之代表冒爲新疆回部萬古千秋之代表况該李利冒充代表業經哈蜜沙親王通電呈請取消萬不能認爲有效又據院電所稱有蒙藏院公函公府發給赴哈蜜護照證據一節查該李謙如何卽蒙藏院冒充新疆回部代表蒙藏院與該李謙以何項公函新疆回部王公不得而盤新疆回部王公並無呈咨院部以李謙爲代表之印文不無委托李謙爲代表之印文不論蒙藏院與李謙以何項公函自能作爲該李謙冒充新疆回部代表之證據不能作爲新疆回部王公託委李謙爲新疆回部代表之人據自民國三年公府發給李謙赴哈蜜護照係李謙假冒回部名義請領當經哈蜜回部王公呈請新疆楊督軍呈

政府查辦並電陝督將李謙拿辦由陝西解回原籍並經新疆陝西兩省呈報中央有案此項公府護照祇可作爲該李謙冒充新疆代表罪案之證據不能作爲新疆回部王公委托李謙爲新疆回部代表之證據在從前李謙不遑冒充哈蜜回部之代表近來並冒充新疆回部全權之代表在從前該李謙不遑冒充新疆回部王公之代表近來並冒充新疆回部隊將領之代表肆無忌憚至於此極謂爲毫無陰謀其誰信之該李謙欲假新疆回部王公代表之名義以自重我回部王公萬不能承認李謙之假充代表爲有效以自輕查旅京議員中有烏什回部輔國公一不拉引旅京旅新疆漢回議員共二十餘員新疆回部王公從無李謙一人以爲代表之事况李謙以一無賴流民實爲內地回民中第一壞人與新疆毫無干涉我回部王公無有知識安有委托李謙爲回部全權代表之理况我王公如果有所陳述可以直接電達政府論自由又焉用一內地無賴之流民李謙爲代表致生枝節應請轉電政府及各省嚴行取締如果該李謙再有冒充新疆回部代表情事卽行依法嚴辦以伸國法而杜陰謀邊局幸甚等語增新查民國二年李謙由京請領護照擬赴哈蜜此項護照應否發給中央政府並未徵求哈蜜親王同意經哈蜜親王偵知呈請增新電呈政府並電咨陝督將李謙遞解回籍足爲哈

蜜沙親王並未托委該李謙爲代表之證據新疆回隊無論何營仍直接新疆督軍所轄增新卽爲回隊將領近來該李謙不惟冒充回部代表並冒充新疆回部將領代表此等舉動實係列陰謀無怪回部王公以李謙爲內地回族第一壞人已經新疆回部王公全體否認電呈政府十數次若再加以姑息實非地方之福應請將李謙冒充新疆回部代表名義實行取消毋再聽其招搖藐視國法不勝盼禱之至新疆督軍楊增新七月十二日 印

增新假回王名義叩

●全國回族通電

大總統國務院各部總長各省督軍省長師旅長各報館公鑒昨閱七月二十七日午字報載有新疆楊督軍否認李謙回部代表之電披閱之下不勝詫異查敝族代表李謙宅心正大作事忠純數年來謀公益請願公權不辭勞怨不避艱險全是維持大局之肩毫無個人權利之私事實俱在何得妄認最可笑者假名回王稱李謙爲第一壞人其第二第三以至第八九十等壞人又屬爲誰敝族散居各省數千萬人民國成立十二年矣獨立何人搗亂何人已完國民資格未有忠正愛國過於回族也似此荒謬之論決不應出諸封疆大吏之口非吾回部王

公之意顯係謀奪公權使回族不能平等之陰謀挾嫌破壞之語近年報端屢見假名攻擊函電鬼域含沙本不足與之計較但五族共和國體攸關在李謙個人大度包容可以置之不理在同族公民大動公憤天予平權不能任人侵奪而不語茲就原電矛盾之處逐一指斥以供衆論如電稱冒充代表蔑視國法一節查國家組織法政府之於各省猶綱領之於故發號施令罔敢抗違方合國法楊督假名回部王公迭次電呈政府查辦經國務院一再查明李謙代表公文函件種種證據確實先後電令查照乃楊督仍復抗電中央意欲推翻舊案取銷代表而後快其目無政府跋扈情形蔑視國法莫此爲甚又稱回部王公皆直接政府理當由回王主持五族共和各有公權既能直接此次之電何用新督代達綜計假名出電登報十餘次一經參考前後不符自相矛盾如去歲電稱除哈密親王外其餘王公均未委託等語豈不知國民大會選舉時亦未指定一部全部之分前云回王不知謙李今電云回王與李謙相識奸徒詭謀愈爲顯露查李謙代表確係親王特派函電公文府院各部有案可查民國四年又經五族國民大會被選爲回部國民代表有奉大總統令載在政府公報案證俱在人人共知又何得誣之冒充又稱毋得再聽其招搖查李謙代表任職數載純盡國民義務未用公家一錢未

爭當道一職且未與任何黨派有所沾連恪守國法全族欽佩何得謂之招搖空言誣人適以自誤細揣楊電之意實欲阻止李謙依法請願加入回部議員之舉使我回族獨受偏枯不能享同等之待遇也似此陰險非僅取消李謙爲代表欲取消回族全體也我回族公舉代表幫忙國家奸謀百方破壞實屬可恨果爾則回族共和不能爲完全國體所不解者以堂堂大吏不惜自貶身價而爲齷齪之奸黨利用殊屬不值李代表爲回族請願加入議員非徒爲回族造幸福實欲爲國家謀完全也此乃關係大局要圖各省當道熟識贊成楊督理以領銜呈請加入回部議員方爲正當何必獨從事於破壞是誠何心哉由此以觀孰爲公也孰爲私也孰爲好人孰爲壞人不待智者而後知也公民等與李謙非親非故本良心之論數年來維持大局調濟和平厥功甚偉成績昭著決不邀功以此等人爲壞人天下真無公理矣公民等爲回民一份子卽爲國民一份子早已窺破奸徒政策不認安於緘默據理聲明以免傳聞之誤我回部王公遠處邊陲往來重要函電多被陰謀違法扣留以往證今洞若觀火須知李謙爲回王特派全權之代表又係國民大會公舉敝族全權代表卽使新疆一隅受其假弄我內地回族不能同受其愚任其隨意翦滅也伏願愛國君子屏除私見共濟大同倘仍始終不悟逼人

過甚甘冒天下之大不違我內地回族亦不乏強健男兒自有相當之對待除電知國內回族復電二十餘件公懇李代表照舊行使職權萬勿稍萌退志外用特公函聲明以免貽誤大局望祈五族同胞希垂鑒焉中國各省回族公舉代表喬偉侯馬彭齡呂本固丁鎮南周敬享劉永耀馬先太喜金魁馬長太馬國定馬永圖馬柱臣馬祥太程樹榮丁尙智海靜波李忠仁馬振家范懷堂趙子玉龐峻嶺喇立薩的凱尤蘇福蘇來馬乃饒智馬騰龍梁子璋韓建基馬錦黨丁鴻藻馬榮壽馬世明劉泮菁烏兆翥馬錫九何小溪楊明初楊信卿馬濟丹馬竹平馬達義吳松年洪配山答啓新洪筱村張錫璋陳傑張是陳祖武張錫琮陳來東喇品貴康克勳馬鍾麟馬儒珍馬全祿喇永永森周忠福馬登雲馬得福馬尉文馬有智馬毓瑞祁兆祥馬明德賈維藩賈文正王長治趙文治李振五馬清太馬保均王俊馬承瑞馬紹武徐文泰李樹案馬人和哈國輝哈成章王健買鴻欽王瑞甫馬清偉河喇治卿王平張和馬保太趙玉良馬瑞麟馬成鈞張子衡喇永貴馬如彪馬鳴鸞喇希堯張生麟劉朝臣等二千二百五十六人全體公叩

逕啓者竊鄙人自慚落落忝列回同護教爲懷每有蒼生之念捐軀報國渾忘身命之嘉學許

子而不憚煩固辭辛苦披肝而存瀝膽以對同胞凡我回宗尤加愛惜事有必至理固然也前月馬福興慘罹楊增新謀殺一案比接函電慟恨交加展視迴環徒深浩歎思維再四日夕悚惶偶成一紙之書隨向軫轅而發乃承

吳帥推愛業經電達中央復蒙

政府仁明已據處分有自刻下鄙人并擬楊增新罪狀業已通電週行當爲宣佈各省矣鄙人忝膺代表義應懷然關係回宗責無旁貸用肅蕪簡端此奉

聞倘荷

不遺伏維

遠照

同部全權代表李謙謹啓

洛陽同部辦公處

同部全權代表李謙面請

浙江省長夏定侯保存西湖邊回塚壹百伍拾畝又金壇門外馬路中有古墓三尊請祈保存省長允准保存並轉遞

鳳凰寺鄉耆又稟稿壹件自備公函稿壹件

◎致夏省長公函

敬肅者茲准杭州鳳凰寺董事會函以請波門外暨萬松嶺一帶古塚遷移困難請求一體保存繕具呈文囑爲特呈

鈞座謹特肅附奉原呈請祈

察核查該兩處古塚遷移爲難係屬實在情形懇請

鈞長優予保存克成善果則感激深恩實非淺鮮也肅此敬請勛安諸惟

朗照不備

同部全權代表李謙謹上

孫嘉林 馮爾孝

具呈人杭州鳳凰寺董事會董事

張祺 孫忠偉

金如桂 馮邦房等呈

孫松亭

金錦恩

爲請求保存古墓以垂紀念事竊吾杭西湖堤岸一帶建造環湖馬路固爲便商利民而古蹟所在莫不一視同仁優予保存茲因杭垣清波門外拆城以後發見我回教古墓三塚建築之

堅固石料之古樸實爲近時所罕見其中尙有阿拉伯文碑記存在雖屬年代久遠字跡猶可辨識業由該等商明省會工務處將該墓誌拓出由教中經師細譯碑文所記始知該古墓建於我穆聖遷壇七百年之際時在唐代中興距今已千有餘年墓爲卜合提亞爾（譯音）所葬卜氏係中亞細亞人氏曾爲卜哈刺軍務上官乃祖乃父世爲名族當時奉命傳教來華在杭有年歿於錢塘生性好善恆濟人之難發揚教義使我教之人漸趨正道是以同教後裔莫不同深感戴其旁附二塚均爲相從卜氏經師之墓碑記俱在歷歷可考同教後人有知卜氏遺愛照著因不知墓之所在也今於殘磚瓦礫之中得其真蹟已如擬雲見日爲此環請保存以垂永久伏竊省會馬路自逐漸推廣以來舉凡名勝古蹟之區均蒙一體保存而清波門外馬路路綫雖經規畫尙在未建築之中伏念我回教墳墓素係不用棺木均屬附土以葬外則僅石槨一經遷動實有不可拾收之虞且卜氏先賢古墓已歷千有餘年不獨表面石器堅固逾恆不易遷動而附土遺骸更有難於檢取之處此我回教墳墓遷移困難之實在情形也又查萬松嶺一帶建築省道已由省道局標立木椿經過界內我回教墳墓歷代所葬何啻盈千遷移既如上述之困難卽以遷費一端而論爲數亦屬甚鉅若就原有人行道路改築省道

雖略耗工尙屬有限使無數骸骨仍安故土在公家財政竭蹶之秋尤宜節省遷費在我省長存好生之德澤且及於骷髏懇請與古墓一體保存而免拋殘屍骸夙仰鈞長仁德爲懷慈悲在念謹啟具呈請求伏乞仁施格外恩賜保存免予遷遷移垂永久幽明感德於無涯矣伏候批示照准實爲德便謹呈

浙江省長 夏

民國十四年三月七日

甘肅蘭州來函

敬啓者國家既號五族和利亦宜共享此情此理盡人而知而臨時約法將蒙藏青海及中央學會國外華僑均有專額議員之規定惟於回族概無明文豈回族無土地人民之主權無會議員之資格歟抑地處偏僻民多愚魯無國民會議員之程度歟畛域之見猶存權利之享獨偏凡吾回民若不急起直追共爭利權誠恐

憲法一頒我回族有五族共和之名無五族同享權利之實亡羊補牢猶未爲晚一髮千鈞機

不可失頃閱

公啓及各省回族公民函電不禁爲之踴躍三千以與我

公協力贊助吾回族萬世之基也仍望我

公一致進行同人等附驥於後非達到圓滿目的決不致放棄權利以貽笑於子孫也將來果

能加入則回族之公權民失子孫之權利可享而我

公之德感載無暨矣敬頌

公祺

甘肅回族公民代表

喇品貴 康克勳 馬鍾麟 馬儒珍
馬全祿 哈永森 周忠德 馬登雲
馬得福 馬尉文 馬有智 馬毓瑞
祁兆祥 馬明德 趙玉良 馬麟等謹呈
馬成鈞 張子衡 馬尙智 喇永貴
馬如彪 馬鳴鸞 喇希堯 張生麟

●廣東回族公民代表公電

北京 國務院 鈞鑒
參衆兩院

民國成立號稱五族同居其一國會爲全國民意機關當由五族合組而成不能偏廢前者國會議員名額四族皆有回族獨無竊以建國之初籌設間或未週擬俟國基奠定議請加入冀可完成詎料政見紛歧變爭迭作尊嚴國會卒遭解散而國事益覺糾紛擾攘數年未獲甯息茲者國會正謀恢復自應依法由五族合組回部議員須定名額不能以該族民意棄之不顧而使五族名實爲之不符則內貽國人之譏外爲列邦之誚用特不揣冒昧謹電具陳

廣東回族代表何小溪楊明初楊信卿馬濟舟馬竹平馬逢義等叩

又來函

保定回部全權代表辦公處鈞鑒敬覆者來函已悉回族爲五族共和之一選舉議員理應秉公選舉况國號共和回族既居其一應占合選資格議員一份子以符民選法規我族同人自應肅電請求 國務院參衆兩院力爭議權我回族同人萬無放棄之理茲將原電抄呈奉覆以慰廬念肅此順候

公安

廣東回族代表何小溪楊明初楊信卿馬濟舟馬竹平馬逢義等叩

●浙江回族公民來函

洛陽回部全權代表李恭謹先生鈞鑒鑒接通告敬知我

公爲爭回族國會議員謀穆民權利幸福熱忱毅力無任欽感頃已遵照我公提倡手續政府本日代電其文曰北京

大總統國務院參議院衆議院鈞鑒竊我中華民國號稱五族共和回部人民亦係五族之一國旗飄揚萬國具瞻乃南京政府對於國會議員之分配惟我回族獨付缺如揆情酌理豈得謂平今幸有八部回民代表請願伏乞我 黎總統國務院參議院衆議院暨諸公主持公道准予進加回族議員若干名列入憲法以示天地無私無任翹盼知關 綺注謹此奉問

溫屬回族國民代表 張錫璋 陳祖武
陳傑 張錫琮等仝叩

張昱 陳來東

●甘肅回族宏門教主來函

大總統國務院參衆兩院鈞鑒竊維五族共和肇興民國是我大中華民國由我五族人民組織而成此臨時約法所宣言五色國旗所標識者也既民國爲五族之國則五族人民當同負

應盡之義務當同受應享之權利此尤爲天經地義所不能改異者也國會議員之列席爲民國人民應享權利之一惟議院法之分配議員名額特設蒙藏專員而回族獨付缺如似欠平允當考古之回族溯自漢武時已通好於中國是汗回之聯合較他族爲最早回族人民之衆即以甘肅一省而論已不下數百萬亦較他族爲最多甘新爲西北之屏障兩省軍士回人居其多數地方秩序端賴維持即內省之回人從軍行伍著立戰時功時有所聞是回族之効力於民國尤較他他爲最切由此觀之漢回之關係無一不優膳於他族而所享之權利反居於他族之後則議院法制之缺點不亦張明較著乎或謂回族人民散居各省無固定之部分於選舉手續上諸多不便將奈何是謹就表面上立論尙未即實際上考察也我回族人民固隨在皆有然無一不有主教之統率聲息相通如時之時臂臂之使指外雖似渙散之形勢內實具團聚之精神即內省回民亦皆結合於一隅並無零星雜處之慮夫何不使之有國體等既爲民國分子早擬聯名呈請因念我

大總統國務院參衆兩院諸公均爲發代名彥秉理察物似此欠缺之典必有改組之良故遲遲以待現值議憲之際實難再甘默緘放棄天然權利利用敢陳述理由隨我回族代表李謙之

後願於

諸公之前仰乞

俯念共和國體五族平等之義按照蒙藏議員定額成例

准予專設回族議員若干名載諸法典以彰公道而弭爭端回族幸甚民國幸甚

●哈密雙親王來函

甘肅回族宏門教主馬國禮率教家人等叩
馬國禮印

公謹賢契代表鑒憑着 眞主的慈助我的清廉的有嘹曉的有聰明知識的大武德賢姪上一切吉慶鄙等 在北京相別之後自五月二十三日同着一切官長隨員平安抵哈我們進城從一切患難上是安甯的前在京聽地動之信是謠傳的我 姪由北京寄來之信齋月內均收到我知憑囑咐要事實喜我心我們爲你常常乞主保佑並乞大總統及一切官長求 眞主保佑眞主憑着他的仁慈保護全國之安甯至國會遺漏我們回部之議員總望我 姪着實請願鄙已與各部函商妥協的以後北京各省有事常常通信爲盼

愚伯西屏手書

●哈密雙親王來電

北京順治門內牛肉灣清真寺轉李代表謙鑒電悉靜候來初全體一致請願此復哈密雙親王印

●綏遠馬都統來電

洛陽車站公輿存李顧問劉代表鈞鑒尊電祇悉已切實電商閣翰二公矣得復即達馬福祥漾

●馬都統來電

保定回部代表李謙合鑒歌電祇悉關念甚感前接台端兩勘電已於江日微日迭電曹吳二帥表示決心昨日之有請效前驅電藉報曹帥十年知遇區區之誠諸事代達爲盼馬福祥陽

●馬都統來電

保定石柱街李公謹兄鑒統密東電祇悉齊督軍電尙未到本日接蕭督軍贊成齊督軍即由萬急電請齊督軍將原電領銜拍發以期早定國是矣東海既有電辭職一切略如尊祇辦理楊新督及西北各要人處迭經去電詳告情形想各該處定必次第贊成也馬福祥冬印

◎馬都統來電

天津英界恆豐泰李公謹先生鑒電悉我兄代表來津勸進仰蒙總統喜慰欽佩殊深敝區代表段琛二君昨同京兆尹赴津敦勸晤時諸希接洽賜教爲荷馬福祥庚印

◎馬都統來電

保定石柱李顧問公謹兄鑒勸電欣悉安抵保陽玉帥處承兄逾恆獎借並代備禮物復蒙玉帥來電言謝策勵有加皆兄關切幹維曷勝感謝台旌行將赴洛賢勞至念代送何禮便乞示專電鳴謝係情函達弟馬福祥印

◎馬都統來電

保定石柱李公謹兄鑒統密電祇悉李祕書回諸承掄揚甚感恢復法統弟極端贊成前已電西北吾族表示政見蘇齊督電尙未接閱俟到卽放照辦理知念特聞以後應辦事宜仍望隨時教馬福祥豔印

◎吳巡撫爲同部增加議員與參衆兩議長介紹函

幼珊 仁兄大人議席敬啓者茲有同部代表李公謹君仰慕光儀極思一親教益有所陳絃用達伯

特介予片函囑其趨謁左右尙祈賜以接洽是爲至禱專此祇請 勛安惟照不備

弟吳佩孚拜啓

◎河南馮督軍來電

保定石柱同部全權代表辦公處李代表先生鑒忝任豫督莫補時艱辱承致賀慚悚良深仍望時賜箴言以匡不逮爲盼專此佈覆順候時綏馮玉祥漾印

◎湖北蕭督軍爲同部請願致參衆兩院電

據敝署劉顧問朝臣函稱民國成立五族是賴民國義務既是五族共盡民國公權亦當五族共享無如共和伊始國會建設之初法屬草創討論未詳回族議員因致遺漏前經同部全權代表李謙于民國四五兩年一再呈請中央蒙大總統暨國務院內務部批令逕向國會依法請願加入回族議員嗣因國會解散請願中止今者國會復活憲法修組顧問係同民一份子膺忝同部國民代表謹同李代表將前後情由呈明玉帥當承函介兩議長託其主持已將請願末由國會印刷頒佈俾衆週知而加入問題正在討論中間我 公關懷大局匡濟世艱尤祈主持公道致電國會促成加入實五族之幸微特同族九千二百萬人感激已也等語查

該顧問等既以回族八部代表名義根據前案向貴院請願規定回族議員名額事關國會組織法其應如何主持核議以昭允洽之處諸祈裁酌施行 湖北督軍蕭耀南印

●直魯豫巡閱使公署來函

逕復者頃奉 台緘備聞 讜論具見 熱心愛國識卓願宏良堪敬佩茲將徐指揮使原函送還即祈 警收爲荷此復敬頌
台祺
直魯豫巡閱使公署啓

●公府指揮使來函

逕復者接准 華翰恢聆種切 宗旨正大欽佩莫名業將所囑代陳 主峯祇電勸西南一層直以回部代表名義通電未嘗不可未便參以中央意義所陳各件見遠識卓敬此奉覆藉頌 勛安
愚弟徐邦傑敬啓

●民國五年蒙藏院公函

逕啓者准政事堂機要局鈔交阿克蘇郡王呈據哈密親王特電駐京回部代表李謙勞績卓著請改給勳章破格任事奉 指令交蒙藏院核議具復此令等因奉此本院無案可稽無從

核議茲特函達 台端即請開送詳細履歷以憑核辦此致即頌

公謹先生公綏

蒙藏院總務廳啓

●王議長來函參議院

公謹先生鈞鑒逕啓者前接 貴代表交來請願書一件當即交付審查惟查議院法第四十六條之規定人民請願書非有議員五人以上之介紹不得受理又查原請願書所列介紹均非本院議員相應函達即希將原書內加入本院議員五人以上之介紹俾便再行提議專此即頌

台綏

王家襄拜啓

●王議長又函

公謹仁兄閣下時上致本院請願委員會章委員長介紹函即請飭報可也專肅敬頌
台綏
弟王家襄拜啓

●馬都統來函

公謹仁兄左右頃展手書俱已備悉達兒與子雲初次到洛承 台端招呼一切帶領晉謁吳

玉帥暨郭祕書長李張參謀長諸公蒙 玉帥格外推愛優待台端又爲達兒與子雲介紹玉帥賜以高等軍事顧問之職銜皆大力爲之周旋諸費清神至清心感馬四匹實係後到達兒來信亦已言及既荷收留甚好吾 兄現爲蕭督帥聘任顧問運籌帷幄大展長才逃聽之餘曷勝欣喜將來大駕到鄂晉謁蕭督帥時尙祈代爲致意并達鄙忱是荷湯陰之電既經照辦甚感所有帶回槍枝俟到綏照收並轉知子雲用副雅囑手此佈覆并頌旅祺惟照不備

弟馬福祥鞠躬

●河南張督軍來函

公謹仁兄偉鑒日昨 貴部代表蒞汴展誦 執事華翰辱承 藻賀感愧無既弟 德薄能鮮忝疆寄惟有竭盡棉薄拯人民於水火尙望羣策臂助共濟時艱專此順頌 勛祺

愚弟張福來啓

●山東熊省長來函

公謹仁兄惠鑒忝長桑梓時懷冰淵迺荷 齒芬益增感愧 執事代表貴族全部熱心公益勞怨不辭衆所聞見合方既迭相推重倚任專誠雖謗書盈篋何足爲白玉之瑕賢者舉動磊

落光明但求無愧我心偶遭誣蔑終有水落石出恢復名譽之一日公道在人是非自見遠企高風不勝代爲慰藉端此佈復並頌 台祺諸維 朗照不戢 愚弟熊炳琦鞠躬

●哈密雙親王來函

公謹賢契青覽函電均悉代表數年辛苦備嘗本部王公無不欽感憑 眞主慈恩

公履凝瑞一切平安允慰遠念至余及汝弟身體安適大小職員均稱本順尙望

賢姪勿以爲念請願一節爲全五族之美名以補一族之偏枯理由充足宗旨正大依法而行不可過烈知感

眞主仰望

賢姪毅力而行期達目的雖有奸人誣毀僞造函電而我心早悉其伎倆萬不至墜其術中請賢姪乃無恢心總堅厥志以全美吾之希望以樹立子孫代議權之基礎實完備吾中華民國之憲法今後兩世之榮全盼於賢姪者也凡本部應辦之事儘可就近處理是爲翹企特復即問

近佳

●馬鄰翼來函

愚伯西屏手簡

公謹仁兄大人左右頃奉

蕙書辱荷

獎飾逾恆感愧感愧昨在綏遠適逢甘肅省長與省議會互許之電如雪片飛來 雲亭都統以弟久官隴上熟悉地方情形囑將茲事原委及如何解決辦法面陳各當道以勉一誤再誤致貽國家西顧之憂曹吳兩帥處業經營電聞并電左右與弟共同進行計已塵

鑒弟於昨晚返京擬見元首及總理後隨即赴洛面籌壹是聆

教匪遙爲不縷縷議員加額事亦俟抵洛面商先此馳

聞敬頌

台綏諸惟

荃照不宣

愚弟馬鄰翼

●國務總理張紹曾來函

逕復者展奉

惠函猥以忝任樞衡重勞

齒賀循誦迴環感愧曷既自維譴劣復值艱危不虞 元首過采虛聲國會謬加同意鑒茲交維之雅彌深內有之慚第念時會遘逆羣情責望戮力方期於衆志先驅敢惜於微身所冀獲共

時賢稍匡危局

執事榮才雅望夙所欽遲尤盼

不吝嘉言俾資組佩輒因

明教略布愚忱專復順頌

時綏惟

照不一

張紹曾拜復一月二十日

●甘邊甯海鎮守使來函

公謹仁兄先生閣下頃奉 大函承 示前月小兒洛到蒙 台端介紹一切 及吳帥對於吾教人才開誠布公推心相待情形既佩 吳帥海涵地負之淵衷尤感我 公愛屋及鳥之盛意五衷銘泐匪可言宣我公以穆教之先知作 將軍之名幕對於國家大局既具匡扶危亂之心恩對於我教人民尤有共享利權之目的前讀請願國會增加回部議員之提議宏猷卓識無任欽遲此事得 賢者爲之提倡將來必能見諸實行敢爲預決弟備位遑邊慚無建樹近因庫倫北陷蒙事日非對於藏邊防尤不得不急圖補救青海爲甘藏交通之要塞若不及設備庫倫備屬前車項已草就經營意見數條上陳吳帥我 公晉謁之次儻蒙詢及務祈俯賜贊成請 吳帥致電 政府一予維持則甘邊幸甚大局幸甚麟鴻有便並乞 時賜教言匡所不逮尤爲切感專此佈謝恭請 勛安諸維 愛照不具

愚弟馬麒鞠躬

甘肅甘涼鎮守使來函

鎮守使 尹來函

公謹代表先生賜覽夙仰 鴻猷未親 塵誨寅衷銘佩子墨難宣敬維 星履凝祥 雲儀

介吉引瞻 台曜莫罄頌忱頃奉 惠寄通函及附 示各省代表函底稿印刷各件捧讀之下敬仰 熱忱毅力慮遠思深爲我回族爭實際之平等即爲我中國彌無形之隱憂欽佩曷似查從前臨時議院議決之國會組織法第二條第五條於蒙古西藏青海均有特別標載議員名額之規定獨於我回部暨各省回族全未顧及在國會諸公固非別有用意薄視我回族也不過立法伊始思慮未周抑或拘於法理而未揆事實以爲新疆八部及各省回民已列入各行省民籍可與各行省人民一律享有選舉權及被選舉權無須更設專額也殊不知按之事實誠有如山西代表所云因宗教不同素無寺廟會社之聯絡飲食不同素無齰會豆觴之歡娛教俗既相隔形迹自然難泯且回族貧民居多財產資格遠遜漢族又因貧失學學堂資格亦遠遜漢族加以零星散處合計則多分計則寡以故十餘年來國會選舉地方議會選舉名爲與漢族平等而實際被選者寥寥無幾一爲調查現在及已往議員名額便當瞭然無可欺飾往事如此將來可知長此以往則我數千萬回族事實上幾無舉代議士之權利事之不平孰過於此夫天下之隱患莫不由於待遇之不平積漸而起在國會諸公固無不平等之成見徒以思慮未周拘泥法理致伏此無形之毒根或爲異日導火之引線即他族中稍明事

理稍顧大局者斷無不亟思有以救正之正不獨我回族之共表同情也惟現在救正之法別無他途只有要求國會修改或追加國會組織法於新疆八部則應援蒙藏青海之例特定名額各省亦須於請願書中平心靜氣斟酌議定一具體辦法不至使國會討論時致生困難而現在所尤急者則在通電各省每省速舉一人或二人爲請願代表齊集一定地點（或京城或保定）組織爲回族力爭代議權請願團悉心斟酌一完全理由充足之請願書由代表赴國會請願不達到修改或追加國會組織法不止其方針則但求平等不求優異但尙和平不尙激烈總要使他族心焉折服知我輩此舉實出於愛國熱誠及預彌將來無窮隱患之苦心是在我同胞諸偉人諸君子認定方針堅心毅力以爲之而已弟等末學淺識管井愚見用敢直陳是否有當伏冀 大雅鴻裁事關立法一髮千鈞務望 鼎力主持悉心參酌及時進行并乞不棄冒昧 時賜教言實爲切盼肅此佈達敬請

崇安惟希

朗照不宣

同教愚弟 馬廷勳 馬振堃 鞠躬

●甘肅天水馬統領來函

公翁如棠偉鑒昨奉

函示并請願書迴環莊誦具見

關懷全局熱忱苦衷一種誠懇之意上達

主知下順人願凡我回族無不感荷頌禱淪肌浹髓者也所謂登高一呼百谷皆應非我

兄之力不能至此憶自民國成立以來天下一家五族共和無論中外人所咸知况國會爲立憲政體議員乃人民代表發言之權匹夫有責漢滿蒙藏各備一席惟我回族付之闕如若長此放棄無人過問不亦終成憾事且弟等知識平庸未能見及於此幸賴我

兄卓識偉見奔走號呼游揚於各當道之前莫不一致贊成不但爲回部增色必如此方爲完全國會亦知各當道本無歧視之見共表同情尤深欽佩弟已將我

兄盛意轉達同教并將請願書代印多張分佈各處首要之人藉以推廣羣策羣力促進議席無量光榮實永賴之我

兄提倡於前弟等附和於後責無旁貸義所宜然如我

兄之決心任事至誠感

主并荷各重要人之知遇他日特任之榮如操左券可爲預賀弟已轉達復初家兄及良臣善卿等知之并將兄存寄各物亦與善卿言知卽當設法寄來無如敝處地居偏僻風氣蔽塞無出類之人才亦一缺點此固我

兄親歷其境所深知者也特肅奉覆敬候

偉安唯希

亮照

如弟馬國棟鞠躬元月八日

●綏遠馬都統來函

公謹仁兄顧問台鑒迭展

手書祇悉種切藉諗

勛祺篤祐

鼎祉凝釐至爲忭頌李君建亭日前蒞綏快接清談才識開朗徵爲本署諮議不過略誌景仰之忱辱荷謝言彌增愧怍我兄關懷穆教備致賢勞莫不心感鄭信未呈 玉帥尤徵 關

愛逾恆無微不至望風領手益切銘心馬再錫事格於成例自當緩圖至國會加入回部議員一節得我

兄綢繆大計一本至公志在百年功垂後世教中人雖妄加推測橫肆訛評究之翻緣迴黃何損高明於萬一惟冀不渝初志毅力堅持將來貫澈主張則羣喙俱瘖矣至於爲公忘家疎財仗義苦心孤詣我

主聖當能鑒此熱誠尙祈

賡續進行無任跂禱專覆敬頌

台祺

弟馬福祥

●馬統領晉承來函

公謹先生左右逕復者中國既合五族人民共同組織議員宜按照各族人民之多寡分配以昭公允而免紛歧乃自共和告成以來國會議員定額不及回族揆之五族共和之原理故屬不符按之臨時約法之條文又多背謬情理不合名實相違依法爭持要求追增是爲正當並非無理取訟此爲個人子孫萬代應享之權利並非身外浮虛一時之榮辱宜固團體於金石

持鄭重如山岳以期達到目的而免坐失事機頃奉 大札暨各請願書誦知衆口之一詞足見人心有同理但敝部本屬甘州馬鎮守使玉卿統轄除由鎮帥商同涼州馬鎮守使少翰馬道尹漁樵一致進行外則敝部即當然亦在同體同情之內維念我公爲大廈一支巨艘前舵極力以要求爲前提則我族幸甚專此即請
公綏

名正肅

●代行甘州鎮守使巡防第一路分統馬紹先來函

公謹先生鈞鑒展讀琅箋并請愿各等件卓識雄略欽佩莫名惟恨天各一方不獲聆大君子偉論藉開茅塞竊欣青萍結綠實賞于薛卡之門嘉猷玉言暢道于大雅之前如先生者洵愛國之志士吾教之干城也民國定鼎以來參衆兩院同族議員獨付缺如手書云一部民意無從發表巨眼卓識正加人一等大有范文正公以天下爲己任之概庸碌如弟忝膺戎政愧乏寸長以報國家然鷄羣有鶴同埒之榮弟樂之似奚敵省比年來風雨不靖前者省垣諸要人敦請家叔出任調人今一切問題已迎刃而解矣敝署諸凡弟暫代行已鈞函并請愿書各件由郵呈于家叔敬請文安并希青照不備

弟馬紹先躬鞠

●隴縣縣長海無波先生來函

公謹仁哥左右自別芝宇幾易星霜天涯地角時勞夢轂屢欲備牘致候奈未悉稅駕何處是以徒深悵耳比維政祉延祥禔躬曼福以忻以慰弟駒光浪擲鶴俸虛糜客春奉令護理漢中道道尹七月交卸後復蒙委攝隴縣縣長到任年餘寸長莫展且與兵燹之餘閭閻凋敝則山窮水盡地方則瘡痍滿目撫字催科法呼負負宜海浮沉一官匏繫既不能爲國家圖治安又不能爲我教盡義務遙望燕雲曷務浩嘆眷懷故鄉爲之涕零所冀諸公各抒所長共期治安并望惠我德音以匡不逮臨書引瞻不盡依依專肅敬頌大妄不備諸同人處惟致意不另

陝西隴縣知事海靜鞠躬

●湖北督軍署武漢總稽查處來函

公謹如弟大人雅鑒保陽握別裘葛已更每憶 芝顏莫名葭溯只以關山間阻俗務紛纏未獲時通音問歉仄實深更承

垂注殷殷滋抱愧想係至好不我責也昨奉 函示欣悉國會議席已蒙 吳巡帥大力協助不患無成從此我部範圍在此界人羣中應可漸期發展大放光明切盼

勉力進行務求達到完全目的是則兄所馨香而頂祝者也兄自去歲八月間因湘部軍興奉令來漢辦理後方調查事宜至歲終軍務告平蒙鄂督委充武漢總稽查處處長接辦以來將滿一載幸

托庇佑一切公私尙稱順適寓內自兄以下甚平安請抒錦系吾

弟洛陽之行有何佳音尙祈隨時

惠賜教行以代晤叙肅此奉達即請

節安

如小兄 王世傑鞠躬九月三十號

●甘肅天水隴南遊擊右翼分統回族公民馬國棟來函

公翁如棠偉鑒昨奉

華箋捧誦敬悉遙維

公祺篤慶

履綏延釐引念

德輝無任忭頌恢復我回族公權大任全賴我兄負責戮力決心始終堅持游揚奔走竭盡心

力一誠感

主萬戶蒙庥現已效果成熟之時弟應將前後請願一切情形凡遇我教首要之人即與之解說俾知我

兄此番公益熱忱稍盡弟之微意以圖報稱弟上年因公赴陝略表微念乃煩

齒及殊增慙汗復承

厚愛委以參議之職證書昨已收領矣又蒙遇機在曹吳二帥處呈保以爲說項之資格似此隆情厚意尤深銘感之至俗云相交滿天下知心能幾人如我

兄之待弟 今日世界中誠爲罕見張景元處存有兄之委任公函電報等件弟已與善卿阿宏當面言明并開單去取俟寄來當即奉上頃又奉來示及

手翰一聯展覽之餘書法圓融一種秀麗之氣溢於紙上弟已懸之座右朝夕晤對如親

兄之色笑也感謝感謝弟愧無以答前將影片一紙奉上猶追隨我

兄之左右數年久違一朝見之未識與昔年之面目依然否耶特肅奉覆敬候

台安唯希

竊照不載

如弟馬國棟鞠啓二月十九日

●山西太原回族公民喬子承來函

謹翁仁兄大人偉鑒奉讀

回諭忝荷

深獎併辱承

推愛自愧腐朽曷勝重寄第思凡有同德當表同情今幸叨

貺顧敢不勉竭駑力以副

裁成萬於一前者弟擬之請願刷印二百份業經直接郵寄

大總統國務院參衆兩院兩巡帥各省督軍省長都統鎮守使回教俱進會回界各要人滬津京各報館迺付郵已兩月矣尙聞他省有請願之者維我同教諸君畢竟有熱心者矣萬不可失此時機千秋遺憾如各省回界同胞激發冷血咸如我

兄愛國愛羣之熱腸請願目的不難達焉頃聞友人嘗云報紙登刊奸人造謠反對

閣下代表各情第處惜不得此報一閱也

尊函亦云有奸人破壞誣滅等情若此壞我民國之國本污我回族之民權言及此輩痛深切

齒望卽將其反對各情 照錄示下弟擬劈駁妄謬伸我大公至正之理論俾爾奸黨不得竊

取我族之民權倫克有濟或亦爲全局之幸耳專復敬請鈞安諸希

心照不宣

太原回族公民喬子承啓

希將此函

抄轉雲南清眞旬刊報社托其照登週報各處激發回界同胞之愛羣心庶不愧穆聖之穆

民兄弟同胞焉附啓

●熱河回族公民李華字祝唐函

李公翁先生惠鑒弟前擬之請願書由寒舍寄京之時鄙親王子衡已由京返熱弟現已洩託國會議員呂沈二公代爲介紹呈遞二公極爲贊成並謂理由充足如能持以堅貞必可達到目的憲法行將告成各省回教請願尤須提前進行弟已擬就公函併請願書一併通知各省回教同胞藉促注意並商權選派代表集京以謀最終之對待然弟恐人微言輕提議無效仍望我公毅力主持通函各省定期集京以便協商進行辦法肅此商權敬候

賜覆並請

教安

教弟李華鞠新正五日

●河南衛輝回族公民張玉德來函

公謹仁兄大人英覽前曾上書言電請國會茲閱晉電有集京籌議四字弟最贊成各省呈請亦得於京約議電名稱回族公民最當不必用回教字眼此等字不是政府性質五族共和非五教共和也五教必起衝突稱公民不必稱代表易啓各不相下者反對中國回族亦當請求專額議員回民此所以得請專額據晉電蒙藏院有回部科果爾回部當急起要求專員與回部科聯絡援助亦是光明正大前日報章攻擊吾意必不是回民或是代表二字之意見無論如何交通我輩皆能曲從總以達到能設專員爲目的吾兄數年辛苦一腔熱血可欽可佩務就目下情形時

教我弟不勝盼禱之至肅此祇請

●熱河特別區回族公民李華來函

弟張玉德鞠躬

李公
喬偉 翁先生鈞鑒昨奉

惠函謬蒙過譽愧何能當

二公熱心教務回族前途必當另放光明弟本碌碌樗才在我回族愧無建設二公既爲回族公益不惜奔走之勞弟亦情願追隨

驥尾以盡穆民之天職至云各省穆民有力者不肯前進無力者又尙抱熱心實我回族之通病言之可爲痛心然選派代表集京一層亦不必定取嚴格主意果得各省同意如有實不能到京者亦可函託代表以期早日進行免誤時機再弟以此次要縱觀各方面以爲時機業已成熟至能否成功惟在我同胞穆民之毅力如何耳肅此敬覆並請

大力主持藉頌

時祺

弟華鞠

●安徽穎縣七邑代表李振鐸答啓詳等請願來函

恭謹先生大鑒自京師一別候焉數載今

先生爭回族議員爲宗教造福登高一呼衆山響應欽佩之下希望良殷末等願附驥尾謹

上國會一書尤望代爲轉呈再者鄙人意見此事重大非少數人所能邀准必需全體奮袂而起始有效果 先生可着一二人通經漢之學者到處游說必使凡有寺處卽上函電庶乎請願達到目的可否仍希 鈞裁此祝 幸福

名另肅

●河南衛輝回族公民來函

公謹我哥仁大人英鑒來示悉佩但大總統國會兩巡閱請願已發無由更訂有負指正抱愧不少所以然者雖屬公意實弟一人主持一人之知識有限大題之研究誰與好在屢蒙指示其中真相尙知一二然其含混已不少也所來籌畫周藻密除照示發落外仍乞常示進行時法有明白同志人急以名字告我就近商酌籌款之法以各盡義務爲要堅忍久待延長討論自能達到目的此爲我 國家籌完全之憲法理直氣壯愿與諸君子共勉之區區不盡卽請

鈞安不另

弟潤之張玉德鞠躬

●周家口回族公民代表丁殿邦范槐堂等來函

公謹先生惠鑒頃奉

惠覆祇悉登是承

示各節遵卽趕將敝處佳日代電付諸石印分寄各處用副

雅囑惟望

箴規時錫俾資瑋佩至

執事擬定期招集各省代表聯袂共都門全體請愿冀達目的辦法至爲優良足徵

卓識宏謀實堪欽佩敝處僻居鄉埠見聞皆陋俟後倘蒙

大君子提命不遺感荷忻幸之至肅復祇頌

公祺惟

照不備

喬子承先生處統此叱名致意

愚弟 丁殿邦
范槐堂 鞠躬

●湖南回族公民李榮魁等來函

敬覆者前接民國三年奉哈蜜雙親王派

閣下爲回部全權代表並令回部應辦事宜就近周旋等宗旨卽上書請願加入回族足見五族共和仰承高誼茲特約同人互相組織遵照原則辦理迺將快郵代電附呈前來仰邀台鑒是荷勿勿佈達敬請

公安諸惟

荃照不備

回族俱進會湘支部敬覆

◎江西回族公民錢志銘等來函

公謹先生台鑒逕復者前奉

大札並各省回教公民函電一束拜讀之餘實深敬佩仰見

先生靈籙碩畫忠心回族他日憲法修明主權在握大足以鞏固國基小足以光大回族非先生之賜而誰第尤有進者敢爲一告回族應有議員到席固不自今日始然迄今向隅者實由臨時法而無名額之名文故銘等之主張與其爭此日短期之列席易起疑猜不如爭將來永久之根據較爲大誠以吾儕之目的在此而不在彼也至於若何進行克底於成則深望各省同人羣策羣力或文字鼓吹喚起各方之援助或團體請願促進政府之覺悟務使皇皇法

典有回族議員名額之規定而後可鄙見如斯是否有當尙希

明教除專電政府暨兩院力爭外特此敬復藉表愚忱臨穎屏營無任景仰肅此順頌
偉安

江西俱進會錢志銘 宛 桑
王綬仁 鞠躬

◎山西政務廳長馬君圖先生來函

公謹仁兄先生有道揆速日久馳系時深忽奉朵雲爲親舊雨藉稔爲國賢勞屢祉嘉吉爲頌承囑各節係爲我回族全體爭參政之公權將來議員名額列入憲法實我兄之所賜也拜讀之餘曷勝忻慰尊意已向敝督軍說明極荷贊同已允致函同鄉諸議員一致贊成加入矣專此奉覆敬頌

旅祉

弟馬駿鞠躬

◎甘省清水回族公民全體代表馬元超來函

公謹先生英鑒頃奉

電告繼以墨札壹是披悉數載離索爲之一慰國會重開

閣下繼續請願參衆兩院加入回部議員仗各偉人之照拂兼吳巡使之介紹兩院議長自無不竭力費成縱有一二奸人從中破壞以

閣下之鴻才略偉先爲時賢所歡迎彼鬼蜮伎倆何所施哉議員目的定能達到可喜也可賀也

閣下熱心宗教競爭種族當爲吾部放一異樣光彩也跂予望之隴上大局平甯教下人民仍抱服從主義知紆錦注順爲佈問此復卽頌

時綏諸惟

心炤可宣

馬元超再拜

◎甘肅導河回族公民馬存福來函

公翁仁兄大人惠鑒自上年握別以來屈指又寒暑幾度矣弟於柱臣統領處得悉我兄近荷各重要人之知遇將來騰達正未可量曷勝欣幸并悉我兄現正提倡回部加入國會增進議員一節尤爲欽佩之至弟當勉効綿薄竭力聯絡以達盛意特此敬候

公安唯

照不備

恩弟馬存福鞠啓元月八日

◎陝西省城回族全部公民劉文藻等來函

公謹仁仲大人偉鑒前接

覆札及請願各書備悉種切第不知國會以何法對待念念兄與陝西省城吾族韓勛臣（名建基）馬瑞軒（名錦棠）馬靜山（名榮壽）烏月亭（名世明）丁鴻藻（字子勛）烏兆翥馬錫光劉泮菁（名淮藻家兄也）等磋商與國會打電兄爲起稿茲將原底呈來 閱電語甚長需款太多兄將弟給之電紙一張付之業已打去數日該會諒早收到特爲達知敬頌

公祺

恩兄劉文藻鞠躬十一月十三日燈下

◎河南北舞渡回族公民丁贊岑來函

公謹表叔大人鈞鑒久違

塵教幾度春秋每仰

德範時切孺慕伏惟

尊台名馳寰宇聲振中外政績勲業早爲天下所共聞近閱八省函電均向國會請願增加同部議員專額一節義正詞嚴令人欽佩揆其巔末原係

明達首先提倡老成卓見真可謂吾教中之泰斗矣况當茲憲法未定之際凡固有天職萬不可放棄務望

鼎力維持有進無退此事若達目的誠爲千古之盛舉從此出奴入主爲回族呈無限之異彩與穆民崢嶸莫大之光榮將來子孫後世誰不祝禱我

公之賜耶邦本所關匹夫有責晚縱不才願効區區特此頌賀敬請

綏安諸希

惠照不備

愚表姪 丁贊岑鞠躬

●河南信陽回族公民龔敬菴來函

公謹先生大鑒久仰

鴻暉殊深念念恭維

年釐普福

履祉吉祥爲頌敬啓者杰迭讀寄到各省回族公民代表電文無任欽佩足見我

公熱心宗教保守公權持平等主義理由充足諒不難達到目的此不但增我回族歷史上之光榮亦可開我回族萬世之基礎忻幸之餘不禁踴躍三千曲踴三百以爲我回族前途賀仍望我

公進行不已抱愚公精衛之志回族幸甚民國幸甚敬請

勛安伏惟

台照不宣

教末龔敬菴鞠躬陰正月十四日

●河南信陽回族公民馬潤卿古蒂村龔杰臣來函

公謹先生偉鑒夙切御

李悵未瞻

韓翹企

聲華丕著

履蒞增綏至爲深頌敬啓者我回教移民自唐朝來茲中土散居各省往往囿於宗教不知振奮泥於習慣未能進行幾乎終於沉淪永不能出諸黑幕矣吁可慨已今何幸蒙主上之鴻慈默佑使我

公以出此也維持宗教不遺餘力改良社會煞費苦心奉讀我

公函件暨各省回族公民代表電文敬悉我

公雄才大略本五族共和之旨意立萬世不拔之基礎保守公權提倡平等實屬理由充足名正言順將來國會允准依法將回族應有議員增加若干不致向隅是我

公之熱忱不但爲回族同胞謀幸福亦可爲中華移民數千年歷史上放莫大之光明也欽佩之下欣羨奚似自此以往我回族之進步必不落他族之後矣蔽方正擬公電政府請願以期達到目的爲宗旨仍希我

公積極進行毋稍懈弛無任馨香盼禱之至肅此敬頌

勛安

信陽 馬潤卿 龔敬菴
古肅村

龔敬菴 龔敬菴
龔敬菴 龔敬菴

●河南回族公民呂本固白海涵張金聲來函

公謹先生鑒接到 惠函欽佩無量弟等立即邀同敝支部在會人等共到寺內表揚 閣下歷來德盛請願 偉功滿座同人無不懽懽本此公推 弟等擬一爭電宣達民意直接向大總統處暨參衆兩院各機關郵達矣此致敬候勛安併賀

新年

弟 呂震乙 呂本固
白海涵 張金聲 仝鞠躬

●河南西平回族公民呂震乙來函

公謹先生閣下偉鑒久聞

勛名無從拜仰近聞 請願益覺感德乙久居林下毫無建白對於社會抱愧良多前於民國二三年間曾在城內濫充教員時於北京日報順天時報查有 閣下偕馬軍門廷襄君爲回部議員上書請願逃聞之下不禁鵲躍三千矣近又閱河南省立第一完全師校所出文牘科課本內所選有 閣下請願書 大總統批內務部批着 閣下向國會按法繼陳事雖中擱業著簡篇亦可流芳百代矣況現在國會重開人心不死天道好還 閣下因之復理前業重整旂鼓後三分鐘定能戰勝 閣下毅力實可與法之拿破侖比隆矣乙又見閣下此次書稿尾所書贊成人內有國會議員黃佩蘭字自芳者此人才德出衆歷任數縣均

有政聲在國會中熱心公益屢次提案大名鼎鼎人所共知參衆皆君子萃需之區兩院通過乙卽此可預先祝之矣乙望閣下開山之功一旦告竣則豐功偉烈不惟與日月爭光自可與山河並壽矣全國同民俱有天良將有感思靡涯者矣草備數言聊當執鞭祈卽晒納此候鈞安

同教弟 呂震乙鞠躬

●河南方城高度來函

謹哥麾下頃奉

手簡備悉種切西方紛電助力所請願事則根本動機必有濟矣至奸人捏電造作空氣於事無損希

兄依法孟晉倫達目的吾五族之幸也此復藉請勛安

如弟度敬復

●河南駐馬店清真寺公函

恭謹先生人偉電民國肇興五族共和名不符實是因秉國鈞者將同族情意每多隔閡公道未彰致令吾族匿迹銷聲莫達於堂堂國會湮沒十餘年無有同人宣言不惟不能顯榮光於中華而且同族分子無由發展良可憾也今幸

我公代表情願將吾族議員加入國會是爲後世子孫根本計畫深謀遠慮幸福不淺吾教天然團體當萬衆一心萬目一的羣策羣力急起援助分所應然想我公係回教偉人提倡此舉本是根據約法力圖補救堅持到底規定議員若干名列入憲法作不刊之定論以彌前缺而昭大同同族幸福惟公是賴曷勝盼禱除分電請中央各府院外 肅此 敬請 公安

舍學曾 丁振邦
韓明文 宛旭亭
馬開三 劉樹翰等全鞠躬

白潤卿 王振魁
秦子明 宛峻崇

●甘肅甯夏清真大寺王大阿洪來函

公謹全權代表大人惠鑒久仰

勛輝未親

芝宇抱歉實深茲奉子丞先生之函蒙

執事惠念小弟

錫委回部參議之職謹感莫名但弟學疏才淺辱蒙重委辭之爲不恭受之乃無以奉報益

增愧忸耳惟

執事和劑羣生樹

回部之豐獻邕熙百度建

吾族之偉績

民國偉人非

公莫屬所冀 激揚士氣鞏固族本是區區切禱於

執事耳謹此鳴謝敬請

勛安

小弟王世龍鞠躬古二月十六日

●四川甯遠七屬西昌等縣來函

回部全權代表李先生偉鑒肅啓者本舊歷正月十四日即陽歷三月一號接到滇省旬刊幹事啓備言

先生上請願書請加入回部國會議員捧讀之下不勝憤激竊思事關全國大局最要重件得之則生弗得則死誠有不容稍緩者也迺函寄四川省俱進會總部請轉呈國會并另具呈逕

達國會恐四川總部遲誤不然不該越界也所具呈云爲請願加入國會議員撫綏民志鞏固國基事情因漢滿蒙回藏五族成立民國於今十有二年擁護國家回族負責納糧上稅回族負責派捐助餉回族負責出力報効共差應役回族無事而不與漢滿蒙藏同一負責獨至國會議員彼四族已選有定額惟回族遺漏查回族不乏合格人才何國會議員如此缺點有共和之名無共和之實茲值國會續選憲法審定之際不揣冒昧謹呈四川省屬甯遠七縣回民統計有二萬四千二百零人口地屬邊隅蠻夷雜處回族愛教愛國實爲西南屏障是以不遠數千里外修具請願書敬請

貴院統籌全局維持公道呈請

中央大總統核准立案由國會按回族之多寡分定議員之若干如此共和名實相符民志既孚國基鞏固矣須至請願者於本陽歷三月七號由郵投國會院竊敝會地處邊隅相隔數千里之遙智識淺薄學問荒疎至國會議員一事想各省同人自當同聲相應及致因循凡關清實大局總望

先生鼎力維持如蒙不我遐棄隨時賜函教以不逮極爲歡迎滇旬刊與敝會聯爲一氣照常

通函往來因上年輝在滇住南城寺提倡創辦振學社經書並授高等學校成立年餘始歸家住四川省屬西昌縣城內黃家巷地點名增輝字伯光道號無我年六旬晉二以闡揚清真教道爲樂非教門之事不事非道門之言不言禮聖行也手此敬請

道安卽希

朗照不既

請示尊號後好通函

四川省屬甯遠七屬西昌縣俱進會

正會長兼經書教授校長葉增輝

●河南陳州回族公民白謹昇來函

公謹執事鈞鑒茲奉手諭卽悉一切至於回部一層弟當負責極力聯絡以達完全目的嗣後務乞

執事來函指教一切是爲盼禱餘不多陳

卽請

新禧

愚弟白景昇謹啓

甘肅天水縣回族公民來函

逕肅者接讀 尊處寄到大總統批令請願國會增加議員由一冊內情備悉足證我 公受重大委托規畫久遠經營籌辦良費苦心現已升堂同人等當附驥尾羣起而爭以達大同入室目的用鞏五族永遠基礎近見報載西北吾族王公因土耳其嫌疑之故聯銜電京請政府不必過慮彼此均已釋然足證五族共和將達圓滿目的一切嫌疑勢將無間可乘將來議員名額爭安我公之大功告成於目下吾人托蒙幸福於萬代矣甘南自前清以至於今雖云回漢兩族其實儼如一家反正以來更覺親融異常紳商學共同將事毫無異議此呈回部全權代表李鑒

甘南中國回教俱進分會代表回民全體公啓

●馬提督夫人來函

公謹先生大鑒日前接奉

來函得悉壹是至於前函因報載氏夫被楊督電告政府捏詞誣栽派員帶兵前往查辦等語旋卽修函特請

先生轉懇前途維持大局當承

賜復前途慨允照辦等因氏稍有依賴嗣因報載情形逼迫擬派韓某投前磋商辦法其時不知楊督所稟情形虛實未見亦不敢造次部中稟稿亦未抄出只好面託

端木公懇請

先生注意維持危局復接

尊函內詳報紙風傳本難憑信凡事處以鎮靜等等欽佩之至孰料楊督對此日迫一日竟有楊督公電到京將提帥父子處以死刑并將新疆財產一律歸公自古及今全球亦未聞有此慘狀緣因氏等前次赴洛之關係發生奇禍如此以來挾嫌陷害不獨氏之全家老幼心不能甘及道路之人聞之亦懷不平之意將來孰是孰非難逃公論氏近來將手續之事稍爲料理定當投

府求其格外帮忙如能代求前途先爲保護生命財產不但氏全家老幼感德則忘夫父子在九泉之下亦感大德無涯矣特此奉申卽請

勛安

扶風鄆馬氏謹啓

附呈報紙一張

楊增新襲殺喀什提督馬福興父子之駭聞

▲楊增新捏報馬福興造反

▲一面派兵殺其父子沒其財產

亞洲社云據外間得迪化密訊新疆喀什噶爾提督馬福興被新督楊增新派兵襲擊馬氏倉卒不及防禦迎戰迭敗被楊軍包圍生擒馬福興及其長子繼宗梟首示衆并將馬之財產沒收云云此等離奇消息大屬駭人聽聞查馬氏與楊督素稱患難之交共事數十年新省遇有亂事賴馬之力平定爲多民國元年楊氏繼袁鴻祐督新袁抗不交代且設宴招楊埋伏左右欲謀暗殺幸馬率領衛士排闥直入救楊出險始免於難自是楊感馬德益深倚任且有在新有生一日誓當與馬長共安樂之言何至有此操戈之慘劇據某方所傳楊督去馬原因(一)馬氏十數年在喀經營計畫積資達八九百萬楊見紅眼思害之而沒其產(二)馬子繼宗由行伍升至協台馬氏父子勢力日厚恐不利於己(三)去年馬氏授七獅軍刀與加上將銜均非出自楊保楊氏疑馬有人在京運動恐至奪己位置有此三因積不能平楊遂一面密電中央捏稱馬福興與長子繼宗在新招兵買馬自立爲王諸罪狀一面乘其不備派兵包圍擒殺

馬氏父子并沒收其財產記者以此事情節較重在未有官電徵實以前甚望其不確果有其事誠所謂同舟敵國宦海人情之大變矣

●楊增新慘殺馬福興之原因

新疆督軍楊增新奸險異常狡詐成性民國元年與袁鴻祐爭權幾爲所害時馬福興在新尙握兵符因同鄉關係(均雲南人)竭力擁護遂占優勝而袁鴻祐反爲所戕嗣後楊之與馬成爲患難之交絕無嫌隙馬福興亦以年近古稀(今年六十九歲)欲以喀什提督終老餘年故在喀修理清真寺極爲宏敞終日遵守教規五番禮拜斷絕俗緣實則恐功高震主致遭楊增新之忌耳民國九年楊之夫人因其女公子出嫁同行來京憚於跋涉之艱難留滯京城未卽旋歸楊增新不明真相聞馬夫人在京大事運動謀奪新疆督軍

據旅京新疆軍政商學各界云馬福興自民國成立以來維持十餘年大略情形也查新疆幅幘遼闊逼近強鄰種族複雜統治綦難更以餉源不濟兵力單薄財政竭蹶百廢難興種種困難情形較各省實爲最甚但該省爲西北門戶地理關係實較重要故前清以迄民國執政者固未嘗稍有輕忽也辛亥改建共和全國一致惟新疆風氣梗塞戰事大啓當道唯權是爭不

遑大義只逞私見操戈同室以致伏莽潛滋邊局危岌會匪乘隙暴動蹂躪地方都督袁鴻祐被迫如疏附焉耆輪台庫車溫宿塔羌等處道府州縣官長俱被戕殺全省秩序因之大亂斯時新疆軍隊多變爲匪附和亂黨劫掠焚殺無所不至而英俄兩國復藉口保護僑民謀派重兵入我國境馬福興方在前敵聞變卽帶隊飛馳回省急請派新軍馬隊兩營星夜開赴分駐焉耆輪台各處以資鎮懾并一面嚴向英俄領事交涉阻其派兵入我新疆幸未牽動外交未幾前提法司楊增新受中央任命繼袁鴻祐都督新疆袁心不甘陰蓄杭命之謀嗾使陸防各營兵丁日聞新軍尋釁其變藉圖反戈福興察覺乃傳令新軍恪守紀律以杜亂因詎袁部心仍不甘宴楊於彼營埋伏士兵一百八十名於壁間將不利於都督楊督危在傾刻急請福興往救會福興亦接得探報乃急挑健卒二百名分防各處並隨帶護衛挺身闖入袁營直達筵所袁及左右見福興突如其來驚惶不已福興乘時急聞楊督曰夫人疾病暴發勢甚垂危請速歸楊督始出營脫險不意管帶蔡樂善之軍隊忽於是夜三更在南園陡然譁變襲擊新軍馬隊營壘幸福興聞驚恐該軍內外勾結釀成大亂一面飭所部分佈四城嚴加防範一面督隊出城隨時撲滅未釀巨亂未幾復有宵小到處散佈謠言恣意煽惑不云回軍滅漢卽云漢

軍滅回地方百姓驚避幾空大局震動岌岌可危時福興僅率有新軍馬步兩營楊督僅有步兵一營大勢如此不能不急籌彌亂之方福興即與楊督磋商散放餉資速招民兵於黎明時福興輕騎馳傳南關回教二十一坊選拔壯丁編列成伍一時踴躍應命者一萬八千餘衆發給槍械分防各處陸防謀亂見勢不敵始俯首聽命袁計不逞始將印綬交出率部寅夜出城省局乃定其時有哈密纏匪鐵滿爾者糾匪倡亂巴里坤鎮總兵易盛富被戕該逆負固自雄勢甚猖狂科布接連告變邊局又復騷動福興即請命速派步兵一營兼程開赴哈密勦辦月餘福興恐其蔓延日久賊勢愈熾乃繼飭本部奮力進勦該逆勢促求誠當由楊督將其衆編成馬隊委鐵逆爲營長詎該逆野性難馴竟又與營長大毛拉勾結同謀起事幸福興查覺稍早當即不動聲色請准楊督將該逆等分頭撲殺未成巨禍逾年伊新停戰議和伊犁派四代表來新民政長賀家棟暨郝大衡等同時到省而大局又復搖動當賀家棟由伊未行之前已先與各處會黨暗通消息省垣黨羽以組織伊新統一會爲名聚衆演說對於楊督信口譏刺甚至干涉地方政治且賀家棟來省時沿途散放布票以忠義堂之名大事號召省城會匪更形囂張開山立堂毫無顧忌該代表等復任意要挾擬以民政軍政財政諸權悉歸伊犁置新

疆都督於虛設福興憤彼輩之狂妄懼邊局之破壞遂出而向該代表等直言抗議更與楊督會商對付方法呈報 政府以消亂萌時適有會匪首領鐵腳王暨大嘴鳳凰以及馬金山等結衆約期暴動經福興派兵即將大嘴鳳凰鐵腳馬金山等先後拿獲槍決餘黨四散後又有會匪周喬生鄧士恆蔣幹等串通邊魏兩營并結連各處會黨圖謀攻襲省城尙未舉發經偵探秘密報告福興將該逆等即時拏辦後又有會匪楊生華由甘肅來新隨帶會匪票據甚多該匪進省復胆敢大投入福興部下計謀暗殺幸經查覺審訊口供據稱係奉甘肅哥老會大頭目之命來新勾結軍隊等語即行正法以靖地方迨賀家棟去後而馮特民李亞權計謀割據抗不聽命又在伊犁謀亂甚至與俄結連復開戰伊犁民心惶恐邊局幾覆福興迭次開誠佈公曉以大義勸速就範服從楊督維持危局彼等來函福興會議於烏蘇福興以邊局重要擬輕騎減赴約楊督深料其詐恐懼不測極力阻之惟馮李反對共和伊犁軍民人等切齒痛恨勢將激成大變地方五族人民以及衆商等求救於新疆急如星火福興見尾機已動急派人專函伊犁標統馬得元暗示機宜殄除元惡未幾馮李受戮風潮頓息再科不布多變亂之後哈薩紛竄來新沿山一帶幾爲之滿該哈薩竄居四境肆行搶劫福興奉命管轄該區派員

分別安插并派得力官兵認真梭巡嚴加管束地方得以安靜後科布多軍務肅清遺其仍回本牧幸居民未受其害旋又庫倫外蒙獨立阿爾泰山一帶防務吃緊急派軍隊前去防堵惟阿爾泰山距省道路修阻轉運維艱來往脚夫均懷畏懼福興自備駱駝八百隻派馬繼武專運援阿軍隊草料食糧以濟軍需駱隻有倒斃者隨時添買以免遺誤迨後撤防福興自備之駱倒斃殆盡在新疆遠在極邊向係受協省分自民國成立之後協餉斷絕庫款支絀全賴紙幣周轉以濟時艱無如現金匱乏民間使用錢文無從兌換而紙幣漸難流通福興以紙幣乃新疆之命脈軍餉政費均賴支銷如紙幣稍失信用不惟於財政前途有害而於全省安危攸關省城官錢總局無款兌付市面頗形恐慌當經楊督會同財政司長黃立中傳集八幫紳商暨地方各族人等妥籌辦法均以非福興不能維持竟公舉福興爲官錢局總辦福興顧全大局未便堅却曾領成本紙幣銀壹拾陸萬兩當即與漢回纏各帮商民妥爲籌畫協力維持每帮舉代表一員著名商家日賣之現金交錢局兌換以資活動由是金融無滯人心亦漸安惟福興兼任錢局總辦四年之久出入丐耗計銀二萬餘兩均經福興自行彌補此福興在省歷辦事實之大概情形也於民國四年接任喀什噶爾提督查喀什接壤英俄邊事棘手加以俄

亂方熾敗兵擾邊福興分派得力隊伍駐防沿邊十一卡倫各要隘嚴加防堵詎有德倅韓體國等潛延到額敏行市墮福興迫令限日出境地方以安再額什地方素爲匪藪福興到任後既以鋤暴安良保境衛民爲志職知有倪颺廷劉大元王家善等係著名土匪爲前戕官刦庫漏網之要犯當即密派得力官兵緝獲咨請楊督照准就地槍決地方稱快近年俄敗兵竄跡紛擾邊局大震如阿爾泰山伊犁塔城烏什各邊界紛紛告變福興坐震喀什防堵甚嚴未嘗稍爲鬆懈幸地方得以奠安福興防邊練兵之餘暇倡辦實業以利民生查新疆地大物博五礦俱富福興就易辦而有益於民者先行着手喀什燒柴極貴日需爲難民間所植樹木多受其損查喀屬烏帕爾英吉沙爾炭礦歷經開辦各代表無不丐累多未辦成福興咨明督軍擬請從新開辦免致廢棄當得楊督咨文照准既以福興總辦炭礦福興即令馬繼武馬繼雲自備資本實力進行數年以來兩處炭礦均收成效又如安鳩安山所出之石油從來無人開辦而新疆所用之油購自他國福興恐利權外溢乃出資創辦查新疆石油礦區雖多惟以喀什爲最如將來辦有成效足可供全省之用也福興曾於民國八年派員赴俄購機器一架需價銀十八萬兩比因俄亂未平鐵路損壞以致所購之機器尙未運回如他日運回則有益於新

疆多矣再新疆開墾興農爲第一要政前呈奉命飭各文武清查官產變價以作兵餉不准隱匿等因通行遵奉在案當查距城三十餘里有大小草湖一處係前清時代營地荒蕪多年均成草灘其地英吉沙疏勒疏附交界之處地僻人稀盜賊匪類出沒其間三縣人多受其害又漠城外舊有營地八塊均屬荒廢福興卽咨楊督軍除留操場馬廠外其餘由馬繼武馬繼云繳價銀七千五百兩築渠開墾按地升科數年以來陸續開種於國家加增賦稅於人民添益生業又於該處修築大橋九座以利行人招集戶口設立市場使窮民得生盜匪斂跡并植樹三十餘萬株致荒僻之區漸成繁市再喀什漢城北門外五里許有大河一道舊有大橋一座長百餘丈早經毀坏因此橋工程浩大多年失修每年河水爲患西岸居民二萬餘戶來城須遠行七里橋三四十里頗屬不便於商務民生均有所損福興捐資鳩工選擇精藝工匠重新修造此外福興爲開通邊民知識起見復捐資興學培植人材於民國二年在省設立馬氏私立小學校呈明立案於四年畢業於民國六年在喀什疏勒又建馬氏私立國民學校一所今已咨請楊督改爲公立高等小學校所有經費曾咨明楊督自願擔負十年在案以上各節係馬氏維持新省大概情形也

●喇品貴來函

公謹仁兄惠鑒敬啓者昨奉

大箋並外贈

墨寶如數照收當卽遵

示分送矣惟督軍竹書應侯弟之委狀奉到之日再行送呈可也前弟要求顧問已荷我兄面稱

吳巡帥允准在案但不知此刻發表與否殊爲掛懷再弟同馬劉馬康諸君保獎功名未悉兄如何保薦之處尤祈事在必成不獨弟一族一人之榮光已也再聞

蕭督已陞兩湖巡閱使之信此公素與我

兄相契如能與弟請一顧問更好情關知己故敢直陳肅此敬請

公安希惟

荃照 馬少翰按古冬月底晉省如有要事請函商急設法請聘書爲感

●喇品貴來函

公謹仁兄大人閣下頃奉

惠書捧讀一是並到

聘委各狀感激曷極我

兄簡賢舉能不遺餘力而人類不齊忠信殊異遂有潛讒行於其間致勞

巡帥諄諄誠諭實深惶悚然細查此間蒙委諸人實無招謠情事務乞

大放寬心勿避嫌疑是爲至禱且弟之所薦自揣無妄而

兄之熱腹古道羅致英傑實爲吾國人法亦爲吾教人大放曙光也卽稍有閒言仍請持以毅

力勿存灰心復初請暇外出多日現不在省若到省弟卽去說使之匯來第前款業經匯上茲

蒙示及欠款匯來等語不悉果爲何項祈明以賜覆此復恭頌

勛安

教弟喇品貴

●甘省全省俱進會者來函

謹翁仁兄大人惠鑒接到

鈞札知前函早登

典籤蒙費

神之引援虛

舉譽之盛情殊深感愧奉到聘書弟已於辰月七日拜領業經飛電報謝愧弟馬足不前深負

龍門汲引聽鼓依然鳴琴未卜寸長未展殊爲感慨今天中節近裁賀

巡帥節喜並伸謝悃到日請代爲轉投前懇代弟籌畫之事務乞

賜便引援丁公分袂之時面敘離懷曾示金蘭之願愧弟邊關末職尤忝高攀今蒙不棄實爲

三生有幸附上蘭譜一份資呈

笑納是爲至禱專此敬謝

隆情伏維

惠鑒並頌

夏釐

馬鍾麟鞠躬

●南陽鎮守使來函

公謹仁兄大鑒鑾函互貢

鴻度遙達遜聽

好音莫名欣盼敬維

東鄰著績

節畧宣勤引企

芝標彌深藻頌弟豫南忝鎮歲月虛拋幸一切托

庇平安尙堪告

慰耳承

荐姚君俟遇機緣必爲設法祈

諒之是幸肅泐奉復并頌

升安

弟馬志敏頓首九月十日

●河南警察廳來函

公謹仁兄大人台鑒頃接

大函敬悉種切查敝廳前據黃坤等呈稱組織中央大學河南分校當以案關教育咨請教育廳核復旋准復稱此案應俟中央大學公文到廳再予核奪業經轉行知照在案該分校准否設立係歸教育廳主政將來敝廳接到准予設立行咨自應加意保護以副雅囑至於鄭州豫報立案時原係張墀爲首前因遷移問題發生假冒始終而豫報有無張墀其人正行調查果有其人自當加以維持也專復卽頌
勛綏

弟夏國楨啓七月十七日

●喇品貴來函

公謹仁兄鈞鑒邇來連讀兩函並贊助追加議員各文件業經如命分寄本省穆教大員並新省各偉人併力協爭萬勿錯過審查機會有負我兄數年進行之熱忱去後想諸公會及穆教子孫永遠之權利必能動起爭心爲我兄助一背之力也再追加議員進行方法弟前面告丁靜菴想已面陳惟我甘破壞奸人頗多甚且假弟之名往來挑撥惡感者有之如有弟信中有不妥言詞或要求他事者何妨我

兄致函問解以免奸人弄出是非爲要昨日郵呈一函係丁裕謙致謝之信內中此外所談言詞如有不妥之處因弟接應道禧來賓撥章之時忙未細閱吾

兄萬勿介意實因此信係丁君所寫故其中稍有奢望之言也肅復敬請

公安

教弟喇品貴言

●葉縣縣長來函

公謹先生賜鑒雲泥迥隔寤寐爲勞天末涼風

起居何似弟忝司邑政故我依然綆短汲深恆慚鳩拙

執事瞻懷公益盡力梓鄉

劉杜長才久經同聲交譽倘有因地制宜之策尙冀

惠我南針時相督責庶幾聆

藥石之良言作晨鐘之警省于月初汝寶葉交界地方發現伏莽經弟督同焦隊長馬巡官率

警痛剿斃匪八名并奪獲快槍數桿嗣後匪氣當可因是稍息上月雷雨多日近亦幸未成災

知關注存併以奉

聞因風寄意祇頌

旅祺

葉縣縣長弟秦起忠拜啓八月二七日

●李振府來函

公謹老弟如手久違

駿采時系馳思無日不縈懷於

君之左右也前者諸閣員聯袂去職昨午後元首亦去職以國民付託之重行動自由恐各強

鄰亦無此例妙在國會亦噤若寒蟬概不作聲豈言亦無效耶抑默認耶是真不可解矣茲有

張守仁君亦葉人也聯教讀於家從學者七載其父訂盟兩次可謂至交矣蘭與乃父子亦有

世誼之好今以荐任職列保分發綏遠素與馬都統不通聲氣恐人地生疎難邀委任吾

弟既係教親又稱莫逆賜一荐函當然有效祈由郵加封寄至敝寓令張君自行投遞諒

援引後進夙具熱誠

口角春風當不吝

好音於金玉也按求信手續必須敬謁

台端面聆

教益方爲誠敬然一縣之親格外脫略實由我二人從中解說非張君本意請格外原諒是幸順候

勛安並候

福音

愚兄 李兆麟
黃佩蘭 全啓五月朔

●詹旅長來函

公謹仁兄大人鑒久慕

芳聲時深渴思祇以

台從駐洛未能躬詣拜謁得聆

雅教私心耿耿日昨因公赴洛滿擬趨謁台端親承

光霽奈甫晉見

巡座後卽盛染瀉痢呻吟者五六日甫經稍痊又以訪務所關函催旋防近

在咫尺竟爲種因所障未得一晤丰範何緣慳之如斯耶現匆匆還葉托

庇無恙差堪告慰借願見之誠竟未獲償殊歉仄之甚耳曲曲之懇尙希

見諒祇頌

台綏並請

大安

小弟 詹憲章拜啓七月六日

●湖北老河口來函

逕啓者吾教派衍西方道闡東土歷今千百餘載人民多得教育之普及此亦學術之昌明者也竊河口上通秦豫下達襄樊人烟稠密商務繁盛吾教居斯地者不下三百餘家經商務農營業複雜敵方於遜清時代曾設有經書學校自民國三年春被白匪蹂躪之後學校遂告中止復加吾教人民簡單經費困難遂致因噎廢食深爲抱歉目今市面平靖人民安堵同人等於今春始創辦學校一所定名爲普化宗旨以培養吾教童蒙造就吾教人才爲目的地址假清真寺內現在酌定款厘欲由牛捐幫厘之內抽收撥濟補助學款俟組織稍有成效卽行呈報

鈞處然恐有愚昧無知者從中破壞吾教公益及阻碍進行各等情尙希鈞處鼎力維持時加保護則同人等不勝拜禱之至今

鈞處爲回部全權代表運籌帷幄決勝千里國家之政又能得於參入深知夫天下興亡匹夫有責行見支大廈於將傾挽狂瀾於既倒措天下如磐石之安衛國家若金湯之固競爭文明開千古未有之局淘汰泥滓立萬世不易之基爲東亞大陸四萬兆重新世界廿四史特別春秋則同人等翹企之至今同人等謹將設校籌款各情形理合脩函敬求鈞處電核并希 賜函垂教實爲公便 謹呈
回部全權代表辦公處李

湖北老河口俱進會支部會長

本會評議兼商會董事

坐

席

調

執

辦

務

查

事

全 啓

海玉猷

馬書照

馬肇昌

劉延富

馬祚坤

劉文霖

張文政

姬長雲

劉文全

劉鳳鳴

端木廣祺

馬文清

雷德翰

●山西來函

代電誦悉楊增新擅殺中央命官違反法律罪不容誅已由太原回教俱進會函復北京回教俱進會轉達西北大局准持會現此函仍存京俱進會希費神函索一閱可也專復敬頌
大祺

山西回教俱進會啓

●李振府來函

公謹老弟如握奉到
琅函備承
瑣飾且感且愧信遞到時適值趙虎臣知事在座展誦非常高興想老弟允許爲力必能功效立成趁 巡帥壽日馬都統前往慶祝定與接談得口角春風令小草敷榮自屬易易吾弟亦不惜此
鼎言俾平原公揚眉而吐氣也倘其才不足以稱職則却之久矣人之愛才誰不如我我欲掄

揚善類而謂人能淡漠乎稍遲壽筵宏開壽星立現與賓客言吾弟亦巡署之公西華也從事獨賢可爲

老弟歌矣此請

升安

小兄麟頓首三月初四

●熱河來函

敬啓者竊以處此競爭時代優勝劣敗爲天演之公理我中華民國號五族共和是我族亦系主人翁之一然堂堂國會既爲國民全體代表行使主權機關之一而于議員之分配惟我回族獨付缺如豈但有乖共和之原理實我同族之隱羞十餘年來鄙人有志未逮昨奉回部全權代表李公謹先生惠函并附寄請願等書拜讀之下仰見熱心毅力爲我回族以謀萬世之基讜言偉論促我回族以爭應享之權呼籲府院奔走數年早以先得我心之同然鄙人深愧不能提倡于前竊願一志附驥于後現已擬就請願書依法呈遞府院并望各省同教同胞齊發熱誠抱有最終之決心一致進行務祈達到圓滿之目的且憲法行將告成時機緊迫尤須提前趕辦權利望忽遲忽是所至盼再鄙人以此次所爭事關回族興衰勢非達到目的不可

擬各由本省選派代表定期集京一致力爭國會仍如前眇視而予否決并可協商最終之對待是否有當用特商權肅此敬候玉音并請教安

熱河朝陽縣承審員李華謹啓正月五日

●特別區域熱河朝陽回族公民請愿書

呈爲懇請增加國會議員名額以示一視同仁而免回族獨抱向隅事竊以國建共和五族一家凡屬國民既無此疆彼界之分應享權利亦宜一律平等庶足以示大同而奠國基查臨時約法第一條中華民國由中華人民組織之又第二條中華民國之主權屬于國民全體既云中華人民又云國民全體當然五族人民同在範圍以內此天經地義毫無疑義者也國會爲全體國民之代表行使主權之一然國會議員分配之額對于漢滿固無論矣而西藏青海蒙古亦皆有專額即遠居各國之僑民亦有特別之規定惟對回族獨付缺如揆之共和國之原理五族一家之精神恐有未合若謂內地回族散居各省而八部回民亦在新疆省治之下并無特設專額之必要殊不知內蒙各族分隸于各特別區而于國會選舉則并不混同于省區之內內地回族雖然散居各省然八部回民既有特定區域一切言語文字歷史習慣又

無一專成一格且劃地分守爵隆王公實與內蒙情形相同而于國會議員之分配則使回族獨抱向隅殊失約法所定人民一律平等之精神揆厥當日議院法之規走諒非有意歧視心存漏卮不過事屬創舉顧慮有所未週以致顧此失彼然往者不可諫來者猶可追爲此除謹依約法第七條及議院法四十七條之規定提出請愿書于貴院參衆兩院外并懇祈我大總統主持公道一視同仁提案兩院比照蒙古西藏青海成例將國會組織法或修正或追加追回部議員若干名以昭大同而彌前缺則回族幸甚民國幸甚謹呈

大總統 參衆兩院

特別區域熱河朝陽回族公民代表李華王 等呈民國十二年正月五日

◎信陽回族公民代表上大總統國務院參衆兩院請愿書 十二年三月日

北京大總統國務院參衆兩院鈞鑒竊我國既稱五族共和公權應五族共享國會爲代表民意機關何蒙藏各部均有專額議員而同部議員獨付缺如繩諸憲法不爲完全揆之情理未免偏枯今幸有回八部代表李謙公秉大公至正之議爲共和團體之謀請愿國會增加回部專額議員以全憲法而固邦基回族幸甚民國甚幸

信陽回族全體公民代表 馬潤卿 龔敬菴 馬耀堂
古蒂村 張惠菴 龔傑臣 全叩 十二年三月日

◎河南泌陽回民公請愿書

大總統國務院參衆兩院議長議員鈞鑒民國成立疊經風雨謀牽制者有人倡復辟者有人南北之戰爭征頻仍蒙藏之風雲未絕他如軍閥聯盟政客結黨內省交爭羣入漩渦之中共處漂搖之地政府憂困民生塗炭滿蒙藏日事干戈不遑寧處類皆兄弟鬩牆事也惟我回族恬居一方翊贊共和不遺餘力即有風氣壅塞稍持性強者亦皆由李謙輩寒齒誥誡口頭疎通不以兵革全歸和平其扶持共和服從民國之事實似不得謂非鐵中之錚錚者也論功行賞當不在漢滿蒙藏之下所可異者南京約法事屬草創回部議員獨形偏枯苟置之不問則五族國民尙缺一部不惟爲各友邦所垂憐兼且爲各友邦所竊笑輒聞之則一族之恥實按之乃全國之羞也幸有回八部代表李謙公于民國三年卽以此事依法請愿嗣因中國大局不靖爲之一擱國會無靈何事再陳現在諸偉公力挽狂瀾護法有效國會重開憲法修正而李公謙又因天賦人權不肯拋棄復向鈞台依法請願自非無理邀求的是文明爭論伏念偉公明同日月德賜普照開誠布公按法通過革除章創積弊產出完全憲法可使我中華開

創以來最馴之同族得與漢滿蒙藏各友族同一待遇五族共和名實相符十年之功由此告竣則天地無私之心自不難與山河而并壽肅此函懇

俯賜採擇

河南泌陽全體回民代表倪長榮 呂權輿 張全信 仝叩

●河南西平回民請願書

黎大總統國務院內務部參衆兩院各巡閱使各督軍督理各省長各總司令各都統各報館各南北偉人鈞鑒謹按共和根本在國會國會組織在議員議員胚胎在民族有如是之民族方能選如是之議員有如是之議員方能成如是之國會有如是之國會方能保如是之國家此理甚明不待瑣瑣矣我中華非五族共和之民主國乎以此命名卽以此核實載在約法傳諸吾外咸知有漢滿蒙回藏而又製五色國旗以宣揚之合世界之潮流順人心之向化鑄無上之國魂立民主之鐵案加之則名實不符減之則徽號不全義務所在惟我五族共任之權利所在亦惟我五族共享之其理乃至公其事乃至平也偏駁私圖固不得稍攙雜於其間一事不慎卽遺誤孔多暫時雖可敷衍常久卽形敗露知而改之其失尙屬無心倘知而怙惡不悛全甌終無覺有缺小之則貽笑中外且不免有人心散渙之憂大之則遺害國家亦殊覺有

一部疼痛之患同此義務宜同此權利畸重畸輕終覺不便回部議員獨無定額載在約法異於他族竟與立國大旨相背馳凡在同族誰甘心又誰肯緘口幸有回八部全權代表李謙者效忠民國已非一日任大責任屬望更殷近又迭奉回八部哈密雙親王土魯番親王庫車親王阿克蘇邵王拜城烏什兩貝子和闐鎮國公阿爾泰輔國公均派代表各有委託仍着該八部全權代表尤悟德李謙代表全國回民公意向 大總統 國務院 內務部 參衆兩院各機關依法請願懇祈 諸公各仗大義秉大公祛大弊立大法規定回部議員名額產出全國無弊憲法使中華民國開創以來之最馴同族得與漢滿蒙藏各友族同享平等之待遇則不惟我回族可免向隅之悲卽漢滿蒙藏各友族中之齟齬公理熱心共和者亦殊覺對同族而重門洞開彼天地無私之雅懷亦卽可從此而表白於世界想 諸公手造民國十有二載風雨漂搖隨事補救皆屬一片公心全無半點之私意彼堯也舜也林肯也我 諸公卽三人之後身也夫一夫不獲堯舜常以爲病黑奴已放林肯方覺快情況同族人數實遠出滿蒙藏而僅遜於漢族者也其數較一夫爲何如其情較黑奴爲奚若伏乞我 諸公尊重民意拾遺補闕明同日月德賜普照或力倡平等或實行共和或提入國會或按理通過各行公道各盡

天職當憲法修正之日樹千秋不刊之論一加援手萬病回春則一十五部之完全同族二十三省之零星份子有誰不歌功頌德者共和根本將從此而益形鞏固矣臨電翹首伏祈

垂鑒

河南西平回民代表呂震乙

呂本國
白福深

張金聲等全叩

中華民國十二年二月日

●河南周口請願書

洛陽

回部全權代表李恭謹先生鈞鑒疊接通告併經唐信安兄轉述我公意旨足徵熱忱無任欽佩議員應爭之點凡在同族均應奮圖等抱此夙志匪伊朝夕惟以綆短手絀無路請纓今

先生登高一呼倘蒙 驅策愿効區區頃已遵照

先生提倡手續致政府本代表電其文曰北京

大總統國務院參眾兩院保定曹巡帥洛陽吳巡帥鈞鑒民國肇造垂十餘稔共和名爲五族內幕實多背馳回部與漢滿蒙藏同爲中華民國而議院組織蒙藏青海各部議員規定均有

專額何回民一部獨付缺如查臨時約法第一條中華民國由中華人民組織之豈回族不在中華人民範圍之內耶又第五條謂中華民國人民一律平等無種族階級宗教之區分今議員不及回族是五族不平等而有種族階級宗教之區分矣其第十二條謂中華人民有選舉及被選舉之權漢滿蒙藏各部議員定額均有專條回族獨致向隅如謂回族爲非中華民國則已回族既同列中華民國五族之內獨此選舉暨被選之權不能一致縱回民默爾無言而天經地義之臨時約法與政府實行之共和政體違反抵觸如是無惑乎天不厭亂干戈弗已也前經回部全權代表李謙懇請政府規定回族議員名額爲議院補缺限即爲國體綜名實言近旨遠義正理純非僅爲回部一族爭此民格已也我

大總統暨諸先生德優望崇薄海同欽值茲議憲之始伏冀主持公道勿爲一二奸宄所煽惑務將回部一族議員名額列入憲法名條以正國體而維人心無任翹盼云云知關綺注謹此奉聞豫東回民代表周口鎮清真教育總會會長丁殿邦范槐堂舊陳七屬回民代表馬忠猷杜金銘龐贊宸李遇春韓雲龍李鳳閣丁元斌叩佳

●修武縣曹香亭被誣求赦電

同部公牘

同部李公謹兄鑒聞曹被押請設法先保釋並代昭雪盼覆丹

●喇品貴來函

公謹仁兄大人 鈞鑒前函想已垂覽矣每仰

芝宇時深葵向敬維

興居春泰

譽望日增引領

霄雲傾心祝露奉函後刻即達知吾教偉人處黃口孺子無不贊助自古之今清真無二世界安堵爲漢民中治事我

兄教門民國柱石古道熱腸天下共見共聞 弟與各鎮守使相交最深業已函達各公處疏通如何見函後 弟刻即陳情現在甘肅公民請願書一件請

兄函到後即達 上庭爲要 弟前日謁見

督 兩長前極力吹噓我

兄辦事深明大義兩長心悅誠服下次到處深爲頌揚談論間誰不愛慕我

兄之威望也名片帶來數張致意臨池聯絡重要人物交際爲快也 弟自慚驚下不能作昂昂千里駒

翁如伯樂也雖鞭長亦可及矣望之望之郵筒多便尙冀時錫箴言俾資借鏡是所盼禱敬請勛安伏乞 垂鑒

愚弟 喇品貴鞠躬

●熱河來函

公翁先生偉鑑匝月未蒙

教言卑吝復萌敬維

福祉延綏

勳勞懋著爲祝爲頌竊查前後奉到各省穆民同胞請願合計亦卽卅餘起足徵同仁業已覺悟奔走呼號共挽前失惟數月以來未聞國無動於我同仁之請願卽若何動作似有擱置辦理之意前者 鄙人提議集京卽爲預爲此事後盾再衆議院任期將滿憲法已有預定日期公布之說當此一髮千鈞之時同仁等之請願若爾持以熱心毅力積極進行誠恐日後補救無及應享權利永無恢復之期當現在國會對於同仁請願究竟抱持若何態度我

公位重名高樓台近水必然預有所聞再者同仁集京乙節有無成效均祈詳爲示知以便籌商進行辦法是所至盼又有懇者洛陽憲兵營於舊歷五月招生茲有 鄙友李東園陶維屏龔云峯先生擬往投攷誠恐人滿爲憂特浼 小弟轉懇我公鼎力維持如得不致名落孫山之外則銘感大德匪但受者已也肅此敬請
勳安

小弟李華拜啓

偉俟兄同此請安

●涪川縣回教俱進會涪文支部來函

回部全權代表李大人鈞座逕啓者前在禹縣清真寺會高教務見有我 公電請參衆兩院底稿意在指定回部議員專額加入憲法等因振臂一呼各處響影者有八省代表先後呈懇足見人心不死將來吾教得放異彩與滿漢蒙藏受平等之權利皆公之賜也涪邑教門莊雖係豫省一小部分而 鄙人等疚心時局望聖道之昌明人情大抵相同故云南北京等處及山西 馬廳長每有函電到涪凡係可遵照之條靡不極力服從求達目的特無權無

法祇得以口舌代表至意我 公此舉爲回部子孫立萬世不拔之業 主聖有知回賜當無量矣嗣後關於教務事宜務祈擲交一份冀與 諸公作後盾十室之邑必有忠信幸勿以我涪之地小人微而忽諸特此奉懇即頌
公綏

中國回教俱進會涪支部會長馬佩瑤
涪川縣教門莊清真寺教長呂文謙 全上

●葉縣公款局來電

九府門回部全權代表李公瑾兄鑒公款局真電效否祈速覆弟欽棠鴻賓文印

●喇品貴來函

公謹仁兄閣下賜鑒頃奉 馬壽峯來函云

台駕現赴都門諒有要公我

兄專爲國事於此暑天奔走馳驅雖日勞瘁實亦代表我教中人士放曙光耳曷勝幸頌惟云匯款一節專望往天津兌取往返需得盤費卅餘元再加以正款四十元則不償欠款可知等語讀未竟輻愧汗交集然弟之匯款非故向天津致勞跋涉實以與銀行稍有關係且悉自洛心津者不時來往或有事赴津順便兌取當無不便之處茲既發生困難特由此間郵局匯上

大洋四十一元至祈

查收並望

惠復是爲至盼餘容後陳特肅卽頌暑祺諸希

亮鑒

教弟喇品貴鞠躬

◎江西景德鎮吳松年來函

公帥大人鈞鑒前奉

大函并蒙

頒賜畫竹風靜琅玕筆飛墨舞拜領之餘珍同拱璧當因客遊盆浦未卽肅箋申謝歉也奚如惟投桃報李古有良箴教末幼學塗鴉敢呈拙技繪具富貴壽考圖及魚條各一幅非敢云獻聊以祝我

公福壽耳又附上賤照暨小店門面式各一張用誌念忱我

公像片卽希郵寄一張庶便令兒輩繪諸瓷版藉伸敬意曷勝企禱專肅順叩

鈞安伏惟

鼎鑒

教末吳松年謹肅

◎馬都統致蒙藏院總裁塔親王及馬部長振五函

雲樵
振五 仁棠 總裁
部長

偉鑒魚雁常通音塵久隔臨風懷想鎮日神馳祇維

勳祉翔華

履祺佳嚶

爲頌以慰弟邊符忝領建樹無聞剿匪撫民不遑寧處近幸遙託德庇荏苒漸次肅清地方亦尙靜謐頑軀輟適堪慰綺注耳茲有啓者李公謹先生籍隸中州系出回部迭充哈密親王代表直魯豫暨兩湖巡閱使署顧問各職識見高超目光遠大相交有年極所欽佩茲者便過綏城盤桓數日對於大局前途國是改進讜論發揮頗多見到之語而於回族代議制度言之尤爲詳切並將前次請願國會及分呈院部要求指定加入回族國民代表原文持以見示查其所持理由亦極正大現值元首正位渙汗一新國會召集法統重光萬年憲典將待完成凡從前臨時約法缺略之處自必斟酌盡善有所增益李君以爲此乃千載一時之機必求貫徹回部全體初志擬卽依據原案再爲陳詞俾謀永久權利兼杜將來隔閡並云我公德望兼隆幷幷幷幷幸隸景仰之忱已非一日卽國會執政方面亦均與公多所稔識夙相推重九鼎一言必獲有濟關於進行一切尤盼指導扶持用是特屬爲介俾得趨承教益弟以此事係乎回族

全體自當力表贊同惟法律解釋如何究亦未敢臆度我公遠矚高瞻熟諳法治必有卓見
宏所遠謨一切詳情統由李君面達茲不贅陳手此奉達敬頌

勳祺諸惟 亮察不既

如弟馬福祥拜啓

◎端參議來函

公謹如棠大人偉鑒日前抵浙將吳帥函面交前途頗邀優重誠心推尊直系欽仰
吳帥併有復函附寄祈轉呈吳使現值首都政變滬浙一帶時有奸人鼓惑人心皇皇本擬即
日回洛面陳一切因時局風雲變幻暫留探察浙幸夏公維持奸人不敢軌外行動一部分人
製造氣空不足顧慮攜來照相已在滬上托友人覓售但一時難得主顧稍待時日當有回音
也如有

大教祈浙江拱埠橋西百五十號再住二三星期擬北上也肅此敬請

大安

小弟 新頓首七月一日

子喬秀峯諸兄均此候候

附上夏公及弟寄吳使各一函祈轉呈爲禱

◎鄧毅來函

公謹先生大人閣下新春伏維

萬福去歲毅侍敝太老師康南海先生過洛荷承

綺注

厚饌隆儀具懷

高誼遠送車亭感深流水毅送敝太老師於除夕前一日始抵滬濱路途勿迫歲暮事忙箋謝
稽遲至用爲罪相知如

公想能

原宥也幸時

錫教言以匡不逮春日猶寒尙希珍攝肅此致謝并頌

春禧

名另肅元月廿日

◎馬軍門請願書

衆議院鈞鑒竊維五族共和肇興民國是我大中華民國由我五族人民組織而成此臨時約

法所宣言五色國旗所標識者也既民國爲五族之國則五族人民當同負應盡之義務固當同得應享之權利此尤爲天經地義所不能改異者也查國會議員之列席爲民國人民應享權利之一惟議院法之分配議員名額特設蒙藏專員而同族獨付缺如似欠平允嘗考古之回族溯自漢武時代已通好於中國是漢回之聯合較他族爲最早回族人民之衆即以甘肅一省而論已不下數百萬亦較他族爲最多甘新爲西北之屏障兩省軍士回人居其多數地方秩序端賴維持卽內省之回人從事行伍著立戰功時有所聞是同族之効力於民國尤較他族爲最切由此觀之漢回之關係無一不優勝於他族而所享之權利反居於他族之後則議院法制之缺點不亦章明較著乎或謂回族人民散居各省無固定之部分於選舉手續上諸多不便將奈何是僅就表面上立論尙未卽實際上考察也我回族人民固隨在皆有然無一不有主教之統率聲息相通如肘之使臂臂之使指外雖似散渙之形勢內實具團聚之精神卽內省回民亦皆結合於一隅並無零星雜處之慮夫何不便之有國禮等既爲民國分子早擬聯名呈請因念我

大總統國務院參衆兩院諸公均爲當代名彥秉理察物似此欠缺之典必有改組之良故遲遲以待現值議憲之際實難再甘緘默放棄天然權利用敢陳述理由隨我回族代表李謙之後請願於

諸公之前仰乞

俯念共和國體五族平等之義援照蒙藏議員定額成例准予專設回族議員若干名載諸法典以彰公道而弭爭端回族幸甚民國幸甚

◎丁參議函

甘肅回族宏門教主馬國禮率教衆人等叩

公謹大哥偉鑒弟於十一日倉卒登車未獲與南海先生晤面實爲憾事過去談話諒有筆記拜求提書係何字樣少雲回綏之後是否來信西甯之行能否如願統希詳以示知弟抵舍後老少年安謹告

錦注擬十八日赴漢如有信件仍乞寄至桑坡爲妥此頌
大安並候

壽峯弟近好

閩部公牘

如弟鎮頓首十三日

◎武漢總稽查長來函

公謹仁懷惠鑒韶光易逝值此榴紅時節倍切懷人奉展手教並承

頒賜吳帥祝嘏同人影片

冠裳鼎列榮稽於職守未克參與其盛得領

惠贈實可欣慕馬繼良本屬同教之俊又爲賢者之裔前於夏歷三月已薦於夏口縣查緝處得有位置辱承

垂注更當隨時勉其盡職以報

雅命敝處清苦實不如其現職也京洛在望尙希

時惠好音爲盼爲禱專復敬頌公綏並賀

午釐

如棠王世傑頓首 六月十一日

◎喬參議來函

公謹仁兄總代表台鑒頃奉

大函並子姪委任狀兩件足徵

垂愛優加卽命子姪捧拜謹領特爲表謝敬譖一切長途汽車既奉辦有人關於財政亦屬無法惟哈什提督所辦煤油礦及汽車路猶可趕緊進行中俄業已簽字免再被人捷足請願一節刻不去懷一面就理家事之暇妥擬請願書稿一俟事完稿就卽行馳京知關尊注茲并奉聞專肅敬覆鳴謝祇請台安並頌

譚福

弟烈頓首兒姪隨叩並謝 六月九日

壽峯
子立 兩兄均乞 代候

◎魏旅長來函

公謹代表仁兄大人台鑒日前識

荆大慰生平

偉言議論曠世罕倫渥聆之餘韋佩傾心承賜肖像竹圖敬謹沐懸蓬華爲光六日抵宛據各防面報安堵異常我兄心存濟世聞此當以稍慰既承

面命於對晤深盼

提覺於來軫望

桴暉而瞻依肅丹寸以抒忱專此叩謝敬請

勛安伏乞

愛照

愚弟 魏天福謹啓六月七日

●喇品貴來函

公謹仁兄大人鈞鑒日前奉接職員錄及像片等物欣悉我兄榮陞中將無任慰賀職員錄當即分送各同道矣惟像片攝影極真甘省絕無如此好照可惜郵寄被壓已爲數段雖表而合之然殊覺缺憾諸友人見者莫不歎息而復欲得珍藏一片以作景仰之意務祈賜下數片速付郵寄以作紀念不審我

兄肯准寄否前懇轉求

巡帥另馬振武郭福金聘任顧問馬學智馬柱賜委諮議一節務請設法力爲關說以期早日玉成倘蒙發表將聘書委狀逕寄弟處分別轉送俟此事竣弟擬旋里泡製皮件前託委諸友

爲

貴部參議如蒙 惠准亦祈賜寄以慰諸友盼望之切追加議員事弟與馬愚喬等商議聯絡多人盡力爭持仰以副我 兄歷年慘澹經營之熱衷藉可報屢次栽培之深情大德也前蒙我

兄爲弟埒名賀

巡帥壽誕至爲銘感禮銀四十元零七角自應即時匯上惟郭南浦差人來說伊已匯起百元作壽禮之費適因臨期末及送禮着弟致函我

兄將弟禮洋在此百元內扣除等語祈卽照扣並將其餘陸拾元之譜暫存尊處以免往返多費手續倘南浦款未曾匯到祈速爲示知弟當飛由郵匯（因南浦差人說後再未見面故恐有誤）不誤肅此恭請

勛安並盼

復玉

教弟 喇品貴鞠躬 四月廿五日

●馬都統來函

公謹仁兄顧問大鑒頃奉

惠書敬聆種切卽維

升祺日豐至爲慰祝馬君德成履歷節略各項均已閱悉其開復一事已飭政務廳先與馬君當面接洽好爲入手頃據該廳簽稱此次該員懇祈出具切實考語專案呈請等情核與保獎條例第二第三第五及第九第十二等條之規定碍難辦理蓋保獎既無案可據保薦復拘於定額且該員曾經褫奪公權有案究竟已否復權亦未據明白聲敘理合簽請鈞奪等語似此情形不得不出於慎重但如有可以設法之處弟無不盡力承

囑之件尙須從長計議徐圖善法知關遠注先此奉聞肅泐敬頌

升祺不一

附再啓

愚弟 馬福祥拜啓

承

囑馬柱臣手槍及子彈順送至保一節昨已將該手槍及彈帶運京寓並電明

尊處請卽飭縱錦棠持照往京一取此復

公謹仁兄諮議閣下

弟 馬福祥再啓九月八日

◎參議院黃議員信

公謹仁兄鑒保定來書已收到貴紀來京代述

尊意敬悉一一請願事新疆議員多持異議以其爲該處代表其言頗足動人衆議院請願書又行否決大致亦受新疆議員影响參院請願書弟親遞議長并面章委員長詳述請假昨日又面章君許以通過則參院請願會中亦無問題惟事關修改法律非請願所能收效擬在兩院由議員將此案提出付衆公決只要理由充足有反對者何懼焉此候大安

弟黃鳳蘭頓首

付片兩張祈代爲吳使請安

◎同族公民來函

李代表教兄大人偉鑒昨接蘭言頌至末洞悉領惠明教深知 謙兄爲同部增加議員之棋局可謂熱誠教門之基礎闡發精微之妙旨自謙兄而更正亘古至今第一人傑也觀 謙兄頒示宣佈道理曷嘗不明如月在水光彩可鑑若非謙兄詞理通暢外界安能欽佩 總統參衆議院安能批准所謂理服君子殆 主降謙兄豫爲重整綱紀此乃千古不沒之功

雖愚夫愚婦無不沐恩戴德就是鄙方無不慕 謙兄下風而望餘光者也末盤坐小寺如井觀天捧讀批示頓開茅塞廣廣乎開未欲之眼界誠哉一快耳未瞻 鴻儀孜孜高仰每在乃馬子之後祈望 眞主加增 謙兄福壽恢復回模栽培人物皆 謙兄無量之功末茲不及一也楚境教門不振皆因經師之無才穆民之剛橫無文明之奚望以致外界睨視不堪痛言未雖道化斯方有教無法難以與其抗理每在寺中放聲一痛中有穆民謬違教規者難以枚舉內容不整外表決難雅觀外界豈能改藐視而拱璧似此奈何順頌
律安

教末另片肅

●甘肅全省警務處長來函

公謹仁兄參謀長大鑒夙欽

光霽遙譚

惠牋莊誦再三益深韋佩敬維運籌帷幄

樹績瀛寰至爲忻頌弟等遠游邊徼莫建寸功自哂自慚敢云供職迺昨奉

華函並附發巡署委狀二件拜領之餘當卽肅電仰謝以表葵忱已端居清暇時錫數行尤所

感禱崇泐布悃敬頌

勛綏

愚弟 王學伊 頓首 三月廿九日

●回族公民來函

公謹先生閣下久欽

鴻範倍切蟻忱客歲

遽使西來望

德門而仰止近荷

華章遠賁承

藻飾之逾恆逖聽之餘感慚交并辰維

猷宣華夏

翊贊中樞儼

顧問于元戎詞陳前席

佈德音于穆族望慰同人引睇

洪謨彌傾孺慕弟蒙疆托業隴表來游濫竽商戰之場愧乏懋遷之術值比交通梗阻計惟有竭盡棉薄徐圖發達耳客冬喬丁二君抵蘭東道自慚諸多簡褻乃蒙

齒及增我汗顏嗣後如有委託事件無不效勞偷天假之緣異日道出洛陽定當趨詣崇墉面聆

清誨臨風肅復不勝馳依專此敬請

台綏諸惟

朗照不宣

愚弟許林頓首三月二號

◎平桂財政處來函

大悟德先生台鑒久欽

渠範無緣請

益引領

德輝何勝仰止近閱

來札以回族議員專額囑爲合力與爭遠見卓識佩慰無似惟敝處地極偏僻

尊函到時已在大選告成憲法頒布之後加以俱進會正副會長徒擁虛名不識大體不明同力合作之義均以事難辦到遂爾漠然置之而七方清真寺阿洪皆目不識丁之人更無論矣鄙意增加回族專額議員爲吾人應爭之權利無論如何爲難如何辦法總以達到目的爲止憲法雖是公布宜乘此同人提議修改之時急起直追合力與爭萬不可放鬆一着退後一步現時公布之憲法以天壇草案爲藍本而天壇草案又以臨時約法爲藍本不知臨時約法成立于南京政府時代事本卒倉當時議員諸公誤以新疆爲回族且又散居于各省自可混合當選詎知新疆之外尚有回族八部耶弟以爲此事萬難遷就放棄與其爭加少數不如照憲法上分配議員名額辦法爭加多數蓋少數可以承應多數亦必可以承應也如慮回族八部風氣蔽塞讀書人少有法律知識者更少則爭得之後暫以若干名分配于各省回族最多之處如陝甘滇直等省但不可如蒙古前例以漠不相關之廣西人當選蒙古議員也尤有進者議員爲人民之代表既曰五族共和安可少去一族則五色國旗亦可減去一色乎如實在爭之無效則非我回族對不起中華民國乃府院諸公漠視我回族則我回族八部即可宣布自治與中華民國脫離關係毋貽世界民族之羞請將此意寄語回部王公不妨將此種宗旨略

爲宣布以示決心我

公以爲何如 公于此事頻年奔走熱心毅力第實欽感有加前筆至此謹代表吾省吾教全體人深致感謝弟碌碌依人餬口四方行將作出山雲矣天假之緣如獲晤教爲之執鞭所忻慕焉如蒙不棄尙望時 惠箴言以匡不逮是所盼禱年來京滬吾教所出書報并最近譯行土爾基變政記尊處如有請各寄一份如需代價若干弟當照付勿勿不盡敬請
道安并頌

譚祺

弟馬公武拜啓

回示請寄桂林城內西街口自助書屋馬

◎甘肅回族全體請願書

北京大總統國務院參衆兩院各鈞鑒回部追加議員一事屢經全權代表李謙暨各省回族電請協爭在案茲值此案已入國會審查之際理宜仍請依法追加以昭公平而免向隅實綬公便

甘肅回族公民喇品貴馬鍾麟等叩

◎回族公民喇品貴等請願書

呈爲呈請依法追加回族議員以昭公允而符國體事竊維民國新造五族共和權利平等毫無偏私是以漢蒙滿藏皆有國會議員之專額獨於回族議員竟付闕如惟原其故實由我國約法成於革命倉卒之時調查既未周詳規定故多疏漏曾經全權代表李謙並各省回支部公民屢電協爭在案茲幸憲法頒布國光發揚回族議員自應仍請追加以符五族共和名義所有呈請追加回族議員以昭公允各節理合呈請鈞鑒准予依法追加而免向隅施行謹呈

大總統

國務院

參議院

回部全權代表

喇品貴	馬鍾麟	康克勳	馬登雲	馬文秀	楊潤霖	馬得林	丁裕謙	馬萬傑
郭福金	葛仁浦	馬鳴鸞	劉振堂	馬學旺	金震旭	馬占春	馬成麟	楊建信
馬銳	馬選魁	羅憲章	馬尉文	馬福全	周忠德	哈永森	馬佩珍	馬尙智

回部公牘

趙玉良 馬明福 馬積財 馬得福 馬有智 綻生彥 張科源 馬鳴驥 喇希堯
馬如麟 綻錦堂 高秀峯 脫效先 馬得祿 祁吉祥 馬振德 馬恆泰 王有德
馬顯良 馬顯圖 馬明義 蔣 鈺 馬有全 馬子元 馬應瑞 馬正魁 王福德
馬玉慶 馬鳴鳳 馬伏德 把有魁 馬如彪 馬玉麟 魏佐才 陳世俊 馬俊德
馬正福 馬學德 馬毓瑞

●喇品貴來函

公謹仁兄鈞鑒前呈兩函諒蒙青睞奉 示皮貨馬匹一層弟早日有心回家宜當遵 命辦理決不失信公民協爭議員函電業經早日發起請勿遠念凡事

眞主之定奪人不能移一切衆謨民贊助無不達到圓滿目的弟奉

吳帥貴部聘書衆謨民無不贊稱兄名震當時落落磊磊光耀全球栽培人材之長城古道熱腸天下共見共聞弟飲水思源銘心刻骨永遠不忘伏望趕速設法急請巡署重要人物與軍民兩長前速致函電特別招呼與弟差委隴南或隴東禁煙專員無論如何爲難總希玉成甘美兄之功德將與蘭山黃河而並老也宦海茫茫人浮於鯽我

兄熟習宦情捷足先登古有明論極力維持愈速愈好鵠候佳音不勝待命之至前丁靜庵來甘商追加議員辦法到洛之日陳情吾

兄同意弟到家聯絡各知友贊助勺水成海拳石成山

兄之事弟願效犬馬之勞以圖還答可也再馬善卿之寄物弟來洛時帶到不誤至追加議員一節弟已函電政府盡力爭持萬祈我

兄就近設法另致函電以期必成所有人名呈底另草寄至想順風轉舵定收事半功倍之效矣楮短情長不盡欲言措詞顛倒諸祈見諒敬請

勛安

教弟喇品貴鞠躬謹上

再馬玉吾之事兄竭早辦發表

●回族公民全體來函

李代表先生大鑒月前接奉

佈告及上

大總統參衆兩院原件閱悉中華民國既曰五族共和平等待遇漢滿蒙藏回各族有義務固

當同盡有權利亦應共享方合民國之真意漢滿蒙藏各有議員專顧吾回族獨付缺如無參政之權實在令人不解恥莫大焉憤何如之欣蒙我

先生被公推爲回族全權代表向

大總統參衆兩院一再請願舌戰議院跋涉萬里拋家喪妻全然不顧毅然以公務爲急十餘年來始終不渝護教熱忱令人感佩誠吾回族聖人之功臣比夏禹王三過不入楚子文毀家紓難殆有過焉凡吾回族敢不固結團體急起直追從我

先生之後以爲後援所以當接到

來件宣布在濮回族時婦人孺子均感

大德謂當向政府拚死力爭以期無論如何必達到目的而後已足見人心不死俱懷公憤願我

先生好爲之以爲吾族光幸甚刻下本擬湊大洋若干從郵寄上奈不知辦公處確實地點恐半途生出錯誤祈

先生接到此信時速賜

回音詳細寫明辦公處某省某縣某街門牌幾號某人查收以備將此款寄去並望將所辦此事現下至若何情形一併

示明是所盼禱專覆敬頌

春安

李福俊 李廣平
張朝禮 張士朗
李福田 張開周
蔣勤學 張開廣
馬良會 蔣景南
張開環 李玉河

鞠躬全啓

●開封俱進會來函

公翁先生鈞鑒敬啓者爲固始縣清真寺被扒一節丁畏三到會報告不但扒之不賠反證寺址爲官地其情難堪業經在省興訟年餘實爲同人等維力不足未達目的故然未果又兼省長遷署尤爲無法措手當以招集七方掌教社首到會討論辦法不過是熱心異常究而對事無濟以致無從措手幸而

公翁在西不特宗教所仰各團體無不欽佩爲同族費盡心血爭加議員足徵

熱心公益立萬世不朽之美名敝會業經備文二份祈
鼎力轉致

巡閱以及省署公懇

公翁代他方維持格外援救蒙

庇之處不特豫省同人均感中外同人禹湯有光矣非我

公莫能維之耶肅此敬懇順請

鈞安諸希

垂照不宣

開封俱進會七方掌教社首

洪保全	馬希賢	王清太	丁繼周	馬維常	沙玉保	李文學	尙清蓮	劉國寶	馬登雲
王心齋	魏子青	陳其相	丁冠英	馬殿恩	陳玉	吳榮軒	張子占	馬長真	馬子久

以暨閣方全叩

●金陵同族公民來函

公謹先生大鑒遠隔

鴻儀祇緣關山梗阻趨

教無由兩地葵傾悵也何似昨接

綻華軒君來示并附寄

賜繪墨竹披閱之下得以拱璧且能光榮敝寺拜領謝謝想

先生爲教務宣勞代表同部與吾人謀幸福並蒙

力爭議席使吾教有政治發言皆賴毅力維持感

公之惠實非淺鮮辱荷

頒來回文一張當已披閱果有言論諸端自能函告誠如 尊處有所指示無不忝附驥尾俾

利進行專肅奉復敬請

台安

教末

馬青山謹上 八月初四日
金子雲

諸執事均此未另

再啟寺前曾收過中堂一頁經文宣言六張因函謝無着故未復諒之

●劉文藻來函

公謹仁弟大鑒前日接到

手扎並吳巡帥道謝之函俱已領悉爲祝嘏夥送禮物以兄忝列其間足徵心目中有一兄在耳至每份銀洋壹拾貳元想係弟先爲墊出其洋應交何處祈函示明白俾資遵循兄請託之件

弟云如有機緣竭力圖之聞之不勝心感是誠熱腸待人非泛泛應酬者可比逖聽丁靜菴已奉吳巡帥之任命歡甚愈甚不知伊現在洛否今三月廿間劉君俊卿奉吳巡帥之令前赴四川經過陝西劉督軍軍聘爲顧問住未及一禮拜卽往川矣持出伊由洛陽臨行時忽得一電內云前次弟爲俊卿喬君烈及兄請補回部國民代表一層而不逞意之徒又爲之捏誣弟多少語兄恨不得敲其骨而吸其髓耳茲弟言現有十六省紛向國會致電羣策羣力想必有濟如此伊等又有何說之詞不禁盼之望之以期達到目的不枉弟爲吾教之名分綱常苦心孤詣一場前次馬君乾三奉吳巡帥及胡師長之令赴甘徑過陝

西對兄頗具熱誠兄詢及吾

弟之起居伊言在洛未曾相遇不知斯人與弟何如耳順頌升祺並候

弟妹暨姪輩均好

愚兄劉文藻鞠躬

●安徽同族公民來函

公謹同志兄鑒仰慕數年徒勞引領迴憶民六

台從由陝而甘經川至哈呼號奔走昕夕不遑弟步塵於後未獲一聆

教益私衷悵惘慙懣莫名幸得馬光烈先生稿訊傳來鄙忱稍慰弟客歲由甘抱空而返對諸同志尤覺赧然甚賴吾

兄百折不回藉藏我拙頃奉由敝省內寺馬掌教谷安交來吾

兄宣言捧讀之下豔羨莫名至代表請願添加回族議員定額卓識高見尤深欽仰伏維兄台熱心毅力超軼羣倫想回族議員缺席動輒一切勢必仰人鼻息雖有抱負非常未免難安緘默向隅興嘆且我回民生活之眞象宗教之奧旨普通之持性無由闡發各族國會諸公如秦視越隔膜良多一旦討論憲法倘有不適我回民之處則我回民亦無從申說不啻五里

霧中難見天日其害可勝言哉雖於事後得以請願其各憲法根本動搖障得手續何回民聞既無與親洽當然以膜外視於是中央有偏枯之政回民有化外之虞此有心人早爲痛心而疾首者也設使回族有議員額定則國會自有我回人發言之地我回人亦即因有發奮圖強之希冀矣試觀今日之中國我回族於政治上教育上實業上能占幾何權利能有若何建設徒忍辱含垢束手囿循非我回人甘爲愚魯實我回人無發展天資才能之環境可恥可憾孰甚於斯幸吾

兄努力競爭弟當以東南回民誓爲後盾爲國爲教此其時矣倘蒙不棄葑菲有荷

見教之處卽祈

箴言錫我無不竭盡棉薄以遵吾

先聖爲教犧牲之大旨也臨穎依依神馳不禁除上書黎大總統暨國務院張總理洛陽吳巡帥保定曹巡帥迪化楊大帥外合肅蕪東恭頌

春祺諸維

心照

弟梁子章謹肅

◎甘肅馬三善人來函

公謹先生英鑑前後奉到

環函暨各省公民函電及請願書二十份足徵

達人作用固自不凡議員加增使他人不敢輕視吾族將來享萬世權利八千萬同人定不忘權輿所自也函電願書後當代爲搭配分送前日介紹丁君已將

先生原函寄去令其斟酌而行如渠捧函驅謁尙冀

先生之格外關垂也承

賜手書對聯已由郵局交到濡染大筆何淋漓懸之庭除實增光耀矣手此鳴謝卽頌

勛祺諸維

心炤不宣

馬元超奉狀春正念日

又來函

公謹先生英鑒請願書陳既爲當道諸公贊成必收美滿效果此吾族萬世之權利亦吾族同

集之視線也辰維

升祺日益履祉彌隆爲頌啓者茲有長安丁君鴻藻年少英銳亦同族中識時務人也稔聞先生請願當道志量不凡且大開門庭廣羅英雋知鄙人與

先生有撫摩之好求一械以爲先容鄙人念貴部雖有用人之權恐猝然無位置之地亦是難乎爲情故覆牋推諉二次來函云探得

先生確有用人權衡駐京辦公處有秘書書記等員組織偉大用人惟恐不及且

李公志向高超將來定非池中物也必求速爲去函推薦云云鄙人因同教之誼不能固絕特馳一械以爲介紹如

貴部有位置伊處祈

賜一函以當弓招鄙人再爲函告使以聽

指揮將來拾級而登階升寸進飲水思源彼必不忘

先生所賜也爲此代懇敬候

福晉卽頌

公安諸維

心炤不傾

馬元超再拜正月七號

甘肅馬軍門來函

公謹仁兄大人憲鑒夏歷三月十三日奉到

惠書聆種切并附寄各單片俱經收到

吳帥壽禮暨一切晉祝秩序備承吾

兄代爲辦理至周且詳感佩

高情難名寸楮此後遇有應行之事仍望

費神照拂爲禱所有此次寄各件弟已轉寄柱臣舍弟收閱并囑將

尊處代墊款項趕爲匯寄矣

舍弟

現駐紮隴南文縣碧口一帶但軍行前敵將來有無移動益

難預定弟現亦奉委前赴隴南查辦事件不日首途須三兩月勾留如吾

兄賜函請寄天水縣劉君轉交即可收到弟差竣旋省當另函佈

聞以免函遞參錯也專此鳴謝敬請

大安統希

恆照不備

弟馬國禮鞠躬 夏歷三月二十七日

●鄧縣回民全體情願書

呈爲呈請轉詳事本年三月十二日案奉鄧縣縣長訓令第六九五號內開爲令行事案據鄧縣勸學所所長王登賢教育會丁寅教育促進會孫清汝張基謙第一高小校長王文暹第二高小校長彭中祿乙種商校長何培儒農事試驗場長孫建遜苗圃長王之楫保衛團總李林彥公款局長張鴻盤商會長楊興儉呈稱緣同化學款由同教俱進會經收除皮行捐外以抽收屠宰項下爲大宗奈近年收數短少校用支絀現狀幾難維持前途愈覺危險經省視學查明爲確實之報告擬善後之辦法以故

廳令有將該款歸併款產經理處經管由勸學所補助之明文乃遷延未見實行整頓徒託空言致以索款清賑大起糾紛若不速爲解決恐無開校時日有誤學生光陰茲由職等公同議定擬將抽收屠宰一項仍照皮行捐包辦法以歷年之比較爲折衷之定數儘先由俱進會承辦交由款產存儲轉發該校如有不敷即由勸學所補助並與該會協商進行庶收款有固定之數而出款無濫支之虞既足昭大公於目前亦可弭訟端於日後爲此理合公懇鑒核准予施行等情據此合行令仰該會長立即遵照具覆核奪毋違切切此令等因奉此竊查回教俱進會創自民國二年奉有

北京回教總部定章通飭全國各縣俱宜設立回教俱進會支部由該會辦立學堂以促進回民之教育以發達回民之人材等情在案 敝會遂於是年春間招集回教文人多名款皆自籌不假外界時蘇前縣憲捐廉資助極力成全乃借山西會館地址開回教全體大會徵募勸導集贊興學復於回民屠宰項下作爲補助學款經費於是創立高初兩等學堂名曰同化私立學校曰同化明漢回子弟皆許入學無畛域之分曰私立明款出於已得以自由興辦他人勿得干預也立學數年甚見成效其畢業游學者甚不乏人但學子繁多學款尙不足用蒙崔前縣憲於回教屠捐外再行征收漢教牛捐又蒙韋前縣憲於回教皮行再爲籌款以補不足當時立案出示 敝會派員征收漢回相安並無異說統計開辦至今業已十年回民熱心賠墊約五千餘串自經歷任前縣長之維持至於今始敷常年之用詎勸學所所長王登賢等垂涎敝會學款捏稱校用支絀現狀難支擬將該款歸併款產經理處經理試思往年學款不足之時

敝會費無限之心血從未向該所乞助一文及至款有著落之際竟云由勸學所經管補助是不惟霸佔回教學款是直滅吾回教之種類何則無款不能興學無學不能教養子弟回族不學則漸漸消滅矣勸學所長是成何心哉至云索款清賬大起糾紛不知敝會或有賬項糾紛純係會中家事吾會並未報告該所該所又非行政機關亦不得越俎而謀至云開校無時有誤學生光陰不知敝會於前數日早已指定開校之期城關巷口俱有告白該所長又何依據憑空捏造總之以回教之款辦回教之學並未碍於勸學所該所長遇事挑釁無理阻撓吾鄧回民三千餘戶四萬餘人豈能任該所之攫取而不爲之理論哉伏乞

代表念同族之孤立造外界之忌妒若不設法挽回吾會從此泯沒矣所有本會學款爭存緣由理合懇請代表轉達河南教育廳長申飭鄧縣妥爲保護是卽回族得以甦生也謹呈
同部全權代表直魯豫巡閱使署諮議李
鄧縣回教俱進會支部

江西俱進會來函

李代表鑒疊奉

惠函協爭我族議員足徵

熱心欽羨之至敝部業已仰體

尊意發快郵致

大總統暨國務院參眾院據理力爭各省聞已繼續呈請加入此舉定必可孚衆望矣
賜函時請將

尊字示知以備時常通問是所至盼肅此敬請

台安順頌

公祈

同教俱進會贛支部公啓 夏十二月二十三日

上海回民全體情願書

衆 兩院諸位先生偉鑑竊以權利義務相對待乃立憲國之通例亦卽天演之公理乃我中華民國建國十有餘年號稱五族共和而國會爲人民代表最高機關而關於議員之分配漢滿固無論矣卽如蒙藏青海以及旅居國外之華僑皆有議員專額乃於回族獨付缺如查民國法律除刑事犯方能剝奪公權及外國僑民在中華民國不能與中華人民享有同等之權利外餘皆一律平等今乃於同隸於五色國旗下之國民限制若斯歧視若斯是直以刑事犯外

國僑民待我回族也揆之憲法國民一律平等權利五族共享之本旨豈不大相逕庭耶如以土地論則有回八部之廣以權位論則爵隆王公以人民論則有九千萬之衆以上三者以視蒙藏青海皆有過之無不及也若謂內部回族散居各省可以附隨各省選舉不知回族以飲食之故聯絡既少共同動作決難成功且以內蒙論大部蒙民皆隸屬於各特別區之各縣然於選舉並不附隨各縣普通之選舉蓋民俗既異情勢自不同也今幸

諸公未分畛域主持公道將鄙族請願列入臨字第三十二號仍望

諸公胞與爲懷一視同仁祈按蒙藏成例將鄙族請願早日表決以副憲法國民一律平等權利五族共享之本旨而彌十餘年之欠缺則鄙族幸甚民國幸甚

上海回族代表同叩

●李華來函

公謹仁兄大人青鑑弟前由熱赴京所上燕函諒達

典籤惟弟到京後未奉

還書以致拜謁無從由京返朝一切甫行就緒乃正欲修函忽抱採薪之憂輾轉床褥以致間

候久疏負罪良深前奉

琅函並請願等書捧讀之下欽佩莫名足見我

兄熱心公益不遺餘力近查國會改選有期我族請願實爲一髮千鈞之時稍縱即逝此次我兄所擬之請願書將各省回族會行通函者均行列入實爲得體亦誠有力惟我族請願此次得以列入臨字第三十二號者以弟思之並非文字之力實爲我

兄奔走聯絡之功耳此次國會改選有期正我同仁積極進行之候時機一錯我

兄十餘年奔走呼籲之勞卽行付於流水矣弟擬仍由我

兄分函同仁定期集京（如我兄以時機緊迫卽可逕邀同仁某日在京相會不必再候回音）

進謁國會團體各首領以便聯絡感情而期早達目的并擬分致國會議員請求增加回族議員專額懇求通過理由書一稿我

兄如以爲可卽祈斧正付印分布以促各議員之注意肅此敬請
教安

偉侯兄祈代致意

諸同仁均此問候

愚弟李華鞠躬

再現在辦事均以先事疏通爲主倘失此手續無論所請求者理由若何充足亦萬無成功之理故弟總以到京爲第一要義祈我

兄注意

●熱河回族公民代表來函

公謹仁兄大人鈞鑑前上燕函諒邀

青及茲特啓者前弟所上兩院請願書所列代表係弟與王均（號子衡）二人之名而此次我

兄所上之總請願謬蒙我

兄不棄將弟列於熱河代表之內而將王均漏却（想係伊未曾常與我兄通信故易忘却耳）並加入王式祖等三人於熱河代表之內此項請願一到熱河王子衡見之即行大起疑心以兄漏列伊名謾弟所使手段別有私心並云王式祖等三人得以列入熱河代表之內者係由弟手賄買而來且激同仁意存反對我

兄此次總請願熱河代表漏列王子衡固以王子衡素與我

兄少有往來函件以致忘却至於添列王式祖弟則不知我

兄添此三人意在虛張聲勢耶仰該三人亦係熱河別縣之人曾與我

兄另有接洽耶以上各節視我

兄逕函王子衡以釋其疑而免別生意見則弟感激無地矣再我

兄對於此事奔走呼號十有餘年在此一髮千鈞時邀集同仁集京（人數不必非多不可）實爲第一關鍵一則藉以接洽國會團體各首領以資聯絡感情以免功虧一簣一則藉此以示限制將來我

兄對於同仁亦易安置不然對國會惟恐功敗垂成對於同仁惟恐功成之日我

兄卽爲衆矢之的此我族之習氣然也以上各節惟祈我

兄注意肅此鵠候

回示敬請

道安

偉侯兄以及諸同仁均所致意

愚弟 李華鞠躬

●喇品貴來函

公謹仁兄惠鑒昨奉

手書電催追加議員要件弟即遵

命照辦一所幸今日少翰業已晉省聞二十五六日返涼

尊扎各節應由弟先行告知值此入審查會審查之際正一髮千鈞之時如能聯絡各鎮拍電催請想能達到目的也尤望我

兄接信後再由洛電請少翰更爲妥當再馬鍾麟會長對於弟此次進行各事莫不竭盡心力贊助樂成茲聞

蕭帥與

兄交好如能與鍾麟請一兩湖巡閱使署諮議不僅榮光甘人且於以後應辦各事實有種種便利之處至前囑

丁靜菴帶呈請委名單務祈從速辦理寄至爲盼前屢函請馬鍾麟劉永鳳馬名驥康克勳等

保獎可否准出祈

兄尤要維持萬望玉成最好以上諸君係對於大選暨追加議員兩大端熱心出力之人是以屢函懇催原爲酬報起見尙祈

電鑒辦理不勝盼禱之至肅此敬請

公安立候

佳音

教弟 喇品貴鞠躬 全日十五日

●固始回族公民來函

公翁先生鈞鑒久仰

山斗

熱心宗教慮回族勢孤力弱托足不易

躬膺回部全權代表南爭北交舌戰參衆兩院掙得加添回部議員已蒙

大總統核准吾回族同受時雨春風非

我公一人之力耶樹千載不頹之基立萬世不朽之名不特中外回族所傾即各友族亦無不

欽佩而巨擘之也對國家担當大任對宗族護教保產自回族入華千百餘年
我公可謂空前絕後之第一偉人也敝邑西寺窻遭迫扒輿訟在省業經年餘不特恥未昭雪
而且敗至不堪日前丁君函達同人內稱業已到洛投奔特懇
我公力爭幸

蒙俯准敝邑回族童叟靡不均爲頂禮膜拜而感祝之也故此寸箋鳴謝並再泣懇
我公鼎力維持以雪教史奇辱非特敝邑宗族感德全國回族均受惠矣專肅祇頌
勛綏

教末

馬德明 王炳元
張晉綸 馬志彬
穆鑑 呂春圃
陳家泰 丁天昌
穆人亮 陳文煥
陳家珍 蔣華謙
馬志鈺 陳希賢
丁復本 丁天恆
馬志邦 丁燮昌

全鞠躬

●國務院批

逕復者

來牘閱悉所請於憲法中增補回族專額議員條文一節事關立法請
逕向國會請願可也此頌

公綏

●河南周口回族公民來電

呈參衆兩院代電稿

衆兩院鈞鑒竊維國體既爲共和名實要貴相符溯自辛亥改革以還既以五族共和名義定
爲中華民國矣是大中華大支那之錦繡河山炎黃世胄經一般偉人之冒鎗彈蹈斧鉞流血
革命將四千餘年之專制國體一變而爲五族共和其豐功盛烈信不在華盛頓下也惟是一
般偉人所肇造者爲漢滿蒙回藏五族之共和乃何以遽以臨時約法倉猝草創不甚完全之
故竟爾因陋就簡漫不加察致使列議院之林者謹有漢滿蒙藏而回族一部獨致遺漏缺憾
則今日之國體直可謂爲漢滿蒙藏之民主國而不得謂爲五族共和也不惟失諸偉人締造
改革之初心而并背五族共和之本旨矣何言之謂中華而非民主國耶已明之張五族共和

張紹曾啓 四月二十三日

之旗幟矣漢滿蒙藏已均規定有議員名額矣謂中華而確爲民主國耶夫天下事有其名須有實有其實始副其名今國體改定爲五族共和矣何以列議員之席者僅有漢滿蒙藏而同族一部獨付缺如國體而不爲共和也斯已耳共和而不爲五族也斯已耳國體改爲共和共和改爲五族乃何以漢滿蒙藏皆有選舉獨回族一部議員缺席顧名思議縱不恤世界文明家之嘲笑獨不爲國體循名核實計乎若謂內地回教應附各省漢人之內而新疆回族八部人民居大多數當然與漢滿蒙藏等量齊觀不宜有所軒輊焉不然吾竊幸回族之程度高尚自命不凡不屑屑彼輩搗亂之事回族而果若彼輩之起爲內亂者試爲閉目以思其人民之多寡幅員之廣狹勢力範圍之大小強弱其能爲國家增患與否不待智者而後知也耶等不才以爲國家而不思弭亂也則已不願國體也則已不欲實行共和也則已國家而果思弭亂果願國體果欲實行共和則宜急起直追將元年草創之約章遺漏回族一部議員名額之組織者于完全憲法中修正而增補之使我大中華之民主國實行五族共和實行一律平等納入荒於斗室聚五族於一堂庶不負諸偉人當日推翻專制建設共和之苦衷則共和國體之手續完全美滿而無憾矣爲此呈請伏冀

垂察倘蒙

採納則回部幸甚五族幸甚共和國體幸甚豫東周口鎮清真教育總會會長兼國民代表丁殿鄧范槐堂叩東

●河南周口回族公民來函

公謹先生大鑒昨奉

惠寄印件祇悉

先生領袖提倡繼續進行務冀達到我族加入議員名額務使五族共和完全實現不惟爲我回族一部之幸卽於今日五族共和之國體造福非淺鮮也茲已續向 參衆兩院上快郵代電一牘當於東日寄發原稿抄呈統祈

鑒核南鴻多便尙希

時錫教言俾資遵循嗣後有何

新猷并望

賜示無任翹盼專此奉布祇頌

台安并賀

春禧諸維

愛照不宣

丁殿邦 謹啓二月二日
范槐堂

●尹督辦來電

舊府門李公謹張岐山兄均鑒頃聞王君志軒事經兄辦有成效恐事久生變乞兄急力進行務底於成是所盼禱費神處容謝汝南尹之鑒叩

●高參議電

九府門李公謹玉帥刪晨抵洛

●直隸回族公民來函

敬啓者接到來件已悉一切

諸君熱心公益爲我回族力爭人格誠堪欣佩 芬雖不敏願隨其後惟以京師乃請願之地消息不可不靈急須安派專員接洽一切並在報紙新聞之上盡力鼓吹較之專恃電信往返易收效果尙望

執事諸君子此加以注意是否有當靜候裁示此上

全權代表諸君公鑒

直隸代表敬蘭穆瑞芬上

●直隸蘆龍縣公函

逕覆者昨奉

傳畢承

示提爭我族議員一本捧讀謹悉不勝欽佩自民國肇始五族共和漢滿蒙藏回我回族本屬一份子繩之國憲應有議員額卽關於我族興利除弊之事實亦不可少也 詳留意於此事者已久所苦職守羈身有志未逮今幸

貴處籌有端倪或調查選舉或代表公推請卽

賜知詳情愿義務自備聯和各處積極進行免竭護線之才以從

諸君之後倘有經費不足必須補助之處 詳亦愿首先提唱各處勸募務期達到我族參與國政目的則肇福於我教無彊矣望

諸公提議振我民聲氣爭我族權利匪獨 詳一人感佩凡我教中人均應額手相慶也查直隸

第二區永遵除樂亭撫甯兩縣向無我族其餘八縣約有教民三十處之譜大部二百餘戶小部三四十戶不等約計不過二千戶之多有似辰星散處戶內財產萬元以上者十分之一五百元以上者三分之二當選資格更屬寥寥如

嘉謀鴻猷早臻厥成不勝盼禱之至肅此奉覆敬頌

公安伏乞

垂鑒此覆

回部全權代表辦公處

名正肅 十二月二十四日

直隸盧龍縣哈占祥代表全縣回民公啓

◎甘省易督問題回部全權代表條陳大總統國務總理原文

大總統
國務總理

鈞鑒五族共和原爲民國建國之精神民國義務五族共進之民國權力亦當五族共

享之既爲五族一家各當屏除私見共濟大同令竟發生陸洪濤等爲一己之私致電中央各

處破壞種族之感情畫出種族之畛域仇視回族之行爲禍亂國家之公法激起回族之公憤

牽動國家之全局實屬法律之不容讐如同治六九年間陝甘漢族官民仇視回族不得已回族以惡感對待激起軍務十有餘年以致生靈塗炭人民將校死之不計其數勞兵傷財費盡苦志終無效果層層殘局言之痛心後經左中堂安民甘省收戈投效回族造福甘陝回族念左苦心息戰從成現下回族統兵大員新甘林立實屬西北之屏障倘有意外較前更甚共和以來本有他項機關侵奪回族公權回族抱定道德含容不發民國至今各無異志忠心體國鞏固國基衛護中央之誠共所見聞未有忠貞愛國過於回族者然則我回族自唐世之時始入中原星旗羅列佈散天下爲官者忠心保國爲民者恪守清真並無越理犯分之行爲總有越理犯之人自有國法之不容何得蓋以惡回鄙之何得蓋以強回論之詩有美善刺惡書有彰善殫惡善者善惡者惡善惡不異乞懇

仁明

總統總理存其仁厚之德以安回族之心免滋別端我

公大義炳若日星造福五族用人行政一秉大公故吾國人無不景仰孟子云當今之世舍我其誰以爲我公頌之謙爲國家計謙爲大局計謙爲人民計不得不爲我公告也謙也不才忝

作同王代表兼之學識淺陋實不足與謀大事惟南北統一速成建國之真精神乃謙寤寐所渴望也因此遣人南下函電交馳勸告南方期謀統一出民水火國家前途爲無量祝肅此敬稟伏乞

大總統國務總理鑒核施行

李謙謹呈

◎桐柏縣回族公民來函

敬啓者頃奉來函所示一切阿衡馬忠堂首人王樹增等即邀同人在清真寺具請願書一份已由郵遞呈衆議院茲特所具請願書稿抄呈

鑒核至翌日投票時 閣下指定合格人員早日來函開具名目以便投票選舉免有差誤此致

總代表李先生壽及

桐柏縣阿衡馬忠堂 固縣鎮阿衡陳嵩山

桐柏縣清真寺首人 王樹增 丁文斗 丁全恆 徐天富 刁長順

李鳴鐸 王鳳翥 擺長有

◎附桐柏縣穆民全體呈衆議院陳請書 民國十三年元月二十九日

呈爲公懇依法規定回部議員名額以昭公允事竊維中華民國實漢滿蒙回藏五族公共合成義務權利自當同盡同享方與國體名義相符庶無向隅偏異之憾今民國成立已十三年矣回族議員尙無專額之規定衡以平等待遇之義似有未合溯自我國約法成於改革倉猝之時顧此失彼調查難周故對於回族議員之規定一時疏漏現已大選告成憲法公佈五族議員倘再缺一民意既不完善民國精神亦限之缺陷中國前途何堪設想茲 敝族總代表李謙及各省區代表等迭具請願書已蒙貴院列入審察會臨字三十二號尙未實行表決穆民等亟應據理呈請公懇 貴院主持公道對於國會組織法或修正或追加務希添入回部議員若干名額以示大同而維全局不勝感激之至謹呈

◎江北回族公民來函

敬啓者物不平則鳴事不公則爭自然之理無容諱者也共和行政肇自姬公五族一家始於民國誠大同之盛軌振古之難能今漢滿蒙回藏地勢迥殊政教各異必欲通其聲氣審其情

形端賴各族人民選舉代表置身議席不惟以昭平允方足以察好惡之公十二年來獨於吾回族不克選舉殊背共和之義致貽外人之羞國旗飄揚可哂孰甚茲讀郵寄刷印宣言以及前後請願文件於事實法理粲然備列毫無遺議而不能挽回此固百思未得其解或者吾以回族只可動以虛聲而難見諸事實果存此心辱莫大焉我公爲吾回族總代表萬里跋涉艱苦備嘗饑餒而不捨不得不休性情卓越義氣干雲爲吾數千萬穆民爭權利爲大千世界存公理人心不泯自能達到目的倘若故意遷延冀其軟化我回族唯有再接再厲以與此事相終始文芳等伏處清江關懷人格但願一簣之功早就庶幾畢生之意得伸除函達南京回教聯合會外爲此備函肅請鑒核此致

洛陽回部全權代表李

金漢臣

脫香武

清江回教聯合會支部代表

蓋文芳

同啓

于巨川

左文章

●豫西回民代表請願書

請願人豫西回民代表李忠仁姚繼虞梁維藩等籍貫年齡住所職業不等爲國會不完民意難伸懇請議增員額以固國本而昭公允事竊以專制時代政治不良種族階級律無平等故革命時藉爲口實羣以除弊爲目的也清室有鑒於茲遜位還政改建共和約法條文彰明較著爾時國會組織諸不完全議員缺額民意鬱積而不以能自伸者已十有三年矣查我共和國體無分畛域回族人民亦享自由之特權即各負國家之責任惟國會議員各族俱有專額回族議員竟至缺席以故十三年來關於回民之建議案無幾關於回民之通過案無幾關於回民之批准施行案更無幾以一萬萬之回民而國會中曾鮮代表議案諸付缺如即此一大缺點爲回族人民所不平也然而國體爲五族共和國會成立實祇四族議員寶鑒既破趙璧不完又嘖嘖於外人之口矣况民國之主權在國會國會之組織在議員各族議員代表各族之民意而後上下相通各無阻隔所謂由人民而成團體而成國家者也我國國會缺一部分之議員即缺一部分之民意缺一部分之民意即不成爲完全之國會由國會而思國家其眞共和也耶其非共和也耶其果五族共和而其實爲四族共和也耶凡在智者皆知其

名實之不符矣現回族人民真正意旨十餘年來未及宣洩所有大利大弊諸待興除似此增加議員專額在所難緩回八部代表李謙既陳請於前各省回族公民又籲懇於後忠仁等忝列回族亦屬民國分子冒昧不揣謹代表豫西各處回民匍匐陳請依法邀求伏維貴院諸公鑒核議決准如所請則國會收完全之效果回族獲平等之待遇豫西公民其感戴爲靡涯矣謹請

衆議院國務院鈞鑒

李忠仁 姚繼虞 金煥南 梁維藩 買全仁
豫西回民代表 金友蘭 孫學易 孫延恩 買棟梁 馬河圖

馬之騏 李步衢 馬步瀛 李青坡 張景岐

●景德鎮回族公民來函

李大人台前敬肅者竊景德鎮清真寺於前清乾隆二十一年在小港嘴地方憑中價買園地頃以爲旅鎮回民營葬之地憑契管業（未稅白契）歷久無異詎今突有利用火磚公司欲在該處建設窯廠不論該處有主無主之業一概指作官荒任意插簽寺內公產必難保守業

經旅鎮回教商民呈請地方官維持保護並報告南昌回教俱進會外乃官廳意存觀望而該公司猶虎視眈眈誠恐將來演成事實則旅鎮回民死無葬地矣合亟仰我

公函致

江西蔡督理轉飭浮梁縣嚴爲保護庶無後慮事關公益公產必蒙

俯如所請也不勝叩禱之至專肅順請

鈞安立盼

示覆

白恆俊 吳正道 吳天錫 馬煥 馬德全 劉益哉

旅景鎮回教商民 吳松年 梁柱丞 吳天爵 韓慶如 吳正國 劉明亮 等全鞠躬

馬隆漢 吳天申 白吉人 馬榮魁 吳天章 吳玉珊

●河南周口回族公民來函

公謹先生鈞鑒前蒙畢諭鼓吹教民捧讀之下不勝欣感當與袁誠齋阿衡邀丁仁輔李亦瞻

二君同衆親友宣傳閣下救世苦心無不鼓掌讚頌去臘聯名呈稟各機關 鄙等久欲奔赴洛陽省觀

光彩適逢舍姪孫廷襄回口表揚

大人功德乃知吾教有人中國幸福也竊思大世界替 主化世小世界代

主治世治世者內包乎外化世者外包於內外包內可以象推內包外難以理窮則人貴於天可知吾於

先生有感焉 公抱悲天憫人之志存濟世利衆之心涉水登山納交賢士卑躬折節聯絡英豪不知費了多少精神嘔出無算心血閱盡世味歷徧人情每被仇讎之譖訴迭遭宵小之擠排心七陽而全赤志百折而不同則知大世界化世而滿天之機樞在

主小世界治世而萬事之運用由人至誠感格呼吸通靈回族生色依此門徑將見興旺宗教光昌穆民 至聖以下千載一人鄙人碌碌一世毫無寸長只知聞風仰慕逢人頌揚聊表敬誼於萬一願

先生貴壽而無疆肅此敬請

勳安并請

諸位親友同吉

龐嵩峯先生祈代候 贊臣附筆致候

愚治弟 穆東陽鞠躬

●河南陳州教長來函

公翁老哥偉鑒今晨晤

教快甚 弟已將請客辦法轉陳

巡帥茲奉上知單各件望祈

分別轉送并飭廚役早來備辦一切爲叩屢勞

清神無任感謝專肅敬頌

晚安諸維

弟白雲陞拜啓

心照不宣

●甘肅回族公民請願書

呈爲呈請依法追加回族議員以免向隅而昭公平事竊維民國新造五族共和權利平等毫

不偏私以漢滿蒙藏皆有國會議員之專額而獨於同部議員竟付闕如推原其故實由我國約法成於革命倉卒之時調查既未周詳規定因之疏漏以故全權代表李謙暨各省同支部公民等屢電協爭在案茲際憲法公布之時理宜依法呈請追加俾國會有正貢之民意回族無向隅之怨言共和國體庶乎完全之矣謹呈

同部全權代表李

甘肅回族公民

周忠德 郭長春 陳鈞銀 馬達伯 何尙廉
馬尙智 馬統瑞 馬鳴鑾 馬維麟 王毓麟
馬蔚文 馬積財 蔣福全 藍玉文 祁福祿
馬裕麟 喇生彥 蘇有祿 崔玉鏡 綰應祥
馬鍾麟 馬全祿 趙玉良 鄭玉生 劉眉海
喇品貴 曹希堯 張如麟 馬剛海 祁吉祥
康克勤 徐理堂 馬選魁 丁義山 趙逢恩
馬登雲 劉應鳳 王如榮 屈如鏡 馬漢卿
劉應鳳 何振聲 馬如彪 郭福祥 馬侯德
馬有智 羅之彥 李錫五 馬勛伯 馬伏仁
丁元杰 宿靈章 馬東龍 周俊 馬仁

等叩

中華民國 拾貳年 拾月 日

馬承德 馬鳴義 馬世先 張玉明 黃鑑 馬如海 馬萬成 馬秉彝 馬鍾音
康通文 王福 海德魁 馬鳴駒 馬榮華 馬子清 戴占魁 馬鎮乾 馬永遠
馬靈義 馬世慶 馬如驥 張生祥 馬玉龍 馬龍彪 馬承鳴 馬南軒 哈星橋
馬雲海 李學仁 馬雲卿 馬明鏡 馬德林 王世相 馬連陞 韓仲魁 馬仲貴
吳學義 藍玉田 馬正卿 趙玉祥 包作林 馬玉佩 馬忠義 馬國梁 喇良貴
馬選林 崔義鏡 馬先智 張雲五 馬行之 馬梅承 馬忠選 藍文元 陳忠德
陳景春 馬傑 馬德 馬鳳亭 拜有德 靠仲魁 達福榮 馬士忠 馬榮
馬通 馬鳴德 喇文元 蘇春花 馬彥仁 馬世賢 馬仁 張學文 馬良成
丁益三 馬鳳鳴 馬世俊 馬如意 張學義 林世傑 崔正卿 馬永福 牛允
馬賢生 王華亭 吳學廉 文如意 馬漢公 齊完全 陳魁 傳建合 張德榮
瞿鴻魁 馬登第 馬鳳誠 陳世傑 林從文 朱顯斌 穆增榮 馬騰麟 馬正龍
梁萬有 歐陽仁 馬成文 陳登鏡 劉文瑞 黃士麟 王天申 馬鳴池 把有魁
范芸溪 張有材 馬雲峯 馬榮 馬建章 陳善 馬友功 馬世祥 馬壽山
馬秉良 脫效先 薛長生 馬長清 馬世珍 馬玉山 陳漢三 馬永泰 潘瀛
馬靜山 梁昌熾 魯延林 馬維卿 馬建威 文華國 高萬彪 鴻吉太 馬炳琨
馬步瀛 海文彪 海永晏 孔福祿 馬功德 馬勛功 孫希真 張素珍 高錦文

林振隆 王林 王士玉 范世傑 馬生彥 裴俊傑 鄧承毅 周玉卿 馬國良
徐炯 張慶珍 石聚瑚 韓占福 馬永福 馬維駿 張友先 馬念祖 孫家政
馬玉 馬有功 馬顯良 高尙俊 劉念義 李義 王毓忠 馬斌 馬玉貴
魏世賢 方森元 馬明德 汪萬泉 馬作舟 馬顯明 馬麟 張永孝 馬文耀
陳寶光 馬虎臣 馬應承

甘肅回族公民

馬鳴驥 馬蔚文 哈永森 馬鐘麟 喇品貴 康克勤 馬登雲 周忠德 馬有智

馬毓瑞 馬積財 馬應鳳 喇生彥 馬得福 馬全祿 喇希堯 曹修武 徐理堂 劉世臣 何振聲 宿之彥 馬尙智 羅憲章 馬明福
陳鈞德 海長晏 馬鳴全 蔣福鈺 蘇有祿 馬得祿 趙玉麟 張如麟 馬選榮 王如作 馬如彪 李錫五 馬東如 馬尉龍
馬達伯 王鳴珥 馬維麟 藍玉文 崔仁鏡 馬玉良 鄭剛生 馬如海 丁義山 古明道 屈如鏡 祁福祥 馬勤伯 郭俊
何尙廉 王成義 馬福祿 祁福祿 綰應祥 馬眉海 劉祥俊 蔣逢恩 趙鏞亨 馬漢卿 馬候傑 閔伏祥 馬尙仁

●陝西回族公民來函

公謹總代表大人鈞鑒夙仰

光儀未親

德教頃披佈告備荷

注存辱

華函之遠頒增燕懷之慚感卽維

履祺佳勝定符頌臆等忝屬教末常懷觀天據管見之所及關於回族重大事件可邀求者（

一）卽回族專設議員（二）追還陝回原產茲二要件常繁寤寐不期代表先得我心請求將

有成效等雖羈驚乏材有不附

驥尾而追隨乎謹於參衆各院迭呈請願書三份想係螢火之微未能煥日月之光不過略事

敷衍備數列名而已原稿附寄不置

大雅一哂茲請

春祺統希

垂誓不宣代候

名正肅

辦公處諸君均好

●湖北清真寺來函

北京李公謹先生鑒漢口寺產被徐姓霸佔不候法庭審理強拆寺屋激動公憤業經敝會電呈中央暨本省長官法庭伸訴并電各省清真寺回教團體共同維護素仰先生德高望重特將各電稿寄請察閱務懇就京代陳大總統暨電洛陽吳巡帥電致蕭省長請其迅飭漢口地方審判廳依照寺產印據速予審理并將徐恕拆毀寺產治以應得之罪責令賠償損失以保公產而維族誼稍緩數日仍應公推鐵子祿君晉京領教藉伸謝悃統乞垂照示復是感漢族鄂回教禮拜寺保產會鐵子祿孔子才徐炎魏質彬金世和馬光啓丁巨卿洪卿裔丁鑑亭鐵子成賽筱珊余子宋同叩

旅鄂回教禮拜寺保產會

●漢口清真寺來電

北京天津濟南西安太原開封瀋陽蘭州新疆上海蘇州杭州南京安慶鎮江蕪湖南昌九江成都重慶長沙常德寶慶各清真寺俱進會聯合會各回教團體各報館公鑒漢口大夾街回

教禮拜寺公產管業二百餘年契據確鑿有街鄰徐恕突然霸佔經本寺向夏口地方審判廳訴訟奉批候審查核辦乃徐恕不候審查帶領多人強將本寺牆屋拆毀硬將寺產佔據欺負回族野蠻達於極點除向法庭請求審理外特電請尊處鑒察俯念回教公產具有回族公權電致夏口地審廳迅即傳訊並治徐恕應得之罪賠償寺產損失以保回族而彰公理仍乞電示不勝感禱旅鄂回教禮拜寺保產會鐵子祿孔子才徐炎魏質彬金世和馬光啓丁巨卿洪卿裔丁鑑亭鐵子成賽筱珊余子宋暨旅鄂回教七千五百人同叩

北京大總統國務院司法部大理院鈞鑒漢口大夾街禮拜寺公產云云同上特電請大總統鈞院鈞部鑒察俯念回教公產云云同上同叩

洛陽吳巡帥武昌巡閱使督軍省長高等審判廳鈞鑒漢口大夾街回教禮拜寺公產云云同上特電請巡帥鈞長鈞廳鑒察俯念回教公產云云同上同叩

●錢福林來函

公兄惠鑒前奉洛電委弟親去面懇一切聞不在洛故此遲遲約定廿九日禮拜四北上先到鄭汴後至保京昨日快電政府國會洛吳公舉予長潤生及兄台矣手此順頌

勛安

教愚弟錢福林頓首

●蕪湖回族公民來函

逕啓者頃接來件敬悉種切查約法載明中華民國由五族組織而成我回族既係担負義務利權應與彼族同等享受何獨我回族八部無代議士哉此次諸公爲回人爭公權爲子孫造永福愛國愛教殊深欽感還希毅力力爭非達目的不止嗣後關於此項請願可將鄙等列入安徽請願者之內端此佈達敬頌

籌祉

劉彭年 馬維鈞 宛振鏞 同啓 一月廿四日

●吳巡帥來函

公謹仁兄偉鑒驛柳搖青龍桐舒碧每懷雅教正切遐思猥以賤辰辱膺

寵錫臨風拜手承

惠銘心邇維

鼎座崇庥

履端篤祐

奇輝在望翹祝彌殷弟忝領師干愧疎籌策數年華於大衍學易未能慨時局之多艱稱觴豈敢乃荷

瓊瑤遠賁益徵

高誼之照人惟慚歲月虛拋尙冀周行之示我過蒙

厚愛肅佈謝忱敬請

勛安並頌

潭祉諸希

亮警

愚弟吳佩孚敬啓

●隴縣署來函

公謹仁哥左右昨奉

雲箋恍同晤對臨風展誦佩慰莫名回族一部應有額定議員列入憲典以符國體而昭平等無論法律事實均爲名正言順此舉若成關係綦鉅千載一時稍縱卽逝務祈積極進行急起直追非達完全目的不可第一官袍繫萬念灰冷忽聆

蓋籌頓開茅塞頃有張瑞霖兄係屬至交熱心宗教曾在甘肅屢充中級軍官現擬乞假歸里道出敝邑因渠素仰

仁風以未識荆爲憾特走箋作介他日到東趨謁

台階諒不難一見如故也肅此佈臆敬頌籌祺諸維

愛照不備

如弟海靖再拜十一日

●李省長來函

敬啓者庚癸頻呼甲兵未洗風塵軼掌未遂迎養之私慈訓頻頒屢戒稱觴之舉迺荷籌添海屋

頌衍箕嘯

雲錦輝煌儀以多而畢備

星軺迢遞道雖遠而不遺

錫類靡涯銘心曷既濟臣巡行部屋慚子職之多虧未奉板輿念母心而莫慰隆儀下貺深懼卻之不恭親訓難違益覺受而滋愧私衷輻結寢饋難安惟有浣露三薰永貯

琬琰之句臨風百拜應吟桃李之詩專肅鳴謝祇請

勳安伏惟

垂鑒

李濟臣謹啓

●喇品貴來函

公謹仁兄惠鑒敬啓者昨閱京訊知

曹帥選定總統誠以我國主坐得人從此南北可望統一邦基可望奠安國利民福歡幸無量未悉此刻內閣如何組織軍事如何計畫部內京外各人員如何陞遣公餘之時祈請示我一聞不勝盼禱之至惟此次對於選舉

公力居多功在桑梓義著國家水源木本感激何極肅此敬請勳安佇候

大教閣臣軍帥已於菊月初七日晉省又附片一紙

教弟喇品貴鞠躬

附啓者現在我

兄功已成就水源木本令人感激之至茲際組織內閣陞遣省外人員之時想大總統必有最

優酬報切祝切祝至弟株守梓里毫無善述惟欣我

兄愛弟有素望祈

關照一二感德莫名再有敝契友劉(秘書)應鳳(甘肅省議會第二屆議員伏高級師範專門畢業)曾在導河縣鳳林高等小學校校長盡義務四年以上者馬鐘麟(甘肅督軍省長公署諮議回教促進會代理會長)康克勳(辦事員)(前甯海鎮守使第二路第七營營副)馬登雲(參議)(前督軍公署參事)如有佳遇賜一相當職務 推荐一差務不勝企望之至肅附 以後如有要事請直接函電切要

順呈各寺道謝名片五張

丁 二公已到省城俟與

馬閣臣軍帥接洽後由甯夏返洛

馬玉卿亦不日晉省馬少翰家慈已於陰九月一日逝世矣請專函問候

又

公謹仁兄大人鈞鑒昨奉

華鑑並公啓千份讀之令人忿恨當即送寄省議會各界並外鎮各要人各坊寺以及新省議會各同人教長以便廣聞而釋誤會我

兄急公忘私數年以來爲國爲教耗盡滿腔心血天人共鑒不難水落石出吾

兄明達祈勿過於介懷也茲同馬愚喬觀察等商定由甘回族公民擬文謹上

大總統 吳巡帥辯正以杜將來再起物議至郭福金等五人事尤冀

設法玉成不勝盼禱之至專此佈復祇候

公綏並請

端大人

劉將軍

喬大人 勛安恕未另

傅大人

丁大人

同部公牘

教弟喇品貴聯躬

●北京回族公民來函

公謹執事偉鑒久欽鴻範時切懷慕憶自漢皋分袂行將一載高論存耳今尚懷惜以教務羈身不克魚雁往還以通款曲抱歉奚似迺者王君景三由沙至漢便中道及執事種種宏猷深爲吾教前途大放光明暉添居教長除對於教中勸禁職司外毫未與聞宗教發展事業以故我國阿衡只知守舊不識革新相沿至今尙守閉關主義宗教範圍日趨狹小而外界解放之聲浪日高吾教之道路愈形黑暗宗教頹弱至此已極若不亟起維繫以謀自衛今後何堪設法想自衛之法總不外乎結合鞏固團體以羣力謀公共之幸福而後宗教始可發展幸有執事出任代表聞對於議員加入國會業已數次請願積極進行不遺餘力如果目的達到務須先行提倡學校另培人才以在社會服務不受排擠而後方可言宗教之改革與維持邇來國政日新五族共和徒有其名趁此約法修正之期提交國會取決否則將來立爲成案則辦理庶不易矣暉數十年來素負大志不意

執事出而伍之深爲意料之所不及也今因王君取道之便聊抒數語尙希教我是盼此頌冬綏

弟穆興暉拜緘 全月廿四日勸

●溫州回族公民來函

大悟德李公先生鈞鑒頃奉

佈告並前請願書一份拜讀之餘欣悉吾公熱忱始終不渝定藉

眞主相助以顯光榮也據云回部總代表及各省代表彙集請願書已承國會議員五位介紹審查合格列入臨字三十二號想表決有日不勝感佩之至敝方穆民等公同討論既經列入臨字三十二號自當靜候表決毋須催促承

尊囑速向國務院請願促早加入回族議員因此敝方難以計決故特飛函請示究竟以請願與否應何辦法乞請詳示俾便遵行是所至盼敬請

公安並詢

年禧

溫州穆民代表

張錫珩 陳傑

張昱 陳祖武 仝敬啓

張錫琮 陳東來

●浙江回族公民來函

公謹大人鈞鑒素悉

回部公牘

仁風彰著四海令名威震華夏提倡教門拔取人材熱心公益創辦義舉實爲貴聖功人今世英傑況位重要機關爲

聖闡道爲教增光兼以五功常行天命遵守既取

主聖欣喜故未識 判而僅聞

盛名者無不感贊頌揚是以鄙人望餘光者亦有年矣但不悉何時能從侍

几席躬領 教益指謬入正以得真道則兩世有光恩德無量鄙任周濱教職數載今歲幸閱

繪竹題意高超足見志氣遠大庸夫不及是其領受不能一致所爭喧教議員事諸多勞費

清神假 先生大德始蒙批准開回教權利之路幸福之門今歲秋曾與敝校總學董丁仁輔

等備文呈請諒 先生熟悉故前日公文到敝縣時鄙人即邀十七方衆位執事同至寒舍商

議進行方針並宣傳 先生如何費神大衆無不頌揚歡迎極表同情如公文備妥時直寄

兩院或先寄尊處至於資力補助如何辦法請速示悉以便着手進行速求加入敝人厚望寥

寥數語奚敢言當恭祈裁指幸甚幸甚謹此奉聞敬請

公綏並候

名另肅

速示

浙江永嘉縣木杓巷清真寺

吾懋眞

主尊名沾吉貧民以臘喜默于廣西桂林縣同民男女一總望在同部總代表大悟德

李公謹先生上道安於望在虔誠熱心相柱同部總代表的諸位先生上道安意俄們祈 主

準誠諸君的意思升高諸位的品級 敬啓者因代表的增加議員書到至吾俄們知悉卑處

回民無不甚喜然後公議皆愿在參衆兩院之內爭加議員俄們寫一呈稟如同代表上稟之

文意呈到

大總統與參衆兩院俄們止望眞 主相柱巴事情敬成全 祈 主恩賜汝衆多多也此信

二月初五日寄 然後俄們止望此事成全即賜回示

●鎮江回族公民來函

敬啓者竊敝會于民國五年價買鎮江商團操場西首寶蓋山下張元平祖遺民基地二畝五分(並交下乾隆四十八年老印契一紙道光年間糧串多張)擬辦清真公學一所以補我敎學校(原有男女學校四處)之不足彼時因該地搭有客民草屋多間一時難以讓清故未

將該地交于敝會收執當憑中保人繕立讓期交地契約一紙准以六年六月爲限嗣因張元平或外出或染恙及因訟在押未幾病故種種困難以致稽遲多年仍未能收執迨至去歲秋間敝會忍無可忍即公推代表赴縣署起訴蒙庭訊諭令已故張元平之子長生偕同中保從速交地並飭法警嚴厲驅逐各草屋在案比及丹徒地方廳成立縣署將案移交審廳迭訊數次均依原判執行並無絲毫異議詎該地上住有駐鎮第十九師之兵士多家恃軍人爲護符從中作梗大肆陰謀外以鼓動保墓局之劣董誣指義地內以哀懇該師部之執法官王壽萱假師長楊君春普之名義出而干涉以圖鳩佔之計該師長竟貿然不察于陰歷三月二十二日審廳已認此案爲辯論終結之期忽投一指鹿爲馬之函於審廳審廳畏軍閥之專橫祇得惟命是聽翌日即推翻原判是良好之結果爲軍閥之一言竟變爲失敗之訴訟矣凡有血氣者聞之莫不髮指伏思敝會執此確鑿之契據並負納稅完糧之義務而爲興學所購之地不能收爲已有能不痛心敝會自知能力薄弱不得不遠出呼籲以求將伯之助因思

先生爲吾教全權代表當然爲吾教保障敝會遭此外侮望俯念吾教有痛癢相關之義可函致該師長楊君春普請其取銷審廳之前函不加干涉則收地庶有希幾之望昨日雖敝會向地方廳提起不服之上訴若無實力以疏通師部恐此番之訴訟仍然難收效果爲此萬不獲已將購地及訴訟經過之事實特函奉懇此致

回教全權代表

李大先生

電鑒并候

示覆

回教聯合會鎮江部公啓

廣東回族公民來函

敬啓者頃讀

還雲欣慰

執事對於增加議員一事弗遺餘力足見爲

聖爭榮爲教生色託靠

眞主慈憫必達美滿目的吾教中有楊映號蔭村安徽人學識淵宏教們的實前充福建壽寧縣知事爲教奔走有年與當世人物時有接洽此次來粵向孫政府磋商時局大約不久有北

上之行九江(江西省)城內清真寺爲其通訊處同人等深慕其才便中介紹執事何妨轉呈

哈密親王予以相當之職乘此改選機會協助

先生進行必可接近功成也承詢粵政府變賣寺產一節當時風潮極大繼經同人等奔走呼

號復得香港同教援助已邀

孫政府擬准打銷前議知關

錦系端此函復敬請

公安並頌

節喜

懷聖寺教末等同具七月十八日

甘肅涼州鎮守使來函

公謹仁兄大人閣下久欽

盛譽正切馳系獲誦

環函良深佩服敬維

才猷

禔祉凝釐遙企

芝儀曷罄藻頌弟 賡伏梓鄉難陳穀狀承 示

吳巡帥籌設牧場需用馬種弟擬二次餽贈

戰馬正在物色茲荷

台囑遵卽選購馬種一俟足數迅行送洛敬請執事先爲轉呈備蒙

啓迪殊感

雲情尙希

不遺在遠母吝

玉音是所企禱端肅燕禱祇頌

勛綏諸維

亮照不備

恩教馬制廷勳鞠躬七月二日

雲南回族公民來函

敬覆者頃讀

貴代表宣言并請願各稿件以中國五族共和義務權利同盡同享惟吾回族專額議員未定法章有傷公權實爲教恥凡屬穆民亟應急起直追同心請願以復我教公權敝省同胞亦具有同情惟僻在邊陲聲聞較遲兼在末統一時代未便直接請願願隨

各省諸公之後以盡回族一份子之力謹將敝省代表名單開呈如有請願請煩加入無任盼禱此覆

回部代表李并頌

各省代表公祺

中國回教俱進會滇支部長謹啓

何廷棟 馬逢春 馬凌雲 馬 驄 馬榮福 禎張禮

雲南三迤回族公民代表 馬殿選 馬世珍 杜瀛光 陸錦先 李 衡 孫國璽

馬觀政 馬佩璠 馬文星 保廷樑 趙鳳翔 張鼎甲

●吳巡帥來函

敬啓者春城柳絮方思

放度以馳神潭水桃花具荷

汪倫之厚愛適逢攬接辱

錫多珍拜受臨風傾忱積日敬維

禔躬篤祐

福履增綏引企

之光定符藻頌佩 萱華虛度樹建無能嵩洛典兵馬射願循夫故事國家多難驚庸無補於時艱迺承

獎飾逾恆蓬衷增惡尤望

周行示我韋佩攸資肅修燕啓敬謝 隆施恭請

台安并頌

潭祉諸希

朗照不備

吳佩孚拜啓

●甘肅回族公民來函

公謹先生瑞隨時輯

麻井春凝遠跂

英華爲無量頌竊維今日之時勢盡是冷煖之人情曠觀四海之內誰非以身家自計者而求其以國家爲前提關心社會以公益爲後盾篤念教親宇宙茫茫頗難爲選乾坤浩浩不易其人令人景慕而不忘俾我欽遲而佩服者惟

閣下本道德之公心欲結同教團體爲穆民謀幸福共享永遠利權函電交加猶恐隔閡特派代表勸勉競爭緬

芝采之匪遙徒有瞻韓鄙願雖葵傾之孔切很無識荆良緣茲憑筆楮以通情休嫌冒昧倘荷桑梓之厚意極力

關垂真三生之大幸定五內以銘

恩前番大選將成曾聯名以贊許現在

尊榮大定應獎勵而醇勛欣一天之共戴懷兩地以相暎虔修緹緘之書附履歷而奉上伏乞龍門之貴費

清神以裁成肅具寸箋敬請

升安希惟

鼎照鵠候

明教不識

計附履歷一份

民國十三年四月六日

愚小弟馬鳴鑾鞠躬

●哈密雙親王來函

公謹賢契代表鑒憑着 眞主的恩慈助我的清廉瞭曉有聰明知識的大悟德賢侄上一切吉慶等 在北京相別之後自五月二十三日同着一切官長隨員平安抵哈我們進城從一切患難上是安寧的前在京聽地動之信是謠傳的我 姪由北京寄來之信齋月內均收到我知悉囑咐要事實喜我心我們爲你常常祈 主保佑並祈 大總統及一切官長求 眞主保佑 眞主憑着他的仁慈保護全國之安寧至國會遺漏我們回部之議員總望我 姪着實請願 已與各部函商妥協的以後北京各省有事常常通信爲盼愚伯西屏手書

●哈密雙親王來電

同部公牘

北京順治門內牛肉灣清真寺轉李代表謙鑒電悉靜候來初全體一致請願此復哈密雙親王印

●綏遠馬都統來電

洛陽車站公興存李顧問劉代表均鑒尊電祇悉已切實電商閣翰二公矣得復即達馬福祥漾

●馬都統來電

保定回部代表李謙台鑑歌電祇悉關念甚感前接台端兩勘電已於江日微日迭電曹吳二帥表示決心昨日又有請効前驅電藉報曹帥十年知遇區區之誠諸事代達爲盼馬福祥陽

●馬都統來電

保定石柱街李公謹兄鑑統密東電祇悉齊都軍電尙未到本日接蕭督軍贊成齊軍即由萬急電請齊都軍將原電領銜拍發以期早定國是矣東海既有電辭職一切當如尊祇辦理楊新督及西北各要人處迭經去電詳告情形想各該處必定次第贊成也馬福祥冬印

●江南西平縣呂女學士論

今夫難得者道也非得道之難得道而有誠爲難惟吾教其得道之至誠者爲猶難信天道於未見之前則定志難也認主宰於無形之表則入道難也載籍之眞詮天經之奧旨僉皆天方語晉文字於我支那幼而失學者則貫通難也而且一念偶乖百端莫贖一行稍錯斷法枉嚴則持守與躬行無不難也非有經漢皆通道全德備淵博之名士以中文譯西典能闡發認主之理表明吾五宋朝徽宗年間佞臣當國兵革將興天降下一位出類超羣的俊傑撥亂反正的英雄保全了宋室江山此人姓岳名飛表字鵬舉自有太極而兩儀生焉自有兩儀而四象立焉有四象即五形五形者相生相克者也而清真教規亦有五焉念也禮也齋也課也朝也此亦猶五形之不可減者也而生克之義亦寓焉生者本然之性由此而生也克者繼起之私因此而去也總存乎人之用意何如耳意存乎眞則行其五者自見其眞意存乎文則行其五者僅見其文所爲仁者見之爲之仁智者見之爲之智深者自深淺者自淺是也今劉一齋先生於五功之義一一窮究其源而尤推類以及餘使後之學者反復尋求身心一片於其所已言者固可了然於心而與其所未言者亦未始不可觸類而旁通則所爲五功者功豈止於五哉天數五地數五五位相得而各有合凡天地古之所爲豪傑之士者必有過人之節人情有

所不能忍者匹夫見辱拔劍而起挺身而鬪此不足爲勇也天下有大勇者卒然臨之而不驚無故加之而不怒此其所挾持者甚大而其志甚遠也夫子房授書於圯上之老人也其事甚怪然安知其非秦之事有隱君子者出而試之觀其所以微見其意者皆聖賢相與警戒之意而世不察以爲鬼物亦已過矣且其意不在書當韓之亡秦之方盛也以刀鋸鼎鑊待天下之士其平居無罪夷滅者不可勝數雖有賁育無所復施夫持法太急者其鋒不可犯而其摯未可乘子房不忍忿忿之心以匹夫之力而逞於一擊之間當此之時子房之不死其間不能容髮蓋亦已危矣千金之子不死於盜賊何者其身可愛而盜賊之不足以死也子房以蓋世之才不爲伊尹太公之謀而特出出於荊軻聶政之間計以僥倖於不死此圯上人類之有男女其猶人之有左右手乎均手也而左手之作事不如右手然無左手不可以爲全人均人也而女子之能力不如男子然無女子不可以成社會人之作書也率以右手執筆左手按紙人之飲食也率以左手持盃右手執箸左右手之相需也有如此男女之相需也亦然男子治外女子治內凡家庭中苦會計計若教育若衣食皆不能不需女子且歐美女子任律師醫士者多懇請總代表提倡女子教育爲德便

●信陽回族公民來函

公謹先生大鑒夙切仰 李悵未瞻韓翹企聲華不著 履菴增綏至爲深頌敬啓者我回教穆民自唐朝來茲中土散居各省往往囿於宗教不知振奮泥於習慣未能進行幾乎終于沉淪永不能出諸黑幕矣吁可慨矣今何幸蒙 主上之鴻慈默佑使我 公以出世也維持主教不遺餘力改良社會煞費苦心連讀我 公函件暨各省回族公民代表電文敬悉我 公確才大略本五族共和之旨義立萬世不拔之基礎保守公權提倡平等實屬理由充足名正言順將來國會允准依法將回族應有議員增加若干不致向隅是我 公之熱忱不但爲回族同胞謀幸福亦爲中華穆民數千年歷史上放莫大之光明也欽佩之下欣羨奚似自此以往我回族之進步必不落他族之後矣敝方正擬公電政府請願以期達到目的爲宗旨仍希我公積極進行毋稍懈馳無任馨香盼祝之至肅此敬頌 勛安

信陽馬潤卿龔敬菴古蒂村全鞠躬

●河南回族公民呂本固白海涵張金聲來函

公謹先生鑒接到 惠函欽佩無量弟等立即邀同 敝支部在會人等共到寺內表揚 閣下

歷來 盛德及請願 偉功滿座同人無不懷忭本此公推弟等擬一爭電宣達民意直接向
大總統處暨參衆兩院各機關郵達矣此致敬候 劬安

◎甘州鎮守使來函

公謹仁兄先生大鑒雲山遠隔夢轂爲勞頃由喇品貴君轉來
款聯並墨竹一幅展觀之餘欽佩傾心贊成溢口恭維

成竹在胸

揮毫應手

雙竿比玉寫臨風瀟灑之神

八法習池摹垂飛騰之勢

琳瑯滿紙蓬華生輝

墨舞時瞻筆歌不盡 弟未能堅節願學虛心適因家叔入都展觀蒙甘督委代鎮篆軍符忝領
慚無破竹之才鎮篆謬權愧乏書焦之藝撫燈光於憲影情殷惠我想荻畫以學書不可無君
遠道傾葵謝鳴卽竹教候

勛安諸維

光照

甘州鎮守使愚弟馬紹先鞠躬

◎喇品貴來函

公謹仁兄大人偉鑒頃奉

鈞電藉諭一是恭維

升華日麗

政社雲蒸騰仰

矚暉良殷藻頌承

囑之件前已電請中央政府暨參衆兩院並呈燕函諒邀

霽覽我

兄爲民請命不遺餘力

東南半壁

西一柱握八部之

全權作萬里之

長城際此憲法頒佈之候正值一髮千鈞之秋時不再來失此無及同部生機賴此一舉惟冀急起直追總期達到目的豈徒一時之榮誠屬萬世之幸倘有急難之用仍効指臂之驅引領東望馨香祝禱茲有請者丁君裕謙熱心公益關懷大局乃穆教之明達實孔門之通儒博學篤行非尋常比對於此次請願極力贊襄同舟共濟樂助其成弟以道義之交卒成莫逆之誼古道熱腸不可多得茲懇我

兄加爲本部參議或另請薦任職萬望

鼎力維持以示鼓勵不獨丁君一身之幸卽我甘回族全局受其榮施矣肅肅敬請鈞安伏維垂鑒

教弟喇品貴鞠躬

●甘肅涼州道尹來函

公謹仁兄先生 賜覽舊歷二月十八日奉 聘書一件並

華函欽悉壹是辰維

雅館關垂同升誌盛不才當此深恐有負提携東望

龍門感慚交併

來函惠及前已電告迄未奉到不知該電浮沉何處弟於上月襍被來蘭小兒在涼接到來件卽密電專達弟得電卽肅電叩謝文曰洛陽吳巡帥鈞鑒恭奉聘書委充顧問才慚菲薄志切葵傾鈞座道貫天人威揚中外東瞻節鉞莫酬虛席之恩西羈邊陲願作執鞭之士謹伸謝悃敬頌勛祺馬振堃叩皓此電未卜又落洪橋否望費心趁便一查在涼曾上一函諒邀

英昧弟兒女年齡已大男婚女嫁孽債逼人急欲携眷回豫籌圖辦理同教至契敢以瑣陳勞燕東西雲情線引

公近水樓臺過機仍盼

援手爭議員一事名正言順每思

熱腸毅力有功穆教買絲鑄金未足報酬肅鳴謝悃虔請
勛安

小弟馬振堃頓首

子承靜庵兩兄統此拳拳

●程宗伊來函

公謹先生賜鑒耳

大名非一日矣因弟筮仕隴上至今已十六梓鄉宿望久隔音微奔走飢驅迄無成就回顧汴洛暮雲春樹時時嚮往深之客冬丁靜菴先生來甘晤談壹是始知

優游杖履

贊佐機宜

裕經略於隆中

抒謀猷於洛下翹欽

渠範景仰殷懷弟宦游西陲蘇秦依舊惟久居於此風土人情尙曉大概靜菴於去冬旋洛時曾上淺見書一摺履歷一份想已早呈

左右管蠡之見未稔有當萬一否誠惶誠恐幸

先生哂我愚也值此風雲際會之日本思杖策東歸親炙高賢上謁巡帥奈一官久羈全眷均來甘省食指日夥內類累人雖亦署缺數次因目的在於吏治不敢少存金錢主義故聽鼓有年依然故我刻承林芷馨省長委充省署秘書主賓之間尙屬融洽祇因同事人多月薪甚

微餬口不贍遑籌返里資斧弟在甘資格尙老政績亦著緣無人維持遂致投於閑散求一握銅符而不得夙仰巡帥勳隆望重爲此間軍民兩長所推尊如賴

鼎力轉懇巡帥一紙書卽勝於七部從事或

先生自賜一函力爲吹噓則感

春風拂植定可出困窘而入康莊矣披瀝陳辭尙祈

諒原倘荷

青垂鵠候

台命特肅奉懇敬請

鑒安

愚弟程宗伊鞠躬

●甘南巡防馬統領函

公謹仁棠大人偉鑒前接

壽峯兄來函敬悉吾

兄爲公赴保聞之欣慰邇來進行如何日久未奉

賜示北望引領翹盼奚如伏念我國自建立以來已歷星紀近年內憂外患愈迫目睫當此一髮千鈞之日非懇曹巡帥出任艱鉅則大局糾紛終難於言者耳尙希吾

兄代表吾族一致主張是爲盼禱更將進行情形隨時見告爲幸至刻下前方情況日前弟部第一第四兩營進駐南壩一帶以趨江彰不意忽奉劉積督電令謂接東路袁總司令趙副司令來電現值議和期間令各路固守原綫以待解決等因是弟前進不得望其解決況我巡帥屢平大難安危一身去歲法統重光毅力維持今年促憲通電愈仰老成謀國語重心長正誼所播遐邇景從倘蒙慨念危局早定國是則五族之民同受其賜矣弟遠處邊隅見聞淺陋惟我族素蒙

巡帥幬覆之德輸誠圖報有未能已只有仍駐前方南壩等處以待時機已耳知關注念用特附陳肅泐佈臆祇頌

大安諸維

亮警不戢

●甘肅回族公民來函

如弟 馬國棟謹啓

公謹教兄先生閣下久耳

英名無由識

荆五中思慕靡有已時昨閱見

台端與甯海馬閣臣鎮使之函及印刷請願增加議員書深偉識卓力偉爲回族不可多得之才引瞻

吉曜無任欽馳弟誼屬同族翊教有志客秋分發到甘晉謁西甯閣帥卽蒙委爲祕書留爲效力蒿目時艱每興感慨茲閱

尊函及請願書對於回族異常熱誠不禁心爲之傾更望努力於請願各事俾底於成以爲全國回教倡則幸甚至來函弟已請於閣帥擬稿奉覆後卽發郵以答

關照子雲少君之盛意飛鴻有便敬祈

台端隨時

賜教俾得恆聆

偉論開我茅塞藉慰渴懷是爲至盼專此布臆恭請

勛安諸惟

朗照不備

弟名正肅

◎回族公民來函

附啓者聞洛陽吳巡帥對於西北亦頗注意曾函詢及青海情況近馬閣帥擬具經營青海意見書呈覆洛陽未知吳帥對此若何鄙見借此機會正好彼此實行聯絡想閣帥爲隴右諸鎮領袖名望實力均優人亦足有爲若吳帥能收攬此雄於西北局勢不無關係並可藉此意見書或由吳帥函復西甯令派員到路面商一切則甯海代表東來即可切實進行連絡諸事也（如近日吳帥主時援川若由甯海出兵南下夾攻尙可出兵萬人以上爲之效力）

台端久居洛陽爲吳帥所倚重可否探察情形向機建議特私商及卽祈卓裁並望賜示爲荷此事如見諸實行或者天假之像弟可奉派赴洛至時再與 兄把晤傾談一切也

◎甘肅回族公民來函

公謹先生偉鑒久耳

高名有如

山斗雲天修阻把晤莫由懷願見之心者數年於茲抱未見之憾者亦數年於茲憲法成立建設方殷側聞籌畫新猷經權胥當利國福民任天下重五族同胞想望

丰采不僅在穆交中首屈一指也於是願見之心益專未見之憾亦愈甚縮地無術化鳥不飛神之所結只夢轂遠馳託管城子代表而已仁溥識等管窺材慙薄植惟祈此後風便時錫教言俾自奮勉他日或可幸附驥尾圖報涓埃於國家也茲寄上碧桃聊佐荒函希卽笑納是幸專肅奉候敬頌

勛祺惟祈

愛照不莊

教弟 蕭仁溥鞠躬

◎甘邊甯海鎮守使來函

公瑾仁兄大人偉鑒頃在蘭垣獲晤喬丁兩代表藉悉起居無恙深慰遠懷談次並出

手書過承

垂注感愧莫名

元首及吳巡帥望重功高名震中外蠻荒將士素所歸心況今日憲法公佈統一有期自當勉竭職分仰贊休明區區微忱並望

便中轉呈爲幸回族議員一層愚見以爲吾族散處華夏無地不有不定名額於憲法則可與漢族自由競爭於選舉即可全體奮勉於學業將來教育普及人人皆有被選之望若限定議員名額恐權利不能普及教育轉無進步且投票區域事實上萬難適當况憲法已定無術挽救鄙見如此未譚高

明以爲然否泐此佈復敬請

勛安

甘肅寧海鎮守使 愚弟 馬麒鞠躬

●甘肅馬軍門來函

公謹仁兄大人座右近疎音候時切縈迴每企

丰標彌深依戀就維

麻凝虎帳

續著鷹揚以欣以頌弟前呈函電及舍弟拜託之件荷蒙

分神格外同 壽峯兄妥爲安置實深欽感前途愛戴正自方長莫敢申謝套言貽

高明笑至

喬君所撰壽文捧讀一通知非宿儒莫辦觀此則

張君書法與喬君佳作足稱

雙美有可斷言者現在

舍弟蒙孔司令委充援川第二路支隊長並將左軍五營歸併伊之部

下據函云不日開拔文縣擇吉前進所有承

賜華箋及壽文等件已加封轉致舍弟行次矣倘蒙不棄敬祈

教言時錫俾弟等茅塞頓開是所盼禱端此奉覆敬請

台安餘希

雅照不另

壽峯兄均此恕未具函

愚弟 馬國禮鞠躬

●甘肅馬統領來函

公謹仁兄大人偉鑒久仰

丰采景慕維殷上年

趨從來隴距意交臂而失迨後屢欲致候茫然未知所適雖云自慚緣慳未獲暢談而心心相

印者多年於茲矣同族同根諒有同情恭維
贊襄國計

造福民生爲願且祝弟駐防梓里毫無建樹所幸地方安謐民物無恙差堪告慰
綺注耳頃接丁靜菴兄來函得悉

吳巡帥壽誕將屆仰蒙

不棄將賤名列入禮儀足徵

知己者不以遠近而見棄同氣者不以葑菲而區別五中感激尺素難宣現值民氣開張正我
族發展之時我

公高樹一幟合族增色從此鵬搏萬里正未有艾凡屬同人莫不引領而望拭目而待者也弟
生長邊塞孤陋寡聞倘值公餘之暇卽乞時錫金針俾洪鐘而一叩庶茅塞之頓開是所盼切
禱切者也敬此奉謝祇請

台安諸希

雅照

愚弟 馬錫武頓啓

●甘肅馬統領來函

公謹仁兄大人偉鑒遠達

塵教鄙吝重生近想

鴻儀如渴思飲恭維

冠冕閣族

協和羣情爲頌適奉

瑤章若觀白圭迴環三復實獲我心伏念曹巡帥功德亶亶天下歸心誠如
尊論現在大位久懸生民顛危正在水深火熱之中若非

仲帥出而鎮定吾恐天下大勢將至不可收拾伏讀

公函欽佩莫名足徵智者所見不謀而合但擁戴之誠早有存心已於日前電請馬雲亭都統
首先提倡矣茲奉

鈞函已屬莫及特此奉復敬請

台安

●保定電報局來函

敬啓者前奉

交通部訓令整頓官軍電報記賬辦法第二條內開凡用印單發寄之電其電費由原發報局按月造冊逕向原發報人或機關領請如果上月欠費至下月終不能清償時該機關之印單卽失其効用遇有電報非交現費不予照發等因業將各辦法函達查照在案查上月份敝局經遞

貴處用印單發電計費洋七元五角○分相應開具細數清單一紙備函送請

查核務請將此項電費迅速

擲下以便彙解歸款并乞

賜復至紉公誼此致

李代表公謹

附細數清單一紙

保定電報局啓

●江蘇齊巡帥來函

逕啓者頃奉

瑤函猥承

瑑飾紛披

華藻彌愧燕衷雖誦

清風維穆之詩甯味大車將塵之義變韜鈴粗習媿無專閫之才旄節忝持况任兼圻之重自量棉力勿勝仔肩敢躡榮階以速官謗深維老子持盈之訓庶免風人彼己之譏已電懇辭乞免除授辱承

賜賀媿感交并端復順頌

台祺

齊燮元啓

●王巡閱副使來電

快郵代電

駐洛同部全權代表辦公處李代表鑒頃奉函賀慚感交榮猥以樛材襄贊佐兼圻之職辱承藻飾兢惕切臨履之恩專此復謝敬頌台綏王承斌勸印

浙江省長函

定侯仁兄偉鑒頃奉
還雲備悉種切比維
偉烈遐宣

英聲遠播允符私祝政綱解紐謠啄繁興北堂燕雲憂心如擣幸國務院依法代行職權京師秩序以不紊當此羣龍無首國勢飄搖之日舉國所屬賴者惟制定望憲法及選舉總統之兩大端而已國會爲全國民意之所寄當能迅速舉行奠定國本以慰四百兆人民喁喁之望弟分屬軍人自應靜候解決未敢參加末議也承示浙省以保境安民爲宗旨更得執事撫循綏輯四境宴然不禁爲浙民頌賢良無已也專此奉復順頌
勛安

弟吳佩孚拜啓

山西教育廳長函

公謹同教仁兄大鑒頃奉

來箋乃以我族公益之事重荷

獎飾至以爲愧公益關係弟鉅在各方面且均極力維持弟自當惟力是視實澈初終以副雅屬專復卽頌

籌祺

弟馬駿手啓

參謀部科長函

公謹仁兄大人道鑒敬啓者車中辭肩快接

塵談欽佩之忱匪可言喻前者我

兄與劉菊村參謀長傾談之件業經代陳聞馮公亦復爲之心折不已區區之愚竊以新省爲我國西北重要門戶英俄環伺狡焉思逞爲日久苟非聲威素藉能耐艱苦大員鎮攝不足以事撫綏而挽厄運惟茲事體大在當其事者固當有不屈不撓之志力策進引而地方人士似尤不可無有以作其氣而促其成我

兄宏聲揮綽物望所歸若能糾集貴省碩彥或通電以表歡迎或快郵共陳大計則於國防前途裨益洵匪淺鮮專肅佈臆敬頌

道安

愚弟汪秉乾頓

●電報局函

逕啓者案奉

交通部訓令并整頓官軍電報記賬辦法第二條載有凡用印單寄發之電其電費由原發報局按月造冊逕向原發報人或機關請領如果上月欠費至下月終不能清償時該機關之印單卽失其用遇有電報非交現費不予照發等因業將各項辦法函達各機關查照在案嗣後用兩湖使署印單發寄記賬電報須向駐保辦公處主任接洽妥協担認月終償還電費方能照發否則須付現款以符定章相應備函請煩查照爲荷此致

同部全權代表李

保定電報局啓

●參議院來函

公謹仁兄大鑒昨日院內接有輔國公一不拉引公函一件隨函附呈如何原因請速示復特此卽頌

大安

愚弟楊福洲拜

●陳祖武來函

恭謹仁丈先生 鈞鑒頃奉

華章聆悉吾

公勞力操心提倡爲全球穆民謀幸福爲我至

聖爭榮譽計也我

公意旨正大得受

眞主

至聖相助定能達到目的此功全賴我

公熱忱毅力無任欽佩敬維

福祉綏泰

勛業丕隆定符所頌末 寄跡甌海無所短長幸軀眷矜平堪紓

錦系耳茲有懇者敝處 穆民潘竹卿者上年病故家景蕭條撇下一母一子何依無靠雖然敝處補助一二終非久計杯水車薪末 不揣冒昧仰望仁丈先生憐念同教之情廣爲勸說施散

色德格俾好拯救老少之活命此功此德

主聖受喜額外加佑兩世沾吉永賜光榮爲此佈懇敬請

公安伏維

朗照鵠候

回示

教末 陳祖武謹上

另附名片數張敬請

各位先生各位阿訇請安道問

◎李祕書函

回部全權代表宗伯大人鈞鑒謹稟者前奉

面諭准予兼任他項職務 職卽遵照於七月十二日至河南陸軍第三混成團長郭處投效猥以各軍調防該團移駐唐縣當蒙郭本其襄葉方舞剿匪司令名義委爲行軍大接濟委員 職卽隨營於七月二十五日託

庇到唐佈防已竟於日前亦改委爲祕書歸書記處任事伏思

大人與郭相識已久職在

鈞處效用郭亦夙有耳聞雙方兼務恐其設顧此失彼之想

大人素甚愛我敢祈

與郭筆談俾其關愛並請將杜天申君未能隨營來唐情形向其一敘庶 郭視

鼎言之重而更加愛待於職矣倘蒙

允准不勝感戴之至

鈞處如有應辦事宜在遠可以幫助者至希

見用以均勞逸予寅蒙

薦綏遠聞任參謀之職駐防何處敢求

見示俾與通函現聞 吳使在洛辦一軍官傳習所學員由各軍呈送職欲乘機以入藉練身

體未悉可否乞併

諭知爲禱職到該處探察民情尙有古風惟四路梗塞匪勢較吾葉尤甚處世亦甚難也

鈞處如遇良機亦望隨時

超拔俾資前進是所至禱肅此敬請

鈞安伏希

垂鑒不備

祕書李昂謹稟

●馬統領來函

公翁仁棠大鑒前後奉到

函示監誦三復蘊結五中敬維

道躬清吉

聞望日蒸爲頌現以 總統退位立待推選全國民意傾心 曹帥又荷 兄鼎力一致主張

登高一呼萬谷皆應日後當選定位我

兄倡首贊助之勛當首屈一指吾族榮光增價無量弟當將此情函達復初家兄請其代表我
教民意隨附軍民兩長之末以示大同矣并奉家兄來函云承我

兄不遺在遠代求南海先生墨寶爲蓬門增輝以中外欽仰高士雖片語隻字當亦什襲藏之
非

兄關愛之切愚兄弟何幸而得此感曷可言承囑援川各軍統歸劉積督指揮以便進攻等因
但此間尙未奉明文若見諸實行自當恪遵一切并囑振刷精神勇往進行種種熱忱溢於楮
墨之間弟當銘刻在念請釋遠懷現仍分駐原防均托平善設備堅持嚴整以待俟奉 總司
令明令卽圖進取耳知關

錦注併肅以

聞崑渤佈覆敬候

道安唯希

再俊卿 廷璋 羨樵 善夫 壽峯各兄茲附來名片煩致意

如弟馬國棟肅啓

●涼州總兵來函

公謹仁棠大人閣下久遠

雅度時切馳思良以跡阻關山未免時親

光霽中懷耿耿無或稍釋辰維

履祉清嘉

榮問休邇爲頌以慰奉到

蘭譜殊感雲情卽將弟譜繕就奉上務希惠存從此堅同金石永以爲好榮幸曷極馬福興被害咸抱不平我

兄爲回族代表尙祈

主張公道堅持到底一雪此冤則幸甚西風多便務望

時錫方鍼以匡不逮而慰離悵是爲至禱專肅奉復順頌

勛祺諸惟

雅照附蘭譜一份

如弟馬制廷勦鞠躬

喬參議函

公謹仁兄總代表鈞鑒兩次拍電想均

入覽矣弟等叩別來甘宣揚 曹總統 吳巡帥德意甘督長鎮處道各鉅公暨隴回支部全

體民族莫不欽仰贊頌一致傾向業經將推戴之忱各發函電矣弟猥以非材忝膺重寄則凡

愚慮所及有可以壯國家之勢揅大局之危者曷敢不勉竭駑駘以効獻曝之忱途中欣悉

大總統就職先得我心焉而一念及統一之大勢如陝之雜軍川之戰訊東南各軍之逞勢鴟

張是大局之在今日紛如逐鹿中原前途茫茫飄搖堪虞自非我

巡帥孰克掃除腥膻而能統一大局者竊思夏禹之格苗民桓公之合諸侯一以武力爲後盾

一以和平爲前提收效皆在指顧之間弟自入甘以來攷甘地形之關係實能遠制番藏近牽

秦蜀西綰疆纏北扼蒙陲固爲西北之鎖鑰洵爲中央之屏翰矧有西軍素稱精銳有禦敵之

勇無潰却之虞倘能擢用必可爲強有力之軍隊不惟免西顧之憂誠可作後勁之助有事調

爲援軍無事仍防邊圉西北一隅既可永保無虞東南各方將必望風歸來果能以武力之先

聲副和平之手段合禹桓之策爲統一之計似於大局不無少裨弟已與甘督長鎮處道各鉅

公磋商協議卽希斟酌情形預爲轉呈

大總統吳巡帥鑒核示遵不勝禱切專肅敬請

勛綏併候

壽峯俊卿均安

愚弟喬烈鞠躬

◎江北同族公民來函

敬啓者茲准回部國民代表

劉朝臣喬烈端木彰傳全林四公啓稱疊接回部各王公暨各省同教來函僉稱仍有奸人造謠假借回部各王公名義散布傳單誣譏回部全權代表李謙各種情事顯係奸人希圖破壞大局特此聲明等情前來查李君謙跋涉艱難負重致遠爲穆民謀幸福事實俱在昭然共覩忽傳蜚語致碍鵬程信口雌黃無端騰謗參之肉固不可食昭之心路人皆見但寸雲點日何損於明卿血噴天終爲可笑而我江北支部以及各分部無不共表同情長茲信仰唯冀早收一簣庶幾不負初心專肅蕪言聊伸憤懣此致

洛陽回教聯合總會回教聯合會清江支部會長蓋文芳謹啓評議長金家元馬體文馬耕畚經濟主任于海鰲謹啓

◎涼州道尹函

公謹仁兄偉鑒遠睽

芝采時切葵傾欣

錦箋之遙頒辱

繪蓮以見貺臨風祇領感篆奚如就謔

仁兄弄月吟風高情不減茂叔

傳神寫照妙手堪追右丞想見荷淨納涼早神怡花中君子故能與酣灑墨直繪出香界仙姝供以清香爭訝如來幻化懸之靜室幾疑太乙照臨對斯名畫一幀撲去俗塵數斗弟芳菲自媿建樹毫無宦海浮沉敢謂出游泥而不染故園悵望何時結鷗鷺以爲鄰

厚意拜嘉肅函鳴謝祇請

台安惟希

荃照不備

弟馬振莖謹啓

◎馬統領函

公翁仁棠惠鑒日前奉寄一箋計達台覽近維

望同夏大

祉并日蒸爲頌前勞籌辦壽儀所需之款昨已派弁至天水交郵匯寄至日請

查收爲荷前函托與舍親喇偉卿酌商運盒槍六支一節卽煩商妥後請速運存
尊處刻有鎮醫派孔慕周及呂星五二營長來鄂公幹諒已抵省必晉謁
巡帥請我

兄注意探訪回甘時卽交二公順道帶來弟刻因需用在卽可不必俟綻某免其又延時日也
務祈與舍親商酌速運爲禱需運費若干亦煩示知茲與孔呂二公函一件晤面時轉交爲荷
弟近托平平仍駐修息聽候

總司令命令再定行止耳特肅奉聞卽候

台綏希唯

亮照 附函一件

如弟馬國棟肅啓

●河南第一師範學校函

公謹先生台鑒初春一敘月已兩更大好韶光余實虛度邇維

福躬康泰諸大吉羊祝頌無量元月家居提倡助款至有眉目因受一師校長委充校務將進
行方針與諸知已詳細討論鄙人已就職兩月有餘每思此舉默祝

眞宰俾得告成昨日奉到家嚴手諭得悉奉上心思頗慰惟款曲曲實覺抱慊諒

先生仁德宏深亦不我怪幸甚幸甚現不悉

先生辦至何處念念示悉再者一師學生千餘同生祇五職教各員四十餘位惟余一回實覺
孤獨對於禮拜否能守現殊爲不適

先生明敏篤信才智炫華提倡教門拔取人材實聖人之功岑現代之偉人鄙人倘得提携日
領教益則觀摩必深才識自異他日所造過於今日是

先生之德山高水長則感之者豈止鄙一人哉惟懇鼎力余有厚望如無機緣請費神賜一名
譽委任以光吾教愚意及此奚敢言是尙祈指謬無任雀躍謹此拜懇敬請

公綏 同人先生統此道安

河南省立第一師範學校

●馬振濤函

公謹先生鈞鑒喬子承兄來都藉悉我

公政躬迪吉凡百吉祥爲欣爲慰請願經議院否決事弟於今午全子承兄到參議院晤速記

科陳子猷得知請願格式不對及無議員介紹人手續不合議會照例不能受理是以否決至是日議案記錄已抄下一份由子承兄寄上一覽爾後只好再繕改另上呈文當可通過也斯後辦法嗣與子承商妥後再行續佈專此卽頌

勛安

馬振濤頓首

家五兄蓮樵附筆問候

再啓者日昨接壽峯兄函敬悉向巡帥處請名義事已蒙我

公慨允不勝感激仍望從速請保於請願前途俾便接洽實所切盼前壽峯兄來函云有家五兄蓮樵在劉督對我 公事有所反對已與家兄談及絕無其事熱心如 我公贊助之不暇焉能反對萬望無信他人譚言是所至幸劉督處俟機必請保以報盛意也

壽峯兄并此

致候不另

馬振濤頓首

●方坤彥函

公謹督辦仁兄大人偉鑒茲於陰月廿六日由許登車廿七日抵漢下榻糖公司已電促滬銀

東來漢或赴滬措辦款項大計旬日間告竣攸關

尊注用特預

聞統容續報此頌

勛綏

總理方坤彥協理趙廷柱全啓

●馬都統電

洛陽李公謹兄鑒倬章長豫承示甚感已另擬電致賀矣白雲峯攜帶各項函件來謁卽希賜見詢問一切代陳玉帥俾資證明爲禱馬福祥咸印

●馬都統函

公謹仁兄偉鑒都門快聚叨

教良多比及回綏復披

憲翰藉論

興居佳勝慰如頌私承

詢白雲峯之事在都時曾經詳談其事白君係分發陝西知縣曾在馬光烈先生處辦理文牘

多年追後光烈物故落魄無依夏間始到此間欲謀枝棲以資糊口弟見其窮途可憫而又無可位置適兒留其在寓爲諸孫講書渠雖隸豫省多在陝甘居住果係趙黨弟何敢冒昧留住此間近接一無名之函大說雲峯壞話適兒處亦接有無名一函則說其女閒話兩函均自京發傳詢雲峯據云係有人向其女求婚未遂結怨造謠云云總之雲峯窮極無術來此謀食其人亦無大志何能爲趙氏所用然空穴來風想非無自茲特專修蕪簡令雲峯持謁台端面陳一切並希帶領叩謁各方以明真相而免謠言爲荷順請

台安諸惟

亮炤不一

弟馬福祥鞠躬

附白雲峯開具說帖一件函一件渠在陝任事公文電函等件隨後自行攜呈以資證明請先將此情詳述各方免滋誤會又及

大帥鈞鑒敬稟者昨奉

面諭感激在心平白飛誣純係小人挾嫌早在

洞悉之中陝西公文電尙未全失可爲切證謹同說略一紙一併呈

電願遵昨

示尅日赴洛乞

賞免票及護照以便起行敬請

鈞安

學生白雲峯謹稟

附說略一紙公文函電數件

白雲峯年四十六歲安徽阜陽縣在城民籍現住河南魯山縣前清廩貢生先在本籍阜陽穎上壽縣等處教讀十年宣統元年蒙直隸提督姜派至毅軍後路統領方虞耕幕下辦理文牘旋以丁外艱回籍在籍充當中學校學監清眞高初兩等小學校校長民國元年舉充回教聯合會會長選充臨時省議會議員二年毅軍營長尤聘辦文牘三四五六七八等年在差未動尤營長現駐寶豐不難查知九年正月辭赴甘肅入馬光烈先生門下是年九月以知事分陝任用到省以來除甘省查災邠縣提款兩差外均在省垣守候從未離陝西一步省公署有卷堪查現有陝西公文函電足據客歲魯山阜陽兩縣遭匪家貲一空無力在陝候補始于今二月辭去三月到京四月回魯七月來綏自趙氏蒞豫以迄今日查或與趙一面及有絲毫干涉

全家願甘治罪謹陳

◎馬都統函

公謹仁兄大鑒不晤

芝宇時切葭思頃披

瑤箋藉謐

定動安好欣慰無量 吳巡帥接印盛典定屬熱鬧異常

台端與振五部長同往慶賀洵快事也塞關王監督弟既令其到任在前決無成見存乎其後惟邇來綏區財政艱窘倍於往昔近納地方人民之請採取財政公開主義故對於各征收機關均行派員檢查以重稅款該關經征人員多有舞弊情事現亦設法維持諸凡融洽請釋遠系白雲峯已令其前往洛陽面陳一切該員窮途落魄又遭此莫須有之誣情殊爲可憫台端交友熱腸夙所欽佩尙希引見當道婉爲陳說以免誤會是爲至盼此復卽頌

冬祺

弟馬福祥手啓

雲樵仁棠總裁惠鑒正殷懷結忽奉

手書莊誦迴環深銘心版敬維

勛祺篤祐

禔祉凝庥引領

桐封莫名葵向前者烏盟兩旂因墾務涉訟弟以其同逮懿親未便歧視特中處理以期相安乃荷

遠詢顧末不厭求詳足徵

軫念蒙疆眷懷邊務翹企

偉績無任欽遲弟符膺重寄管守邊陲密邇蒙旂關係至切幸

我公職重理藩心懷甌脫尙乞

遇事關垂時錫明教以期相維內外共矢進行屯墾所關期無遺誤緬佩高鑒曷其有極前以李公謹事瑣瀆

清神辱承

厚愛曷勝蒙感已將

盛意隆情專達公謹屬其晉謁

崇階面聆

訓示尙祈

推愛俯予接洽至爲感禱至所屬崇福寺喇嘛因迎活佛與齊王旂發生糾葛一節已飭政務

廳查照辦理矣弟處匪患已平煙苗剷盡知關

遠廬謹以奉

聞專肅祇頌

勛祺諸惟

荃照不備

如弟馬福祥謹啓

馬司令函

公翁顧問先生偉鑒竊以遨遊保洛願償登龍跡寄隴皋名顯附驥幸逢

緣結香火深荷

照人肝膽遇事則

鼎力維持問難則

熱忱開導愧未補報赧然不安竟先

賜書

存注備極捧誦之下感激難名藉譖

碩畫咸宜

勛躬納福式符私頌步青揖別登車卽日晚八鐘抵京本擬立刻返綏詎料事務紛繁手續現

未結束不得不稍事勾留惟祈

不棄庸愚

時錫教言爲荷專修奉覆敬請

升安恭賀

春禧

馬步青謹肅

同族公民函

知當被選爲同部國民代表時亦無一部全部之指定既無此種指定又負全部之責卽當有

全權之天職此某之全權代表名義所從出也安得謂爲假全權之名爲建樹之舉哉況某自代表以來爲公爲私自有天知今既開罪小人謠啄紛滋聽幾可熒然公是公非日後自有定論近幸帥座明燭萬里一視同仁箇中眞像諒邀洞鑒某一介武夫自愧不文報國無力服農有願惟知遇之恩涓埃未報耿耿此心實難安耳此卽某前後實在情形理合稟明並將哈密親王暨蒙藏院之函件與政府之護照一并呈上以憑核奪而持公道則感戴鴻慈於無既矣肅此敬請

勛安伏乞

崇鑒並乞他項函件暨護照

垂及後償還爲荷

◎馬都統函

公謹仁兄代表大鑒前函諒塵

籤閣

台端年來奔走國事心力俱疲所須各費全由自身籌措不假各方援助熱心毅力欽佩夙深

而且品格高尚廉隅自持使非異常拮据亮不率爾啓齒惟本區部餉積欠已久財政困難早達極點兼之節關臨邛開支浩繁大有山陰道上應接不暇之勢茲特勉寄大洋五百元希查收以備要需并盼

見覆手槍收到甚慰專此復頌

台祺

弟馬福祥拜啓

再此款應兌何處卽希

賜示俾便匯寄

◎馬都統函

公謹仁兄代表大鑒接讀

來函備悉一是本區越獄事係管理人防範疎忽致狡黠監犯乘機竊發所幸隨時追捕多已拿獲已可告一結束此中情形日前遠見來京想早詳達諸承關懷至爲紉感秋高氣爽興居定多佳勝風便尙希時惠數行是所切盼專此復頌

台祺

弟馬福祥手啓

●馬旅長函

公瑾先生惠鑒迭捧

手書備已心悉只以多事卒卒未能即時裁答至以爲歉敬維

撫候輯綏

卽序多佳爲祝以頌月前綏西小有不靖弟親去布防遠托

福庇指揮如意幸能消患無形前日方回綏垣所有前次由洛來綏各軍士委爲各營教習以資訓練至

台端推薦三位軍官學生除羅震一員因其家有事請假旋里外其餘李鄭兩員均委本部參
戰暫資臂助此不過敝旅無他優差籌此額外之職先屈奇頓他日再有機緣當有以副
尊命耳值此大局現狀頃刻萬千

巡帥高瞻遠矚全國傾心南北前途諒能漸至佳境弟治軍邊地見聞較陋倘荷將洛中新聞
隨時見

示以新耳目則得

公一紙書勝於十部從事矣專覆敬頌

台安諸希

原照

弟馬鴻逵鞠躬

●馬都統函

公謹俊卿仁兄台鑒久疎

偉教時切馳思頃建亭諮議來綏貴到

手書展誦迴環如親

警效就諗

勛祺祿介

鼎祉翔華至爲欣慰同部加入議員事迭承函囑商及棉薄事關公益倘可盡力焉敢不勉前
次公謹兄行旌蒞綏時曾將此中情節詳細歷述併迭寄函引伸鄙衷區區之衷當荷
察及此事關係重大如能圓滿解決固屬甚善否則或另尋蹊徑藉資補救昨曾面致建亭兄
請其轉達
左右是否之處併望

卓裁閣臣及各鎮使處業已電致囑託尚未接其覆電 弟處匪患已告肅清現正舉辦清鄉以資善後擬俟冬防事竣即當入都併赴保洛一行把晤匪遙統容面罄專覆併頌

台祺諸惟

愛照不備

弟馬福祥拜啓

●馬都統函

公謹仁兄台鑒迭展

手書祇悉種切藉諗

勛祺篤祐

鼎祉凝釐至爲忭頌

李君建亭日前蒞綏快接請談才識開朗徵爲本署諮議不過略誌景仰之忱辱荷謝言彌增愧忤我

兄關懷穆教備致賢勞凡屬教誼莫不心感鄭信未呈 玉師尤徵

關愛逾恆無微不至望風領手益切銘心馬再錫事格於成例自當緩圖國會加入回部議員一節得我

兄綱繆大計一本至公志在百年功垂後世教中人妄加推測橫肆訛評究之翻綠廻黃何損

高明於萬一惟冀

不渝初志毅力堅持將來貫澈主張則羣喙俱瘖矣至於爲公忘家疎財仗義苦心孤詣我

主聖當能鑒此熱誠尙祈

廣續進行無任跂禱弟處匪患漸平秋收有望祈

釋遠塵專覆併頌

台祺諸惟

愛照不備

弟馬福祥拜啓

●馬都統函

公瑾仁兄左右頃展

手書俱已備悉 達兒與子雲初次到洛承

台端招呼一切帶領晉謁

吳子帥暨郭祕書長李張參謀長諸公蒙 子帥格外推愛優待

台端又爲 達兒介紹

子帥門下訂以師生之誼子帥並賜子雲以名譽職銜皆

大力爲之周旋諸費

清神至爲心感馬四匹實係後到 達兒來信亦已言及既荷收留甚好吾

兄現爲 蕭督帥聘任顧問運籌帷幄大展長才遜聽之餘曷勝欣喜將來

大駕到鄂晉謁 蕭督帥時還祈

代爲致意並達 鄙忱是荷湯陰之電既經照辦甚感所有帶回槍枝俟到綏時照收並轉知子

雲用副

雅囑手此佈復並頌

旅祺惟

照不備

●馬都統函

弟馬福祥鞠躬

公謹仁兄大鑒頃展

惠書備聆種切卽維

勛祺懋介

履祉增綏慰如所祝 達兒自洛返京適患腹疾刻正醫治尙未來綏承

示各件容俟 達兒愈後回綏再爲商辦以副遠懷先此奉布敬頌

勛祺不一

俊卿
美樵

兩兄祈代致意

愚弟馬福祥拜啓

●康南海函

公謹仁兄承

嘉招至感本欲趨赴應

召惟玉帥午酌不能辭不能分詣

尊處祇得心領惟

足下厚意甚願縱談望於今夕九時枉

駕至幸敬請

大安不宣

期康有爲啓

●馬都統函

公瑾仁兄偉鑒素心睽隔丹簡恆通每企

清暉倍深遐想卽維

公私佳勝頌慰無量弟邊寄忝膺時艱無補西北大局寤寐時縈昨接新疆議員質問書多件對於

台端領銜請增同部議員名額呈印刷物內開列綏署高等顧問職銜疑弟主動大加詰問明知

台端呈文用意深遠極佩

蓋籌惟是新疆情形迥異腹地

鼎帥政策素主集權其於新省安全籌之甚熟五族愛戴官民一心且其見解甚高手段甚敏弟神交廿載相知最深渠所願爲雖大力壓摧難回其意渠不願爲雖羣言淆亂難搖其心弟早見及茲是以對於

台端此舉屢述管見勸勿膠柱鼓瑟致召猜疑今新疆官紳對於此事均皆不表同意且以開列敝署職銜致生隔閼恐轉無益於同部未免有碍於邊局鄙意

台端此舉當日若以內地同人名義辦理有效與否當不至發生反響而偏因新疆名義牽動許多筋絡既大負

台端之初意且恐傷甘新之感情

台端高明諒必同此硜硜也敬掬忱悃諸盼留神臨穎依依不盡縷縷此頌

台安諸惟

心照

弟馬福祥鞠躬

◎馬都統函

公瑾仁兄偉鑒頃接

手書並

康南海先生對聯一副均收到矣卽維

升祺適駿

履祉迎羊式符臆頌

南海名高中外欽仰久殷每以拜識無緣寸心悵悵倘肯來遊塞北藉得瞻韓極表歡迎書聯筆力遒勁幾邁蘇黃除由弟附函致謝請煩

轉交外更望

代達感意尤所至禱此間雨暘時若地面安甯軀頑亦壯健如常堪慰

錦注餘容續佈復頌

台祺惟希

澄照不盡

弟馬福福祥拜啓

●馬旅長函

公瑾先生惠鑒正殷心寫適捧

手書披誦臨風情慰向日藉諗

道履安燕

德祉延鴻翹首

吉暉至符鄙祝向者綏垣清察地面拏獲匪人楊崇山丁軫等一千人犯訊明監押聽候當局覆電卽處極刑孰意七月三十號勾結囚徒越獄脫逃當經弟督隊追拏擒斬丁軫等同案要犯及囚匪百餘惟楊崇山至今未獲現正派兵緝拿况其兄尙在羈押渠或遲當拿獲緣此事

出於倉卒本司法界一時疎忽非有他故好在黎明開獄冒雨跟剿除此案僅楊某一人逃脫

外其餘同黨要兇處決餘犯在押均未漏網尤幸地面穩固秩序無紊堪以告慰綺注承

示馬柱臣托喇偉卿代購手槍現喇營出發剿匪未回弟已去函詢問以俟接復後如何情形

卽當遵

囑照辦以副

尊命耳專復敬請

鑒安諸維

亮照

弟馬鴻逵鞠躬

●馬都統函

公瑾仁兄偉鑒頃展

還雲倍殷向日辰諗

旅祺第鹿

泰祉迎羊頌符肌忱弟忝領綏疆時切乾惕乃荷稱譽於蕭督處既感且慙馬子雲得委職銜

實爲榮幸

費神寄來聘書業已轉發謹敬領受矣除令子雲稟謝外祈

將感激之忱先爲代轉是所企盼至與

吳巡帥祝壽擬派 達兒前來俟啓行時再爲函達可耳專復卽頌

升祺惟

照不盡

弟馬福祥拜啓

●馬都統函

公謹仁兄大鑒尺帛頻通寸心猶結頃讀

惠翰壹是敬聆比維

履祺安燕至爲翹祝高諮議日前由綏返洛此間事想已備述小兒鴻達已於今晨赴保行將

來洛請

兄稍待俾面述一切統望

隨時照拂至爲致禱手泐奉佈敬頌

勛祺惟

照不備

愚弟馬福祥拜啓

●馬都統函

公謹仁兄大鑒經訊時通

麟儀倍企就諗

盞籌日懋

蒨祿雲蒸式符肌祝弟綏疆忝領胸已兩年栗碌徒形時艱莫補所幸雨暘時若轄部謐平藉

慰 錦懷耳承

囑李鄭羅三君既經我

兄推重諒必品學兼優惟軍官畢業須有正當職務乃無長才短駁之嫌此間財政困難局面狹小人滿爲患事少同嗟一切情形久在

洞悉恐無相宜之地可以位置賢能容徐圖謀以

報 台命尙望

鑒原是幸專復即頌

台祺惟希

朗照不備

弟馬福祥拜啓

●馬旅長來函

公謹先生偉鑒適奉

手書並

惠寄康南海先生墨寶拜領之餘緬感無似惟念

南海係吾國學界泰斗其吉光片羽頗不易得我

公愛適情深竟然以償素願光騰四壁情誼之隆真不啻錫我百朋敬佈區區望風謝謝至致

謝康公函俟達日內返綏後再行珍重肅書仍請我

公代轉聊伸景慕耳何君鳳藻返洛已謁巡帥及參謀長囑承吹噓尤爲銘感大局不靖風雲

變幻我

公消息靈通真相易得務望

時惠教言以資遵循是所盼禱肅此鳴謝順頌

台安

馬鴻逵鞠躬

●馬都統函

公謹仁兄惠鑒秋水兼葭正殷洄溯頃展

手畢益切心儀藉諭

勛共時隆

福隨秋健忻慰無量承

示 吳巡帥及諸友垂青盛意無任篆結時局艱難敢不共勉我

兄相期之殷與見愛之切尤令人銘感不已也至我族加入議員一節得我

兄毅力堅持熱心奔走又承 馮蕭劉各督軍函電贊助凡我穆民無不額手弟亦我族一份

子倘可盡力自爲應盡天職早聞新省對於此事頗不爲然前次

行旌蒞綏弟曾將此中情形詳述一切頃見新省議會纏回代表副議長及議員等通電對於
我

兄建議議員事頗致不滿之詞既係通電想我

兄業已入青弟擬俟軍務稍平當赴京保洛一行把晤非遙容當面罄專覆敬頌

勛祺諸惟

朗照不備

弟馬福祥拜啓

高參議祈 代致意

●馬旅長函

公瑾先生偉鑒前在都門曾覆一函想入

台鑒項接

華函備悉種切南海先生之對聯及函亦已收訖由此間專函鳴謝矣承

囑之件已將宛馬兩君均委本部副官以副台命茲將委任狀兩封郵寄尙希轉發祇領也特

覆卽頌

綏祺

馬鴻逵鞠躬

●馬都統電

洛陽同部代表李公瑾兄鑒漾電悉尊函尙未接到台端所論極臻高明應卽一致進行共維
大計此間托縣地方土匪竄擾昨經我軍擊斃三十餘名懸首示衆目下市面安靖豈是如常
知念併及馬福祥有印

●馬都統函

公謹仁兄大鑒鯉箋頻通鶴趾猶切頃展

蘭簡倍殷殷思藉稔

駿望日隆

鴻猷風樹引詹

喬采藻頌彌殷

台端通電業經讀悉

卓識偉見極爲欽遲目今大局飄搖國事靡甯選舉之行豈容稍緩弟已與王巡帥兩次聯銜
通電國會聲明利害一致維持矣馬君振濤既係漁樵觀察介弟又承
台端諄囑自當照委以副

雅誼諮議委狀一紙隨函附寄至希
查收轉交爲荷公密電碼甘肅各鎮並無此本專復順頌
日祺

弟馬福祥鞠躬

◎馬都統函

公謹仁兄顧問偉鑒頃讀

尊電欣悉

安抵洛陽

代陳下悃蒙

卽座嘉勉感篆無量弟明日卽回綏遠俟

高公來卽當商洽一切

郭張二公禮均荷晒收至感不盡之備告馬蓮樵轉達想早悉矣暇乞

教言時錫俾有取資尤所盼禱此頌

台安諸惟

心照不一

弟馬福祥手復

◎馬都統函

公謹仁兄顧問大鑒頃奉

惠書敬聆種切卽維

興居薦祐至爲慰祝日昨李君晤談一切均已聆悉其人極爲穩練此間地僻人繁且財政竭
蹶雖有好客之心愧無相當之地茲李君既屬

令友復重以

鼎言擬卽委爲諮議暫屈長才已飭備文敬再啓者正封緘時又展

惠書我族事

熱心籌畫佩慰良深我

兄奔走國事僕僕保洛道上尙希

爲時珍攝至爲跋禱茲將前函加封寄深卽祈

察閱再頌

勛祺

弟馬福祥又啓

附函一件

委任矣特此奉

達望釋

綺懷端覆敬頌

時祺不一

●滕祖閏函

公謹先生大鑒頃接

台函並附件均拜悉惟敝報現因改組擴充推廣銷路特公推我

公爲名譽社長擬請向 同族方面及駐汴吳張兩長官酌籌津貼以示永久維持無任感禱

再姚石荃督辦由弟介紹聘

公爲該署顧問所有聘書一紙隨函奉上卽祈

查收賜覆爲荷肅復敬請

台安

弟滕祖周拜啓

●蒙邊日報社公函

逕啓者本社現值改組擴充事務殷繁極需延攬名流共同贊助素仰

先生望重回疆熟悉邊事用特公推爲本社名譽社長凡關於對外交涉事宜悉由

先生全權主持尙祈

不吝教言以匡不逮是所至禱此致

李公謹先生

●李翰林函

公謹懷台大覽京師蒞止

檐帷暫駐終以未獲暢譚殊覺歉仄近來有何佳况想公順私遂遙爲欣慰茲有同鄉至好

趙知事震勳久隸綏遠早爲前都統所信任嗣因公禱職經

馬都統奏保開復因無年限非有勞績不准援例開復事未准行而馬都統總算恩上茲爲辦

張開復仍歸綏遠

馬都統一見頗爲念舊素知吾

弟與都統莫逆請便中專函吹噓如有寸進敢忘

君賜將履歷一份附

覽收到 惠福順候

節喜不戢

小兄麟頓首

◎馬教育部長函

公謹仁棣左右頃奉

惠書內附請願呈稿均誦悉翼德涼祚薄蹇及長男已不堪適敏眷抵京又知長孫于七月間在籍早殤造家不造一至于此天平天命也命也夫復何言惟有引咎自撙而已刻正料理運櫬諸事心緒焦亂對於修正文稿一節尙須稍假時日茲事關係重大非僅以一紙空文入院了事擬商院內有能力而有援助真誠者得有相當把握而後進行庶幾水到渠成不負我

棣數年奔馳之苦 尊意以爲然否翼本擬將解決時局管見條陳當道前託窺探前情意旨未荷道及想當道成竹在胸未容局外末參則亦可不強聒矣近晤訪巖參謀長否希便示及

僕落于利祿別無所求祇以國民一分子不忍神州陸沉故拳拳耳蘭譜奉上希晒存之餘不縷縷此請

潭安

壽峯諸兄囑書屏聯亦請略緩報命

如棠鄰翼頓首

◎馬都統函

公謹仁兄顧問偉鑒兩展

惠書敬聆壹是另函奉覆度入

籤曹卽維

興居多佳慰如私頌前

囑爲建亭寫信介紹於

蕭督軍一層茲已繕就荐書并致建亭函兩件附上卽希

轉交持去爲荷此頌

台安

弟馬福祥手啓

小兒鴻達派赴保定并往洛陽囑其拜謁藉談近狀諸希

關照爲荷

再頃西甯閣使致子雲一電因起行未得送譯原電附寄請卽轉馬子雲速譯盼

◎馬旅長函

公謹仁兄如晤頃披
手書一是心悉敬諭
福祉德祺

以時輯祐爲祝以頌承

示關心子寄呈

吳帥原函均已閱悉查白君岫生抵綏日淺從無委充要職關心子在弟處亦曾來信其內只說白君如何品性不正并未說與趙有關然其筆跡大意同出一手弟再詢查白君情形實係老大無能據稱關心子或係與其女有祕切關係以至懸空相誣方今人情亦所不免我兄既已代達

吳帥甚好白某在於敝部雖有書記名義亦非專持其人辦事故令其到洛謁

兄面加談詢當知一切真相耳

原函附繳請

收爲荷專此敬請

文祺諸維

愛照

弟馬鴻逵鞠啓

◎馬旅長函

再專啓者春間由洛來綏各學兵弟以借重操練起見委曲位置前後均委排長教練之職綏遠各軍欠餉均在十箇月以上弟以該學兵等初次作客不但每月餉清而且長支不少該各員內維第一營教練田俊山等數人學術優長性氣和平據說人甚謹慎其餘各員初頗勤慎以至日久生頑教練亦無起色而且任意外宿至三五日不歸各營長等直接不敢慢待每到弟處絮絮不休以至弟亦左右維難凡此情形統希我兄在於

張參謀長處婉爲代陳爲荷專此再請

文祉

鴻逵又及

◎馬都統函

回部公牘

公謹仁兄顧問偉鑒今晨郵寄一函并附馬子雲司令一電想轉交矣茲聞臣鎮使又來一電仍請

台端費神一轉爲荷此頌

近祺

弟福祥啓

◎白雲峯函

公謹先生大鑒久仰

鴻名未親

塵教私衷向慕莫可言宣恭維

勛祺叶吉

履祉延祥無量忻頌敬啓者日前小女在京因辭婚一節得罪小人致 吳帥處有匿名之信在若輩不論虛實計陷害誣以趙氏死黨不知弟自九年 到陝除迭次出差外均在省垣守候從未離陝西一步此所有歷年在陝公文函電逐一呈于 都統驗明自趙以迄今日并未與之一面小人平空捏造可恨已極蒙

先生顧念同教關照一切至爲心感草此致謝敬請

勛安

愚小弟白雲峯鞠躬

馬壽峯先生如在貴處代爲致意

◎馬都統函

公謹仁兄大鑒日前

台旆戾綏獲聆

大教垂注綦切至深紉篆惟以招待不周彌覺私衷慚歉近諭

福星載道

動定多佳慰如頌禱弟 歷六如恆乏穀足述近幸匪氣稍靖閭閻安刻正分布各軍肅清餘孽飭派專員督促禁煙但期早告成功俾可潔身引退綏區財源已陷絕境其他設施尤感困難詳細情形曾爲我

兄披告甘新之行藉可言旋倦飛知還夙有此願去歲甘事發生鄉人黨見紛歧莫衷壹是近者各鎮弟 雖經迭電勸譬恐從前痕跡未必渙然冰釋而地方各法團對於現任兩長攻擊尤

爲異常激烈經過情形已爲縷告不再贅及昨自我兄行後又復迭接敝省議會先後寄來通電宣言暨潘長自請辭職原文詞意堅絕誓達目的然亦潮流所趨母怪其然茲將各件分別檢寄卽希
鑒閱當知吾甘近來真相

玉帥擎天一柱德被四方心欽威望願切追隨將來建設大局端賴

玉帥主持弟賦性愚直倘遇知音甘爲效命

玉帥肝膽照人對弟垂愛尤切如有驅策願矢血誠圖報區區之意尙乞

便爲轉陳爲幸專函奉布祇頌

台安諸惟

心照不宣

愚弟馬福祥拜啓

●王巡閱使函

逕復者頃接

台函祇聆種切讜言極佩惟選舉問題中樞政治敝署向不干涉請卽逕向參衆兩院陳請可

也此復卽頌

台祉

熱察綏巡閱使行署啓

●郭軍門函

公謹仁兄大人偉鑒夙慕

鴻名未覩

駿采荷

錦軸之遙頒逾恆

藻飾蕪瓣香而膜拜感切蕪衷就維

蓋籌日綸

道履春融爲頌無量弟駐葉數載毫無建樹前承

惠贈對聯兩軸當卽懸之廳廡以光

寵錫旋以魯寶股匪竄擾葉境連日督率所部跟踪剿擊戎馬倥傯未能卽肅謝忱不勝抱慊
先生明達當能見原也專肅佈謝祇請

道安

弟郭振才鞠躬

馬都統函

公謹仁兄顧問大鑒正切馳思忽披

鯉翰即諭

升猷日懋

履祉霞蒸式孚頌忱弟忝領綏區如常庸碌幸公私翰順藉堪告慰

錦懷 張趙二君履歷尚未收到既爲

台端所推許諒必練達老成才識優長茲已如

命借重以名譽諮議委任狀隨函寄來即希

查收分別轉交是荷現屆歲改

尊處近況必佳便中

時惠數行尤所企盼專復即頌

台祺惟

照不盡

弟馬福祥拜啓

附委任狀二件

馬團長函

公謹代表大人偉鑒自親

芝範良慰葵傾比維

清祺宣粵

福履綏蘇允孚私頌斌握別登車迴憶此次來洛深荷

關垂並叨

廣廈之帡幪久擾

雲廚之盛饌復承

惠寄陸軍校閱攝影紀一本感激之忱匪言可喻擬即修函以伸謝悃祇以抵京酬酢紛冗加以歡迎馬鎮守使未遑握管歉甚歉甚現馬使暫寓甘督駐京辦公處承囑馬使各語因來敝寓華北旅社敘談之間 斌已詳告諒亦不致應對失次尙祈

放心城因離防日久於花月一日起程二日抵綏晉謁都統報告在洛迭承代表如何照拂並

吳使處代

都統如何說項聞之甚爲感佩惟緊要之語因時已晚未及陳聞方冀次日再爲詳稟詎城在車感受濕熱忽然頭目眩暈服藥十餘劑今覺少愈爰修寸函敬爲鳴謝併將別後大概上陳垂鑒其餘情形容另馳報尤祈不我

見棄時錫

教誨俾免隕越無任禱切肅頌

勳祺統冀

崇譽

馬斌謹上

●甯夏鎮守使函

公謹仁兄先生大鑒前承

寄電茲奉

惠函展誦迴環備感

廬注 曹帥老成碩望勛德兼隆以膺元首特權固屬公義應爾况賓交聯兩世受恩尤深擁戴之忱何待言喻催促議員代表 敝處未便專擅已電請陸督轉催各員進行矣

吳帥爲當代偉人其憂國憂民力謀統一實爲遠近所共仰賓年來恆欲趨謁以慰離懷只因邊事倥傯未克分身歲月滔滔殊可歎也 南海先生名震中外著作等身賓向嘗讀其文章迄未見其書法也茲賴我

兄紹介遠贈對聯孔文舉亦知人間有劉豫州榮幸奚似其聯琳瑯滿紙光彩映人昔人云橐中有廬陵五代史稿足以自豪今 賓壁間有南海手書墨寶亦足以自豪矣將來 先生若果西來自當極端歡迎籍聆塵教附上謝幀一封請

代達爲荷此間地面安堵惟後套匪氛不靖陝北警耗頻聞鄰封關係籌防籌勦頗形忙碌所幸如恆頑健尙覺勞而不疲也南望嵩雲恆殷馳系專此佈覆敬頌

台祺

弟馬鴻賓頓啓

●馬都統函

公謹仁兄大鑒頃展

惠書備承

眷注

蓋籌碩畫敬佩良深就諭

佐治功高

宣猷丕懋

清暉引企曷罄頌私川局底定長江益形鞏固統一之期當不在遠日前派達兒赴洛代表祝嘏計程諒已

晤面一切事宜已囑其委爲接洽尙祈分神照應爲荷手泐奉覆敬頌

勛祺惟

照不具

愚弟馬福祥拜啓

●甘肅回族公民情願書

北京大總統國務院參衆兩院洛陽吳巡閱使李公謹先生太原喬子承先生均鑒新督楊增新擅殺喀什提督馬福興一案遞經馬福興之妻馬瑞珍暨同部全權代表李謙等先後電陳諒蒙鑒及敝會地界西郵毘連新境種族地理關聯尤切竊以此事於中央威信國家法紀邊疆大局關係綦重故有不容已於言者查楊督罪狀馬福興六款虛辭捏誣毫無實據事後片面掩飾之辭本無申辯價值唯楊督身受馬福興翼護以有今日忍以慘毒手段施諸同澤同鄉之人實因中央迭以上將舒威將軍七獅軍刀錫馬惡其勲名曰隆大觸楊督妬忌耳現聞本省陸督軍奉令委員赴新澈查是非虛實不難水落石出惟馬福興之罪誰爲判決卽云有罪豈遽應死卽云應死軍事審判上有一定之程序豈可以邊疆重鎮甫經中央褒賞之提督大員功罪未明竟以妬忌之私執而戮之者不依法律之手續擅殺甫經懋賞之邊將目中尙有中央乎心中尙畏法紀乎此例一開邊防軍官稍有威名稍著勲勞者孰不人人自危現甘新兩省同族中服務軍界者均側耳拭目靜候此事之解決相彼雨雪先及微軀冤死狐悲物傷其類此亦人情所極難恕置者也若竟以一查塞責而切慮西北大局從此多事矣而切願錄座及各當局主持公道以洗沉冤而整風紀敝會同人不能翹企待命之至甘肅回教俱進

會隴支部回教聯合會叩

◎馬都統函

公謹仁兄左右頃展

手書藉悉

台從刻已蒞洛

賢勞懋著佩慰良殷子雲電

費神交到甚慰且感達兒前日赴保偶染微疾且以京漢火車不通故暫回京就醫車通即來洛陽知注特聞手此佈復順頌

台祺

弟馬福祥拜啓

◎馬旅長函

公謹願問仁兄惠鑒保洛于役獲親

霽色幸挹

和光之下彼不禁履蹈之維虔重叨

佳餽拜嘉孔厚臨風結戀與日俱深辰維

福隨春茂

德與日新爲頌弟此番晉謁仰賴

鼎力旣蒙

巡帥之優渥復荷張參謀長之慇懃歸述家嚴感無既極且對張公異常欽嚮又以久未晤面引爲憾事已分函鳴謝想登

籤閣今年

巡帥大衍誕辰此間擬撰壽文藉伸賀忱而

帥座大概偉功略知一二其詳細事蹟仍未明悉尙希費神開示節略

擲下俾資握管又承

台端噓植暨張參謀長之贊助俯蒙

巡帥不擇細流得造門牆瞻眄幄席趨承親侍自此枯楊逢春旱苗得雨將來如有造就皆我兄暨張公之賜其銘感爲何如也邇時因年關在卽部屬庶務端賴清釐匆匆回防以故應

呈敬帖未獲奉

上祈商同張公此帖或由郵呈抑或俟弟視暇時面遞

函示祇遵再馬步青君之諮議委狀尙未奉到請相機催促早日發表俾得轉發祇領無任盼切情長楮短不盡之言相晤時再爲詳敘專此鳴謝卽頌

春祺諸維

愛照不既

愚弟馬鴻逵鞠躬

◎馬都統函

公謹仁兄顧問大鑒接展

手書敬悉

起居增勝爲慰無量我

兄熱心公益備致辛勞百折千回不渝素志望風領手無任欽遲前次 塔總裁來書所述想係蒞任伊始未及稽考所致是非有真何損盛望此次國會重開組織憲法百年大計五族所

關我

兄代表穆民力爭議席

宏謨遠慮補救維持弟亦吾族一分子公民權利所關焉敢不勉惟思議員隸立法範圍而選舉又另有機關管轄弟職司行政責在治軍苟爲出位之言或來橫議之誚於事無補徒招反動此事既經 吳玉帥專函紹介似宜就近聯絡議員請願國會事從根本解決乃克有濟惟查此次我

兄請願書銜名係屬八部代表新省我族人數實居最多議院中聞新人亦佔有數席茲事關係重大將來部院必徵及新省意見至乞特別注意我

兄諳達通明運用敏活必有

碩畫盡籌以善其後也專佈區區統祈

見察覆頌

勳祺

弟馬福祥拜啓

不盡之言筆難曲達統囑樂山面罄祈 賜接洽爲荷

●公府總指揮使函

恭謹仁弟執事前接

手書藉悉

起居多福慰如所頌所屬一節兄自應竭力幫忙惟近日

主座以裁員爲宗旨公府中決不肯再添一人未敢冒昧進言只好俟有機緣徐圖設法方
命之處幸原諒之此覆順頌

台綏

小兄徐邦傑啓

●馬都統函

公謹仁兄閣下頃 高諮議到綏兩奉

華函敬悉一切並荷

憲送多珍實不敢當然却之又恐不恭是以謹照拜領五中銘篆莫可名言 高君英華發越
極見明通對於

台端之力維弟事及 玉帥之不信總言各節談之甚詳惟弟年來奔馳朔漠宦味飽嘗功名之
心已甚淡泊值此世俗淺薄人心險詐之際計惟有是非審之於己毀譽聽之於人得失安之
於數以待彼蒼之安排而已前之匿名函件是否爲捏造誣毀

來函畢燭其奸已可無庸再辯好在 玉帥秦鏡高懸溫犀亮照且有

台端殷殷關注從旁維持則此等破壞之人當亦無從施其奸謀矣請願書三遞國會已可謂
力竭聲嘶自宜靜聽公決再行設法前存寄

尊處之物已煩

台端酌量分送並添配枸杞蓐菇絨鞋等物極佩周道瑣費

清神殊深感承

囑建築西北道路一節洵爲當今經營邊務最要之政弟忝司邊政極爲贊同所有一切詳情
已託 高君同洛時當面陳述茲不複贅專此奉覆並鳴謝忱敬頌

偉祺諸希

愛照

愚弟馬福祥鞠躬

●南陽同族公民函

公瑾大人鈞鑒久仰

斗山未就

道範聞敝縣李阿衡備述

台端寄付公啓欣悉我

公關懷同族情誼權利使同族放光明欣感之餘欽佩莫名方客歲北遊京師敝同鄉參議員楊子猷君繕給荐信回縣辦選舉事務所事宜方在京要同志等多人磋商選舉前途當由宛屬多縣同志創立一協志會以結團體嗣各求荐信回縣辦理選舉以爲初選得票地步并責成每人必須聯絡三五張基本票覆選可操必勝之券矣但初選手續實不明瞭是否將同族選民另編一冊方思我

公既有此志若於他縣同教中新學界之人組織一團體我

公援助初選使均當選覆選自不待言如此我回族既加入國會有言論權將來爲同族改良教規教育後進未見竟長此回教如今日之腐敗也是否有當敬希

鈞裁并請

勛安 候示

名另肅

●鐵福林來函

公老鈞鑒在鄭會場拜別急急未得親送甚覺抱愧散會後四方公請馬公等均已親到當天晚車北上此次在鄭眞將我 公代表本部數年之苦心譚盡看情形以後各處又是一樣言論也將來定能達到美滿目的以後爲有用弟之事賜委遵行辦理特此奉達祇頌勛安

諸位同事先生均此致意不另

教小弟 鐵福林鞠躬

●喇品貴來函

公謹仁兄惠鑒聘書並

華箋均已奉到感謝感謝

巡師謝恩函電並張李白郭白齊致謝信已於同日發起矣堪告

錦念惟弟以菲葑下材謬膺聘席不僅弟感激萬分卽我同教中諸昆弟莫不同聲歡頌景仰我

兄之德望也追加議員辦法丁兄到日面陳如能達到目的萬幸之至
陸督軍竹對日已奉上矣少翰於古全月初八九日到省若有要事
示知遵辦 敬鳴謝忱恭請

勞安並候

辦公處諸同人先生公安

教弟喇品貴上言

◎甘肅陸督軍函

逕復者遙隔

光儀倏更歲序方馳思之欲達適

經訊之先頌且以喬丁二君前歲到甘草草歡迎深虞疏略乃承

齒及益覺慚惶敬維

聞望兼隆

勛華益楸

樹建威消萌之績久著賢勞

貢經文緯武之才共欽幹略引譽

喬采曷罄鋪芬弟 忝綰疆符時懷鼎餽差幸塵清隴坂鳩拙藉藏佇期
春滿嵩山

鴻規遠錫丁諮議護照已收到註銷矣併以附陳此復順頌

台祺惟

照不備

陸洪濤復啓

◎馬統領函

公翁仁棠惠鑒昨奉

函示鹽誦敬悉近維

旅祉秋高

鼎祐篤慶爲頌此番綻華軒前來拜謁備荷我

兄多方設法面面周到既請領護照於帥署復助川資及電費并委華軒爲職員乃又派員遠
送以利旅行似此

仁至義盡感何可言然

兄之惠弟多矣惟所需之款雖有通財之義弟當另思圖報耳現仍住原防以待時機幸托福曜防務均如常寧靜知關

廬系併以附

聞俟有確切情形容當續佈肅此順候 旅綏唯

照不戢

如弟馬國棟謹啓

●甘肅回族公民函

李總代表先生鈞鑒前接

貴代表 來函遷安縣清真寺敝縣回族公民公同會議公同表決絕計懇請

貴代表將遷安山鄉小縣加入回族代表之末以便促成五族共和之本旨倘日後有何事故敝縣代表願遂

諸公之後羣策羣力一意力征以完成五族共和之名實相符 倘有賜 函逕寄遷安縣代表穆成憲可也餘無多陳即請

諸同志大安

(來函寄遷安縣此關穆宅交穆成憲即妥)

遷安縣回族全權代表穆成憲鞠躬

附啓者弟之此信並衆人公函適投呈之際忽見電報選定

曹帥爲總統聞之歡幸萬分俯思我

兄對於選政煞費心血是以敝族莫不同聲歡應函呈

曹吳兩帥暨各省督軍一致進行茲欣衆氓雲集一呼千應得美滿之結果造無窮之福澤我兄之力亦復不尠敝族人民莫不歡聲歌功頌德焚香以謝之也至弟無學無識凡承委辦事件無不竭盡心力用副友誼茲敝族同人擬電賀

大總統以伸同慶此外如有進行事宜務祈速函示知照辦不誤再

馬閣臣馬玉卿馬少翰三鎮使擬於陰九月二十日晉省務請隨時接洽至馬子雲團長爲人簡練重義輕財諸凡可交再有教末馬有智務祈在辦公處委一參議前函遺漏故而補請至於弟之要求務望留心總期達到目的爲要聞馬玉卿軍門晉京後擬赴洛陽云云肅此一併奉聞敬請

升安崢候

回示

品貴又啓

●甘肅鎮守使函

公謹仁兄大人閣下久仰

鴻名未親

警欬嵩雲汴水向往彌殷迭奉

華箋并辱

惠康君所題楹帖拜登之下紉感靡涯辰維

譽望延鴻

興居集燕翹詹

台曜式叶頌私弟庸櫟滋慚軍符忝綰邊隅僻處無補時艱所幸轄境又安聊藏鳩拙堪紓

遠注比月中央政局又復波譎雲詭共和成立瞬經一紀飄搖風雨机杼至今瞻念前途杞憂

曷已承示各節具見

蘊籌碩畫貺我方鍼

關愛情深五中篆結惟茲事體大陸帥早已通電中樞我輩分居屬僚無不翕然一致茲荷示及敬以縷

聞康先生處煩代申謝恕不另函也肅泐佈復祇頌 台安惟

照不備

愚弟馬麟拜啓

●馬統領函

公翁仁兄惠鑒昨寄快郵一件聊叙此次克復青平戰況計邀

丙照近維

福履春和

鼎祉日蕃爲頌依近日俗例每於春節之前尙有慶賀之典其時正值戎馬倥匆未遑及此諒兄亦不以此介意也惟

巡帥位崇望重本應叩賀弟現居微職又不敢妄自攀附殊深歉仄當弟休兵平武之時旋據探稱敵軍又乘此機分兵三路前來反攻即一面分兵防守平城一面率隊亦分三路迎擊但

初至此間人地兩生所經之處皆係深谷崇山險阻艱難較前番爲尤甚所幸部下士兵跋山涉水尙能奮往進行亦不亞於川軍再接再厲所向克捷故於二十日克復硤磻塢敵已潰退乘勢追擊二十八日又克復舊堡子敵再奔潰卽乘勢而下二十九日又克復水晶站并土城子等處敵雖退却然相去不遠至三十日又復進攻至水晶堡敵死力相抗我軍亦奮不顧身極力撲攻數次始將此堡克復然此次敵勢雖挫其力尙厚渠魁亦未剪除現已退入松潘境上之小河地方盤踞弟意已成窮寇之勢故亦再未追擊祇將業經克復之各要隘分兵嚴防俟其動作情形如何或戰或守再相機圖之語云蜀人多詐蜀道多難此次行軍親歷其境二者皆爲明證矣特此併聞順候

台綏

愚弟馬國棟頓啓

●李向高函

公謹鄉台先生大人尊右日前在洛親承

偉度仰荷

寵召愧不敢膺刻誌

道隆兩河

名昭殊俗忝在

知愛倍用欽服向高微官追逐了乏寸進自許移汴依然故吾每念

塵教之摯諄輒覺沐

風而長養心儀洛水神其馳思向高念五離洛當晚抵省一路託庇公私差順仍祈

教言時賜匡我前程尤所至盼專箋申謝祇頌

勛安

鄉晚李向高再拜

暢翁處祈代致意

●馮督軍賀電函

回部總代表鑒節序天中釐迎卓午遙瞻塵範式洽頌忱特此馳賀馮玉祥

●白景昇函

恭謹教兄先生台鑒久未音候時刻慕想先生不惜勞力倡設回部凡我同族未有不響應電致政府矣尙不知政府對於此件現屬如何情形仍祈

示知爲荷再者敝方前領首去電之少社首袁邦俊年方二十六歲以中師二校畢業學識高尚少年老成兼寫算均佳刻充敝方小學教員奈屬寒家碍難上進渠與現充綏遠都統署文牘員袁愚梅先生舊交渠曾去信託謀枝棲信覆囑告非有與都統至交大帽人員薦信都統難以賜差祈 先生念同教之誼費神位置一二或於馬都統寫一薦信寄來弟着持信赴綏親見都統以便求棲倘袁某藉此稍有上進不惟渠闔家承情弟亦感德無已矣專此特託恭候勛安

愚弟 白景昇謹上

◎魏廳長來函

公謹仁大人閣下一昨道出東洛遠勞 台端率衆迎送并賜珍餐

厚意隆情感何可量別後十一下午抵京又承總理派代表警監派隊士及議員各界諸友以軍樂歡迎道左自維驚鈍有何德能迺蒙

謬愛逾格之榮深滋惴惴惟有益加修省愛鄉愛國期以仰副

雅望如關

注念先此奉達并布謝忱順頌

嘉祥

愚弟 魏聯芳拜啓

◎耿處長函

貴教名著四種微

公之惠獲與拜讀受益良多茲敬璧還外有敝師長致我

公乙函並呈

左右統望

查收更有懇者克蘭聖經亦弟所樂讀者嚆昔曾就英文譯本草略一讀未得其詳不知有中
文譯本否有之願購一冊以備頌讀敬希 示知爲

惠多矣謹陳並頌

鈞綏

耿傑昭再拜

公瑾先生足下

◎喬參議函

公謹仁兄總代表鈞鑒兩次拍電想均

入覽矣弟叩別來甘宣揚 曹總統 吳巡帥德意甘督長鎮處道各鉅公賢隴回支部全體民族莫不欽仰贊頌一致頃向業經將推戴之忱各發函電矣弟猥以菲材忝膺重寄則凡愚慮所及有可以壯國家之勢救大局之危者曷敢不勉竭駑駘以効獻曝之忱途中欣悉大總統就職先得我心焉而一念及統一之大勢如陝之雜軍川之戰訊東南各軍之逞勢騶張是大局之在今日紛如逐鹿中原前途茫茫飄搖堪虞自非我

巡帥孰克掃除腥膻而能統一大局者竊思夏禹之格苗民桓公之合諸侯一以武力爲後盾一以和平爲前提收效皆在指顧之間弟自入甘以來攷甘地形之關係實能遠制番藏近控秦蜀西綰回疆北扼蒙部固爲西北之鎖鑰洵爲中央之屏翰矧有甘軍素稱精銳有禦敵之勇無潰却之虞倘能擢用必可爲強有力之軍隊不惟免西顧之憂誠可作後勁之助有事調爲援軍無事仍防邊圉西北一隅既可永保無虞東南各方將必望風歸來果能以武力之先聲副和平之手段合禹桓之策爲統一之計似於大局不無少裨弟已與甘督長鎮處道各鉅公磋商協議卽希斟酌情形轉呈大總統 吳巡帥鑒核示遵不勝禱切專肅敬請

勛綏併候

俊卿壽峯均安

愚弟 喬烈躬鞠

附開極端贊成出力要人

陸長齡 (江蘇銅山人荐任職甘督陸之長公子)

王學伊 (二等嘉禾章前進士出身歷任甘府道三十餘載現任警務處處長爲省垣機要人資格最老在督署襄辦者)

韓謙 (前優拔出身實缺知事在甘歷任二十多年前前西軍參謀長現充警務處秘書長各界均有聲望對於此議悉心擘畫尤爲出力)

許林 (甘垣乾豐銀行經理督省署各機關要人多有交接熱心維持之友)

以上省垣督省軍警政商之要人

馬振堃 (三等嘉禾章前舉人出身歷任府道多年現任甘涼道尹爲涼州鎮署襄辦者)

馬國良 (前馬護軍使安良之胞弟陸軍中將現任西軍全軍幫統戰功頗爲西軍威望者)

馬斌廷 (涼鎮使馬少翰之胞弟現充西軍分統爲西軍衆望者馬少翰前爲公府衛侍武官

直督曹帥之諮議其弟廷斌能否呈請總統援照給予名譽是幸)
以上涼州鎮道精銳西軍要人

馬麟(陸軍中將銜陸軍少將甯海軍幫統戰績甚多西寧鎮使馬閣臣之胞弟也字勛臣)
馬爲良(陸軍步兵上校甘邊寧海軍巡防分統)

袁國治(六等嘉禾章甯海巡防馬步全軍營務處)

以上甯海鎮使甘邊甯海軍要人

馬紹先(陸軍上校現任甘州鎮使巡防分統甘鎮馬玉卿之姪子)

馬鍾麟(隴回支部座辦會長襄正會長甘鎮使馬玉卿辦理省垣清真教育公款併隴支部事務兼督省兩署諮議會代表隴回民族致電推戴總統巡帥各情在案)
喇品貴(陸軍騎兵上校甘督署參事省署諮議隴回系要人)

以上甘州鎮使巡防軍暨全省回隴支部要人

馬福壽(甘北昭武軍統領兼巡防軍司令陸軍中將馬雲亭之三胞兄爲隴北威望者)
馬顯圖(寧夏軍幫統寧夏鎮使馬子寅之弟陸軍上校)

邢克讓(三等嘉禾章財政部二等獎章農商部顧問綏遠都統署顧問綏遠總商會會長乾豐商業銀行總理通盛遠錢莊總理經濟大家爲綏遠寧夏銀行各處信用要人)

王世龍(寧夏隴北回部聲望者現雲亭子寅聘爲寧夏清真大寺掌校)

以上綏遠都署寧夏鎮使暨隴北回部要人

所呈各節希向

兩極峯處分別保舉晉級或名譽是所至盼倘蒙

俞允給予信任以示鼓勵回族幸甚西北幸甚

愚弟 喬烈謹呈

●南陽鎮守使函

公謹仁兄大人閣下睽違

芝字未識

荊州緬想

鴻儀時榮燈悃敬維

東都著績

節署宣猷翹企

英風曷勝葵向弟宛南忝鎮栗碌如恆幸防務救平地方安謐尙堪告慰耳西風多便敢祈

雅教常頒俾有遵循盼禱肅泐奉布祇請

升安恭費

歲釐

愚弟馬志敏頓首

●葉縣知事函

公翁先生賜鑒昨奉

鈞函敬悉種切猥以疎庸辱蒙

栽植

關垂逾格感荷彌殷惟當奮勉自持以圖仰會

雲情於萬一弟自到

貴縣後適值李馬二軍門換防無幾范明新杆匪過境派隊堵擊打獲肉票七人馬匹數頭快

槍三支旋十四師及陝軍均派隊到葉大軍雲集供應浩繁爲時無幾老洋人等竄入汝寶旋又南竄大軍繼續追蹤無不過葉每日迎接軍隊籌備給養大有山陰道上之勢到葉數月未能與地方振興實利心殊悵惘至於革除陋規係弟應辦之事過蒙

藻飾益增慚愧現下地面平靜差堪告慰

廬系各區保衛及清鄉均已實行辦理俾得守望相助同資扞衛於地方不無裨益惟望不遺在遠

時賜箴規以資遵循是爲盼禱專此敬頌

崇安恭賀

年禧諸惟

亮鑒

弟秦起忠躬鞠

●河南省長函

逕復者接展

台函並附碑文呈詞暨抄粘紅契各件藉悉一是查固始縣扒毀清真寺一案前據該縣回民

代表馬燁等迭呈暨上海清真寺董事會來函飭據該縣以勸明該寺後牆與東城牆垣相距僅二尺之譜其爲官地毫無疑義今若就該寺遺址准其重修不特侵佔官地亦且妨害城防如該回民等情殷禮拜僅可另擇相當地點重建該寺爲一勞永逸之謀等情呈復當經指令該縣轉飭該代表馬燁等遵照並明晰批示在案准函前因除再抄發原件令飭該縣新任錢知事澈查擬復核奪外用特函復

台端查照並希轉知

開封中國回教俱進會暨固始縣回民代表等查照此復順頌

公綏

河南省長公署啓

◎郭軍門函

恭謹仁兄大人偉鑒久仰

芳名未獲把晤翹瞻

芝采彌切欽馳就維

勛祉增祥

履祺介懋爲無量頌弟驚鈍懷慚鴉軍忝領悵匪氛之不靖愧剿捕之無方幸托

福庇數月來迭經痛擊囊葉一帶稍覺安謐差足告慰茲李君香齋赴都之便聊肅蕪函藉達

鄙意尙祈

不遺在遠

時惠箴言以匡不逮是所拜禱專此敬請 勛安惟希

愛照百益

愚弟 郭振才鞠躬

◎楊積勛函

公謹先生台鑒昨晚七點北京大總統命令直魯豫巡閱使已發表兩湖爲蕭耀南繼任蘇皖贛爲齊燮元直魯豫副使爲王承斌繼任直隸幫辦軍務爲十五師長彭壽莘充任專此奉聞敬請

早安

弟楊積勛拜

◎胡師長函

公瑾兄鑒 惠書誦悉已令馬團長飭屬所扣槍彈全數交還矣敬頌

台安

愚弟胡景翼頓首

附開甘省對於弟意統一大計極端贊成出力之樞要人員姓名於左

王學伊（字平山二等嘉禾章前進士出身歷任甘府道三十餘載現任警務處處長爲省垣機要之人對於此出力在蘭垣極峯處襄辦者）

韓謙（字竹君前優拔出身實缺知事在甘歷任二十多年前西軍參謀長現充警務處祕書長漢回軍警政紳均有聯絡對於此議悉心擘畫尤爲出力）

馬振堃（字漁權三等嘉禾章前舉人出身歷任府道多年現任甘涼道尹爲涼州鎮署機要人襄辦此議極表同情）

馬國良（前馬護軍使安良之胞弟陸軍中將現充西軍全軍幫統戰功頗多爲西軍重要者倘蒙 巡帥給予名譽必能圖効）

馬廷斌（涼鎮使馬少翰之胞弟現充西軍分統爲西軍衆望者）

馬少翰前爲公府衛侍武官直督曹帥之諮議其弟廷斌能否呈請總統援照給予名譽是幸

馬麟（字勛臣陸軍少將甯海軍幫統戰績甚多西甯鎮使馬閣臣之胞弟也）

馬紹先（字盡臣陸軍上校現任甘州鎮使巡防分統爲甘鎮馬玉卿之得力者）

馬鍾麟（字玉吾現充隴回支部坐辦會長襄正會長甘鎮使馬玉卿辦理省垣公款併隴支部事爲甘鎮使玉卿之得力者兼充甘督省兩署諮議代表全體推戴巡帥各情在案）

馬福壽（馬雲亭之三胞兄甯夏鎮使新軍司令陸軍中將爲甘北之聲望者）

邢克讓（字揖卿三等嘉禾章農商部顧問財政部二等獎章綏遠都統署顧問綏遠商會會長甘省寧夏鎮銀行總理爲雲亭子寅處信用者）

許林（字蔚青甘垣銀行總理於各界全有聯絡對於此議出力鼓吹甘垣軍政各界之樞紐友人）

以上所呈希向

兩峯處分別保舉晉級或名譽是所至盼

此次來甘當道各鉅公軍警政商各界均表同情

●葉縣知事函

公瑾仁兄先生台鑒久仰

鴻儀未獲親炙臨風翹慕與日俱深頃奉

華翰如得拱璧展誦之下欣悉

起居篤祐

康濟匡時仰企

清暉曷勝佩服惟過承

藻飾愧不敢承耳弟忝領

珂鄉駒逾兩月才輕任重建樹猶虛貽譏素餐良用慚悚現幸境內匪氛漸就歛息刻正著手

清鄉以圖善後未知收效如何

先生高才宏識素裕謀猷尙希

惠錫南鍼以匡不逮爲幸泐復敬請勛安惟希

亮照不宣

愚弟鄧良材鞠躬

●洪團長函

公謹仁兄大人偉鑒青門握別六載於茲緬想

鴻儀正殷鵠望頃於禹縣公署突見

執事銜片欣諭

參贊戎機

謀猷軍政

展澄清之素志

圖國家之安全引企

樽輝莫名藻頌弟樛櫟庸材空懷大志回憶陳督不道肆意羅織乃以

台端之關係致犯亂黨之嫌疑拘押半載料無生理幸託友朋解救始獲安然脫險然從此意
冷心灰決不欲再出問世無如時勢逼人迫而仍作馮婦初則濫竿樊軍繼隨尙友遊豫客歲
直奉戰起陝軍奉調出關爾時涪川荏苒遍地民不聊生目擊心傷不忍袖視弟爲涪民請命
赴鄭求兵剿辦好在 曹旅長俊夫關懷民瘼俯允所請當卽督隊赴涪遂得轉危爲安事定

論功行賞授以連長職任現在諸事平順上下亦極融洽此弟連年輕過暨目前所處之大概情形也知關

錦注詳以奉聞再 嫂夫人仙逝後不知已續絃否令媛是否成人令友岳秋圃暨敝親常某刻在何處作何職務統希

示知用釋愚系忝屬

契末公餘之暇尙祈

教言時錫以匡不逮爲荷專肅虔請

勛祺並乞

愛照勿宣

愚弟 洪海珊謹啓

●蔡督軍函

公謹仁兄台鑒奉誦

惠翰恍挹

光儀就驗

道祺總吉

聞譽昭宣獻歲發春爲頌無量承

示景德鎮清真寺園地一節業經令飭浮梁縣知事查明辦理俟復到再行奉

聞專復順頌

時綏

弟 蔡成勳啓

●同族公民來函

代表大人鈞鑒敬啓者客歲連奉

鈞翰深見吾

公秉諸大義爲穆民圖謀幸福之至意望風欽佩無任虔禱惟晚等多事鄉野卒未致函當軸共盡綿薄至今爲歉竊查民四自國會解散旋復召集後竟以同族議員物故缺席尋未增加致我堂堂一部已失應享之公權頻年以來國會重新而我族議員幾成缺例全國同人如寒蟬杖馬未聞一鳴所賴吾

公申明大義挺力競爭恢復同族議員之成法仰見九千萬人民尙有一大偉人在維持治安

鞏固國基立功立德當永垂不朽全國同人榮幸何極武都僻處邊徼風氣晚開惟吾教人煙稀少異常孤單加之堅守陋習新智未啓社會程度之腐敗已達極點晚等年少才劣愧無補於當局欲奮迹遠圖奈宗教限制無機可乘長此靡振設列族强大盼願稱雄誠恐吾教前途大有不堪設想之勢吾

公遠在萬里痛癢攸關想此現狀當亦難忍於心伏願時賜

教言俾僻野之人得遠沐

恩惠或吾教前途亦大有榮幸矣肅修草函敬候

公祺并乞

惠而好我

者尙先

教晚高至善謹啓

馬清麟

◎馬鎮守使函

公謹仁兄大人鑒頃奉

手書匆匆未復良用歉然比稔

起居納祐

餐衛適宜爲祝無量

南海先生名震中外猷也何敢仰攀辱承

吹噓叨惠墨寶懸之堂上龍蛇盤拏驚寵之餘並感曹邱之悠揚也茲謹具函申謝略布微忱請迅予轉達是所至禱

南海先生如果

惠然肯來麒自當竭誠款待以申

尊賢之意端此鳴謝卽請

勛安不宣

愚弟馬 麒鞠躬

◎馬統領函

公翁如棠惠鑒昨由家兄處轉寄

函示捧誦之餘聆悉種切敬維

公綏延釐

鼎祐叶鬯載忻以頌此番

巡帥壽辰有煩

尊神代家兄與弟籌辦壽儀及壽屏壽聯等件筆墨有光榮幸無既愈見我

兄周詳妥洽綢繆易勝并開清單示知亦太覺客氣矣所需各用款俟至天水即付郵奉上弟
自出發以來沿途均托

樾蔭一是平順於舊歷四月初間平抵中壩與川軍接戰一次幸獲勝利我軍刻已分駐
平武及青川白石鋪等處稍一休息聽候敝

總司令命令再圖進行耳特肅奉

聞兼鳴謝悃順頌

台綏唯希

亮察

如弟馬國棟肅啓

●熱河回族公民來函

公謹仁兄大人青鑒弟因公出差日昨始行回署奉讀

大扎敬悉前薦之學生三人已蒙

鼎力送入九團練習伊等來信并悉我兄逾格優待弟聆悉

之下感激莫名弟所提議集京乙節本擬自備資斧蓋若由

貴處籌辦不但不易籌措將來目的達到人法問題亦想我

兄苦於安置故在弟之意集京之舉同人如果贊成川資統由自備一則可以鑑別勤於教務

是否熱心一則亦可以示限制弟意如斯未審我

兄以爲然否至承囑分函各處弟已如命辦理我

兄回族

泰斗仍望竭力提倡以期早日集京藉促進行是所至盼肅此敬請

鈞祺 附呈小片十張乞分致同人爲荷

小弟李華鞠躬

●馬道尹函

公謹仁兄先生偉鑒久仰

鴻儀時深蟻慕恨山川之阻隔益夢轂之縈迴頃由喇和卿處寄到

尊書楹聯筋骨健勁舒卷自如已得晉唐之奧時賢殆不逮也拜嘉之餘佩仰何極敬維

偉望光照

殊猷卓越引瞻

吉曜曷勝頌私弟分司甘涼毫無建樹感駒光之如擲徒鶴俸之虛糜所幸屬疆綏謐差堪奉告耳肅函鳴

謝敬請

勛安諸惟

鑒照不備

愚弟馬振堃頓啓

◎馬鎮守使函

公謹仁兄先生閣下頃奉

大函承

示前月小兒到洛蒙

台端介紹一切及

吳帥對於吾教人才開誠布公推心相待情形既佩

吳帥海涵地負之淵衷尤感我

公愛屋及鳥之盛意五衷銘泐匪可言宣我

公以穆教之先知作

將軍之名幕對於國家大局既具匡扶危亂之心思對於我教人民尤有共享利權之目的前讀請願國會增加回部議員之提議

宏猷卓識無任欽遲此事得

賢者爲之提倡將來必能見諸實行敢爲預決弟備位湟邊慚無建樹近因庫倫北陷蒙事日非對於藏衛邊防尤不得不急圖補救青海爲甘藏交通之要塞若不及時設備庫倫卽屬前車頃已草就經營意見數條上陳

吳帥我

公晉謁之次倘蒙詢及務祈

俯賜贊成請

吳帥致電

政府一予維持則甘邊幸甚大局幸甚

麟鴻有便並乞

時賜教言匡所不逮尤爲切感專此佈謝恭請 勛安諸維

愛照不具

愚弟馬 麒鞠躬

甘肅涼州馬總兵馬道尹來函

公謹代表先生賜覽夙仰

鴻猷未親

靡教寅衷銘佩子墨難宣敬維

星履凝祥

雲儀介吉引慶

台曜莫罄頌忱頃奉憲寄通函及附示各省代表函電底稿印刷各件捧讀之下敬仰

熱忱毅力慮遠思深爲我回旅爭實際之平等卽爲我中國彌無形之隱憂欽佩曷似查從前臨時議院議決之國會組織法第二條第五條於蒙古西藏青海均有特別標載議員名額之

規定獨於我回部暨各省回族全未顧及在國會諸公固非別有用意薄視我回族也不過立法伊始思慮未周抑或拘於法理而未揆事實以爲新疆八部及各省回民已列入各行省民籍可與各行省人民一律享有選舉權及被選舉權無須更設專額也殊不知按之事實誠有如山西代表所云因宗教不同素無寺廟會社之聯絡飲食不同素無饌會豆觴之歡誤教俗既相間隔形迹自然難混且回族貧民居多財產資格遠遜漢族又因貧失學學堂資格亦遠遜漢族加以零星散處合計雖多分計則寡以故十餘年來國會選舉地方議會選舉名爲與漢民平等而實際被選者寥寥無幾一爲調查現在及已往議員名額便當瞭然無可欺飾往事如此將來可知長此以往則我數千萬回族事實上幾幾無舉出代議士之權利事之不平孰過於此夫天下之隱患莫不由於待遇之不平積漸而起在國會諸公固無不平等之成見徒以思慮未周拘泥法理致伏此無形之毒根或爲異日導火之引線卽他族中稍明事理稍顧大局者斷無不亟思有以救正之正不獨我回族之共表同情也惟現在救正之法別無他途只有要求國會修改或追加國會組織法於新疆八部則應援蒙藏青海之例特定名額各省亦須於請願書中平心靜氣斟酌議定一具體辦法不至使國會討議時致生困難而現在

所尤急者則在通電各省每省速舉一人或二人爲請願代表齊集一定地點或保定或京城組織爲同民力爭代議權請願團悉心斟酌一完全理由充足之請願書由代表赴國會請願不達到修改或追加國會組織法不止其方針則但求平等不求優異但尙和平不尙激烈總要使他族心焉折服知我輩此舉實出於愛國熱誠及預彌將來無窮隱患之苦心是在我同胞

諸偉人諸君子認定方針堅心毅力以爲之而已弟等末學淺識管井愚見用敢直陳是否有當伏冀

大雅鴻裁事關立法一髮千鈞務望

鼎力主持悉心參酌及時進行并乞

不棄冒昧

時賜教言實爲切盼肅此佈達敬請

崇安惟希

朗鑒不宣

同教愚弟馬廷勳馬振堃鞠躬

●甘州馬鎮守使函

公謹先生鈞鑒展讀

環函並請願書各等件

卓識雄略欽佩莫名惟恨天各一方不獲聆

大君子偉論藉開茅塞竊欣

青萍結緣賞識於薛卞之門

嘉猷玉言暢道於大雅之前如

先生者洵愛國之志士吾教之干城也民國定鼎以來參衆兩院同教議員寥如晨星

手書云一部民意無從發表

巨眼卓見正加人一等大有范文正公以天下爲已任之概庸碌如弟忝膺戎政愧乏寸長以報國家然雞羣有鶴同埒之榮弟樂之奚似敝省比年來風雨不靖前者省垣諸要人敦請家叔出任調人今一切問題已迎刃而解矣卑署諸凡弟暫代行已將

鈞函並請願書各件由郵呈於家叔覆此敬請 文安並希

青照不備

代行甘州鎮守使事巡防第一路分統馬紹先鞠躬

◎甘肅馬總兵馬道尹函

公謹仁兄代表偉鑒遠達

鴻範無任鵠跂頃喬丁二君代表到涼軍民兩界極表歡迎詢悉

起居康勝

道履凝綏至爲慰頌並辱

惠書遠賜

教言披覽如親

塵論感佩莫名幸接洽之後情意甚愜一見傾倒當將感戴

曹吳二帥之意及圖報之誠電請轉呈諒早達

記室此次二代表奔走致務爲國宣勞允推邁使與吾

兄愛國愛教之熱忱實令人買絲鑄金不知如何欽羨也弟等僻處邊陲識同蠡測明知螢火之光無益

皓月之明但蒿目時艱杞憂方切世當晚今如謂揖讓有天下和平能統一則是二帝三王不足奇所釀空前之禍亂已十有二稔矣彼政客盈庭名流抒策皆襲和平之名愈遠和平之實綜觀吾國歷史撥亂反正自有習慣辦法幸賴

曹吳二巡帥神武天縱苦心毅力維持大局西北悉托宇下得獲稍甯但願大選早定統一早成出斯民於水火之中而措之衽席之上則吾

兄深謀碩畫目的可達不獨吾人蒙幸福卽五族之人亦莫不頂戴

贊助之功弟雖不敏亦不辭職微人輕以莛擊鐘之嫌謹當聯合吾族及各界對於

曹帥元首

吳帥統一各大政一意推戴同情協助誠以大難未平憲法未成負全國之責者當毅然獨斷先天下之憂而憂後天下之樂而樂也世亂如麻非斬無濟爲軍閥之魁者望積健爲雄以武力謀統一乃真統一乃真和平也至吾族議員事負有連帶關係語云有志者事竟成惟吾兄實利賴之肅覆敬請

勛安

愚教弟馬廷勳馬振堃仝頓首

●熱河來函

公謹仁兄大人鈞鑒前奉

大札敬領一是竊以我教勢力之微已非一日奸人乘間破壞本無足怪獨惜楊督身任邊疆重奇爲國家前途計爲懷柔邊民計理宜本諸良心主持公道乃竟不查虛實公爲戎首從事破壞誠非封疆大吏之所宜爲但吾

兄代表回部既奉回王委任府院又復有案可稽業已證實則破壞者亦無所施其技矣且以現在之局勢論請願一節可抱樂觀尙望我

兄仍本十年之熱誠以竟一簣之功我教前途有厚望焉現衆院又屆改選之期時機緊迫我兄總宜提前猛進以便此次改選加入進行手續既不能專恃文字之力集京一節亦不可拘泥人數以誤時機集京有期賜

示後弟卽束裝就道以遂附驥之私藉充濫竽之數是否有當除另函分致同仁外敬候示遵

●懷慶公民請願書

弟李華頓首

呈爲擬懇規定同部議員名額依法請願仰祈採納事竊國體既改共和種族當然平等所有漢滿蒙回藏人均應與以參政機會民意宜通遐邇一致方足昭公允而奠邦基此定理也我國約法成於革命倉卒之頃調查未能周詳規定因多疏漏卽如各議員名額一項漢滿無論已由蒙古選舉會選出者二十七名西藏選舉會選出十名青海選出三名而同部獨付缺如揣當時立法之意或以同人散布各省自可於各省選舉會混同選舉無特別規定名額之必要不知各省同人既不盡係回族又無確定地盤不另設議員名額固無置喙餘地若八部回人丁口千萬有奇各省亦爲數不少况又係民國五族之一若不特設議員名額則堂堂國會之中竟有五分之一民意無從發表揆諸世界共和國通例未有不遺憾者也前經回部全權代表李謙依法請願蒙前任大總統核批交國務院在案旋於民國三年八月五日奉內務部批准國務院同部駐京辦事委員李謙等呈請加添回部議員名額涉及修政國會組織法問題本部無權核辦仍向國會依法請願等因奉此今幸法統重光憲法會議瞬將復布用特謹依各部要求於國會組織法中比照蒙藏青海成例爲回部規定議員若干名以彌前缺而免向隅民國之幸不僅回部之幸已也肅詞上陳伏乞垂察無任翹企待命之至謹呈

國務院

衆參議院

請願人河南沁陽謝國恩賈會祥郭振清白純義丁德全

賈會文拜昌言王鴻達丁振標袁兆祥

馬世俊賈雲峯李忠信麻立本

回族公民請願電

參衆兩院
國務員

鈞鑒敬呈者竊維五族共和擁護中央休戚相關無分畛域我回族散處各省原無部落雖選舉國會議員頗難而却不無選舉之權惟回部地處邊陲多有不屬新疆統轄地遼闊而人烟衆實爲西北之屏障若視爲化外頑民而不予以公共權利究屬組織憲法之遺漏今者國會恢復大選舉定邦基可由此奠安憲法亦於此成立惟冀將回部八部與蒙藏青海地方戶口比較規定專額議員若干名加入國會俾有部落之回族不獨受厥偏枯庶政體可昭大同憲法允推完全八部回族幸甚中華民國幸甚

陝西回族公民韓勛臣馬錦棠馬靜山趙錫珍王文謨劉振遠(兄之子)

(喻宜亭)

(兄之壻)

馬裕駟蕭毓清賈文啓等謹呈

甘肅馬統領函

公謹先生左右逕覆者中國既合五族人民共同組織議員宜按照各族人民之多寡分配以昭公允而免紛歧乃自共和告成以來國會議員定額不及回族揆之五族共和之原理故屬不符按之臨時約法之條文又多背謬情理不合名實相違依法爭持要求追增是爲正當並非無理衆訟此爲個人子孫萬代應享之權利並非身外浮虛一時之榮辱宜固團體於金石持鄭重如山岳以期達到目的而免坐失事機頃奉

大札暨各請願書竊知衆口之一詞足見人心有同理但敝部本寓甘州 馬鎮守使玉卿統轄除由鎮帥商同涼州 馬鎮守使少翰 馬道尹漁樵一致進行外則敝部即當然亦在同體同情之內維念我公爲大廈一支巨擘前舵極力要求前提則我族幸甚康南海先生如肯來甘不勝歡迎之至傾慕之深承書聯對附函表謝祈代呈爲荷肅此奉覆即候

公綏

馬紹先頓首

甘肅回族公民函

回部公牘

三一五

公翁有道先生鈞鑒遠違

麗範時深葭思仰企

德教莫名欽頌近維

公私順遂爲慰以祝敬肅者貴曠等僻居邊陲毫無見長國之政教從未與聞茲幸我

公代表 敝族耳目因之一新

熱腸古道欽佩何極矧以我

公學識宏通志向遠大爲國爲教心力與之俱瘁功著桑梓同聲歡慶至推戴元首各手續業經敝族一致進行函呈

曹帥暨吳帥各督軍查照矣此等義舉實爲人民造福澤又爲國家弭禍患我

公之德永垂不朽 敝族等合詞欽感藉伸微忱敬請

勛安伏乞

大鑒

甘肅回族公民全體公叩

●湖北光化縣回民代表續呈請願書

呈爲再懇規定國會回部議員名額依法請願事竊書德等曾以國體既更五族共和國會回民議員尙虛上書請願增加議員名額庶幾發表回部真正民意五族一體共謀幸福實爲鞏固我民國體制之永遠大基楚也查五族議員之名額分配載在國會組織法漢滿選舉無論其餘蒙藏青海各按民國臨時約法第十八條暨國會組織法第二條第五條之規定議員名額均經依法選出獨我回部議員竟付缺如揆當時立法之初事屬創舉在事諸公或因顧慮未周不免疏漏但事前雖有缺點事後不妨補全修正方於國體名實相符亦足爲完全憲法萬世民權之根本今幸民意尊崇法統呈大總統將次重光憲法會議瞬屆復開之時而國會回部議員選舉爲回民固有之權利自不容絲毫放棄書德等當謹依約法要求續書請願補加國會議員名額期冀五族和衷同舟共濟以全民國完善體制鞏固邦基非僅回民一部之幸福除函促李全權代表謙積極進行續行依法請願外伏乞統顧全局主持公道俯照蒙藏青海規定國會回部議員名額以補前缺而示大同民國幸甚不獨國民感戴已也謹呈

國務院參議院衆議院鈞鑒

馬肇昌海玉猷馬書德馬祚坤劉廷富馬萬才

劉文瀚馬文輝木榮生李葆真等謹呈

●山西大同來函

回教全權代表李謙老先生回教國民代表劉朝臣喬烈劉文藻暨諸位執事先生公鑒十月二十日接到啓事二紙大總統批令一紙祿等即招集大同全體穆民開緊急會議計到會員約二千五百餘人由祿宣讀來件情詞懇切自當極力進行據理力爭決不稍存觀望自拋權利自於奸人鼓簧造謠阻滯凡明理者決難墮彼術中至後共商致電國務院及參衆兩院據多數意見誓死力爭以告成我回族應享之權利仍望

公等本愛教愛國之熱忱竭力前進祿等亦一致襄助使加增議員早告成功並提出對國務院及參衆兩院請願邊陲一帶有穆民之處祿等亦通函聯絡加入團體悟失既往據理力爭懇國務及參衆兩院本真正完全之民意統籌全局主持公道以期五族和衷共和鞏固仍望時賜南針以開茅塞肅叩
公安並禱

大同回教代表馬重白祿馬福生白志謙全鞠躬

●許州回民請願書

爲請願事竊查回部全權代表李謙由民國五年至今八易裘葛歷奉八部王公暨九千萬回民委託關於國會組織法籲懇追加回部議員成命業蒙我

政府國會諸部署覆准追加各等因在案理應靜候奚容急瀆第此議員問題誠爲我回族公恥憤不能平之紀念既失東隅尤宜收之桑榆李代表爲此公權八年於外奔走號呼激爭不已迄未達到正式公佈目的若依我回族未免有礙西北一帶戶口較蒙藏有過之而無不及獨選舉不能與蒙藏平等衡之共和宗旨然十餘年來惟據法理爲激爭毫未有非常舉動非由我李代表旋轉維持於其間烏足致此茲既以和平維持一族即所以維持五族若國家輕視一族即所以破壞共和況民國法律義務權利五族同等我回族公權受剝奪已十有二載懲前毖後不得不求速決理宜提出追加回族議員專案審查限期告竣於此修正國會組織法中明條聲敘公佈實行用免久懸且回族公權既受偏苦於前應謀優待於後於討論追加時較蒙藏青海名額應增加若干名以補遺憾方昭大公除另函敦促李代表據情轉請早日

解決外謹具書籲懇我參議員諸先生列入憲法不勝迫切待命之至

許州回民代表姚士賢趙廷桂公叩

◎同族公民函

敬啓者竊自民國成立五族共和人民得享同等之權利而無階級之分並於各地選舉議員爲人民代表法紀昭然大公無私詎料民國成立歷十二年之久而我部議員一席獨賦缺如此五族共和約法之謂何人民之權利又謂何敝邑同人等不勝義憤正思應付方法而諸公竟先我著鞭足見熱心教門爲我千萬回民爭人格與權利敝邑深表同情亦至欽佩惟望諸公持之不懈一致致力爭敝邑願爲後盾俾達到議員專額之目的則我回民既得享同等之權利而亦不負五族共和之約法非特利己並以榮國除致書政府請願外特此脩書上陳伏乞公鑒

掌教師 答麟閣及同人鞠躬

◎安徽潁州回族公民函

同部國民全權代表各位先生鑑敬覆者接讀來札悉聆雅切公道婆心令人欽佩夫民國成立五族一家國家義務既爲國民所當盡國家權利卽爲國民所應享十餘年前邦基肇造國

旂製以五色團體結爲五族而於議員之分配漢滿以外蒙藏各族均已定有專額惟同部尙付缺如是回族之隱羞亦國家之遺憾也凡有血氣孰能忍然幸而貴處諸先生一視同仁提倡此項并憲德音不以地方褊小人文謝陋置之不論不議之列等穆民曷勝雀躍於是大家集議欲卽具書請願以盡當然之天職以付羣公之至意因貴處首先所賜同入部請願書暨

黎大總統批令山西陝西甘肅河南直隸山東湖北安徽八省請願書未經收到無從着手又來示云具情申理一味邀求萬勿稍帶激裂之詞仰見審慎周詳動謀萬全不尙輕浮是以未敢造次然敝邑所屬各鄉鎮業已遵示函知以期廣爲勸導一致進行惟貴處所謂接到潁州七邑請願書敝邑未喻其旨潁州者敝邑舊府名也轄七邑首縣阜陽卽敝邑其次潁上霍邱亳縣蒙城太和渦陽也願我一十五部之完全同族二十二省之零星份子值茲憲法修正提前趕辦勿失事機各抱最終之決心以達圓滿之目的則回族幸甚民國幸甚專此肅覆禱請

公安

安徽潁州回族全體公民代表吳松年洪配山答啓新洪筱村仝上

●懷慶來函

公謹代表諸位代表各偉人鈞鑒

敬啓者組織臨時約法我回族業將專額議員竟於放棄今幸有諸偉人極力創舉令人聞言無不欽佩凡我穆民理應贊助孟夏之時

馬 二偉人文駕惠臨 弟服賈秦隴本獲過歸追陪左右 敝處穆民多尤蠢拙

二兄所晤之人均是不問公益之數款接多疎殊爲簡慢 弟五月念日方爲旋里赴寺方見貴辦公處屢賜各處請願書稿又諸

代表公函 弟捧讀內情無不樂助隨同謝國恩君買會祥君及邀請熱心諸人屢次開會討論一切辦法復接

貴處公函示及憲法奠定等隨將議定草稿郵呈

貴處請示辦法一切手續覆接

壽峯兄覆函請願書由懷直呈遞參衆兩院國務院均各一份於五號業已照函郵呈回執收據昨收到伏查議院法四十六條人民請願書非有議員五人以上介紹不得受理務祈

諸兄速將願書情由轉致

公謹代表通知原介紹人介紹方生效力倘有用人力之際函示無不從命

丁靜菴兄赴隴刻返洛否祈

公謹近日有何消息及所寓處一並示知爲盼順候

文安

弟麻立本脫帽

附續者刻 敝處在何街識字小學校內附設一辦公會議處如有公文函件郵此可也

●河南趙督軍函

敬復者頃奉

大函具仰

關懷大局力謀統一之至意欽佩莫名中國南北對峙擾攘經年若不迅謀解決勢將五族並即淪胥興言及此可爲寒心

貴代表以愛國之熱誠爲救時之良策載誦大作心長語重裨益實非淺鮮

雲天仰望曷罄傾馳特此奉復敬頌
勛祺

趙倜復啓

●公府總指揮使徐將軍函

公謹仁弟大人台鑒昨奉

來函并公函二件敬悉靈是藉諭

旅祉納祐爲祝以慰公函二件當即分別轉交內收發處呈遞矣承屬免票一節遂代向府中
庶務司轉致假用據云已用罄無存等語特此奉覆順頌

台安

愚小兄徐邦傑拜啓

●馬都統函

公謹仁兄偉鑒前奉

大函正擬裁答復致

華翰欣慰無量藉諭

履祉增綏

籌祉佳勝至以爲頌承

示來稿捧誦之餘足見

愛護同族先得我心不禁欣慰之至陸某前次妄肆挑撥係受奸人主使嗣因閣臣鎮使及弟
等通電關駁渠亦頗知悔悟迭來函電飾詞解脫昨奉

命令猥以菲材調任綏遠自愧庸愚難肩重任刻正披瀝懇辭擬請暫緩履任俟甘事就緒即
當展覲入都再定行止晤

教匪遙容圖面罄專復順頌

台鑒

弟馬福祥手啓

●趙督軍函

敬復者頃奉

華函祇悉種切卽維

勛祺日茂爲頌張諮議鳳鳴重承

台囑容當遇機設法以報

嘉命現值國家多事之秋正賴同心協力共濟艱難
執事夙具熱忱將來如有借

重之處自當隨時奉

聞也特此奉復敬頌

勛祺

愚弟趙倜拜復

◎趙督軍函

敬復者遠睽

雅範時切馳忱頃奉

手書辱承

拳注比謫

履綦篤祐

鼎祉延釐引企

芝暉曷勝藻頌弟猥以幹材謬膺軍政愧撫綏之乏術夙夜維勤冀圭臬之常頒遵循有自端

圭臬之常頒遵循有自端此奉復祇請

台安諸維

惠鑒

愚弟趙倜鞠躬

◎趙督軍函

梁垣聚首快挹

清芬東道儀疏時深歉仄茲奉

華函復以杯酒之儀謬荷

齒芬維誦迴環彌增慚慙即維

榮問休暢

履祉綏和至爲頌祝弟忝膺疆寄無裨時艱值此風雨飄搖之秋彌切冰淵惕厲之惧此次一再堅辭非敢以恬退鳴高實以時事日艱亟思退避賢路乃承中央迭電慰留不允所請既難遽賦遂初益恐有負重任尙祈南針時錫藉匡不逮是幸肅此奉復敬頌
勛祺

愚弟趙倜拜復

●徐將軍函

公謹老弟大人台鑒昨在保定獲親

推教快慰奚似辱承

郁香盛陳醉酒飽

德心感無既瀕行復蒙

惠贈多珍拜領之餘益增慚敬諭

履祉雲蓄

升華日茂遙詹

英采允孚頌忱 兄拜別後隨卽遄返都門幸諸務暢適堪抒

錦注專肅鳴謝敬頌

台綏

愚小兄徐邦傑拜啓

王俊臣兄處祈代道意

●徐將軍函

恭謹老弟大人台鑒月前南旋祭掃在籍小住十餘日事畢回京展奉

手書敬悉令友李君樹基來 敝寓 未得恭迎款待殊覺抱歉之至並蒙

嘉惠多珍正擬裁箋復謝適又接奉

華函欣悉吾

弟爲吳帥器重延充顧問敬聞之下慶頌莫名就諭

鼎祺協吉

籌祉增綏慰符私祝承

囑李君樹基一節自應竭力代爲帮忙無如刻值時局變遷不定謀事匪易嗣後如有相當機

會再爲力圖報

命可也專肅鳴謝祇頌

勛安並賀

任喜不莊

愚小兄徐邦傑拜啓

●袁乃霖函

公謹先生有道夙聞

大名未獲一親

鴻儀良用悵然本月五日敝道尹巡視屬縣災情公出未返適由傳達處交到敝祕書處

大函一件當卽代行啓讀內附郵局匯款條容卽轉交

尊撰勸告各文電情意懇摯悻惻動人不勝欽佩至陸洪濤等種種不合誠有如

先生所云者惟蔡都統督甘非有我教聲望卓著與馬家領兵各大員感情素孚者充膺省長幫曹帥及蔡都統之忙不足以混甘亂而收拾西北大局敝道尹馬君圖其辦事能力如何與諸馬感情如何

先生與之交游最久知之最深竊思

先生現居近畿且係我教泰斗如能設法在曹帥前吹噓得長隴中不惟我教之榮抑亦大局之福恃在教末故敢一抒愚見謹此先覆敬頌

大安

袁乃霖拜啓

◎趙督軍函

敬復者頃奉

來示並函電等件具徵

貴代表維持大局之苦心莫名欽佩值時局不定國步日艱自非急謀統一不足以弭亂源而固邦本

台端本和平之宗旨進藥石之良言國家前途良深利賴

雲天在望企仰何如肅此奉復順頌

勛祺

趙倜拜復

◎馬都統函

公謹仁兄偉鑒山重水複悵謀面之無期鱗往鴻來幸寫心之有紙正切馳系忽覩

雁翰并增

鴻文頓開蠡管以宋之明理發晉之清談一字一珠從此南北統一見諸實際穆教有人世界放光遙維

勛華彪炳

福綏駢聯引詹

芝光無任榮鋪弟籌邊才短愧登德裕之樓報國心長起舞劉崑之劍徒切桑梓之觀念嗟造時勢於何年勿覆布帛敬鳴謝忱願頌

春祺統希

霽照

愚弟馬福祥鞠躬

◎丁參議函

公謹仁兄偉人大鑒兩捧

手教聆悉一是前帶紫羔掛統儀屬不腆何足言謝所存衣箱早已安放妥處幸勿懸念至水君借故脫逃誠屬非是我

兄前評吊眼科暗無用之輩可以早爲謝絕足徵經驗有素論人的當也我

兄近來作何佳况並寶眷現住何處統希教我以免系念此頌

大安

小弟 鎮頓首

◎江北回族公民函

敬啓者頃奉

通電已悉種切同人等抱種族之恨遂于月之初十日開會集議僉以爲楊增新行同豺虎擅行槍斃善良大員是可忍孰不可忍於是一致贊成逕電政府請求即將楊增新治以應得之罪并將電文抄錄于後爲此函達

台端亮察爲幸此致

回部全權代表李

清江回教聯合會會長蓋文芳馬家儀馬體文啓

附致

大總統代電一紙

致大總統快郵代電稿

大總統鈞鑒竊以新疆督軍楊增新擅行槍斃喀什提督上將馬福興父子一案已經回部全權代表李謙呈訴并蒙吳巡帥電呈應詳乾綱獨斷依法處治云竊查馬福興久鎮邊疆勤勞卓著輸誠政府中外皆知竟被楊增新將其父子同時槍斃始行捏造罪狀隱蔽上聞卽令馬福興父子果有不法行爲亦須先行呈請然後執行何得擅作威福顛預從事誠如吳巡帥電

稱實有反對中央嫌疑不虛語東漢耿育訟甘陳疏有云以爲湯功累世不可及而湯過入情所有揆之馬福興所遭如出一轍能不寒心五族共和簡書久載惟我回族翊戴尤深楊增新竟不之顧豈但蔑視回族更且目無政府草菅人命律有明文擅殺大員罪何可逭爲此合詞電陳迫求

大總統普離照之明奮乾綱之斷迅將楊增新治以應得之罪則天下威服四夷向風矣恭叩鈞安無任惶悚

江北回教聯合會清江支部會長副會長職員等謹電

廣東回族公民全體函

逕啓者頃奉

大函敬悉種切新督楊增新擅殺馬提督父子一案粵人聞之大動公憤業經即日集會議決去電北京大總統暨國務院請派員澈查嚴究以雪盆冤而平衆怒矣將來辦法如何仍希示知以慰懸懸馬府家人煩代慰問爲託專此奉覆並頌

台祺

中國回教俱進會粵支部啓

江北回族公民全體函

敬啓者竊以世衰道微強藩橫肆弔民伐罪湯武以興非種之苗自當去害羣之馬安可留既五族爲一家應同心以共翊豈得少存嫉視快彼誅除事不貴乎和衷辭惟加以誣讒墜淵抱膝聽其所爲覆雨翻雲無少顧慮古鮮其比今見其人良可痛也頃讀通電以及呈文喀什提督馬公福與父子被國賊楊增新假漢高巡幸之名縛置韓信傳秦檜金牌之詔謀殺精忠罪不及道古有名訓僞言欺世殃必及身業已訴諸

大總統
吳巡帥

蒙 吳巡帥逕電政府認楊增新擅自槍斃疆吏馬福興一案實有反對中央之嫌應請乾綱獨斷依法處治云云要言不煩足使奸人寒胆明鏡高照甯能罔兩逃形寶劍無煩請於上方佞頭或可懸於街市方足以伸法紀亦可以慰冤魂查馬公福興久鎮邊疆榮膺上將輸誠政府辦事京師毫無自是之心焉有叛逆之意年經七十暮景徒嗟世篤忠貞懷刑常懼卽以楊增新所誣六項而論揆之情形兇橫跡近按之事實卻是尋常已經辨明人當共喻惹黃興謗馬伏波終古含冤自壞長城擅道濟能無遺恨誣人造反已卽包藏禍心彼也無良居然借端生事平沙廣漠冷雨淒風惆悵忠魂蕭條玉壘情可感矣能無傷乎况我回族屏蔽西

北擁護中原頻輸向日之忱共賦同仇之愴一旦封疆身任陡遭槍斃之災父子死亡何異覆盆之戴冤親豈能平等恩怨當自分明凡我回民誓不與楊增新共天日矣自古誅一平人尚須矜慎詎知擅殺大吏隨便以聞騰笑列邦驚傳衆口

公代表回族煞費苦心不在爭人格之高低全在平回民之忿氣文芳等遠處江淮感懷西域傳來惡耗氣憤填膺衆口一詞不稍假借第願攻堅急進使兔狐無所藏身唯期筆伐口誅俾奸佞難逃清議甘爲後盾不負前矛雪恨伸冤在此一舉此日吞聲飲泣無非血淚之書他年論定酬庸再覩表忠之觀專修蕪啓敬表哀誠此致

回部全權代表李

清江回教聯合會支部會長蓋文芳啓

◎呈哀馬福興祭文

維中華民國十三年七月間驚電傳來言新疆大員馬福興被新督楊增新私嫌謀殺冤誣血海當時全國回民無不傷心聽者爲之酸鼻嗚呼大員之恩德何若是之廣大竟能使人人爲之流泣乎蓋大員之令聞令望早爲族人仰之若泰山之北斗豈彼老死牖下泯泯無聞所可比哉考大員生平惟抱濟世之志守忠義之節年邁七旬維持國紀固守邊疆毫無懈怠每逢

戰事大員於榆林彈雨之中所經歷之艱難困苦誠非筆墨所能宣也總之新疆乃西邊之門戶俾外人無浸疆之患皆大員不避危險之所致方得上將獎職政府不負大員之苦心孰意楊本小奸嫉妬陰靈益增暗害楊假以閱邊爲名誠以殺馬爲實如此行爲令人可嘆令人可憤願我全國同胞共上呈文以聲雪冤政府將楊正法不但我新民脫此凶殘卽國家少一賊臣亂子也嗚呼當萬禍成林之日設使大員克享永久必能挽既倒之狂瀾顯回族之光榮亦國家之幸甚也今竟死於非命萬望雪恨到底切勿一鼓作氣反受影響關係非輕否則沉淪異族牛馬不如更可哀哉復爲詞以哀之曰嗚呼大員生而英靈光明磊落獨標清名假年永久國積常甯族民所仰關係非輕天胡不仁被此禍殃霹靂一聲拆棟崩梁噩耗遙傳不禁神傷謹爲詞以哀之聊寫敬慕之哀腸

竊思馬福興生前爲回族偉人增清真之光榮亦是回教中之聲色者然今死於非命若無護教熱心者爲之鐵血宣佈中央其仇冤不得而雪其罪况猶恐禍及全族生靈影響難免塗炭如是回族全權代表

李謙先翁不忍袖手見義勇爲不辭勞苦不吝憚煩代表雪恨呈文通電全國振動如此先翁

之熱忱曾有幾人焉竊思

先翁之所以督馬雪恨披肝瀝膽者實以爲

主行道爲，聖護教恐宗教沉淪異族再則以對同胞恐蹈印度之後轍效高麗奴隸先翁之用意遠大宏謀更有所深望焉請全國同民共聞共鑒公起公噴以全大局以維治安始不負先翁一腔熱血也愚本菲才冒昧稟覆祈爲晒納肅此敬請
鈞鑒謹呈

電核

當塗清真寺全人謹呈

●馬福興與楊增新冤恥紀念關係回教之感言

可憤可慮七月七日中國回民飲恨之基所可憤者宗教之大族民之衆好好小人私然侵欺而可慮者不惟一日以我土其歐逞大欲中亞新疆禍延眉急異族環伺均霑利益如是情勢滅亡指日回族回民他人奴隸同胞之身牛馬不如黑隸紅氓同歸於斃諸君試思族教恢復已等曦臍况我族民不能統一二十餘萬各別部居有恢復心無挽回力舉例言之事在目前印度波蘭羅馬朝鮮受人壓制慘不忍言家無軍械室無壯男滅其族字宗教昧然民不讀書

資格不全種族漸滅可爲心寒然而回族現尙未亡願諸教親志氣奮揚勿坐待斃與之較量少康與夏一旅一成臥薪嘗膽勾踐稱雄以我回民熱血上騰師直爲壯衆志成城與決勝敗未必下風願吾同族一試其鋒管見所及聊當警鐘

●陝西回族公民全體函

敬啓者前次 奉

文 訓令均已領悉禮宜前來歡迎兼之末原籍甘肅張家川返家不料猛受未疾纏身未能探望各節情形現在有由郵局 奉到

公件 數張一律領悉伊云馬福興楊增興等爲謀殺遭害一案而令人作故至於普世牧民人等決不紀念可嘆可慘而隴縣敬未人等常 蒙

代表 通知各節秘情實係頂感聯略大德非淺之致倘後手清平一步定當前來歡迎敬道
(腮晒唱) 再爲面叙詳細暢談爲禱專字致此 呈請

李代表敬道

陝西隴縣清真寺社長李磨玉崔均海申謹啓

●王國英函

同部公牘

李公鈞鑒 手示暨通電敬悉溯自武漢起義肇造共和於是有大中華民國國旗映射於世人眼簾之中夫國旗所代表者漢滿蒙回藏也其對內對外亦莫不以漢滿蒙回藏爲前提也既云五族共和則其應盡之義務相等其應享之權利亦相等也民議員乃民權之代表彼漢滿蒙藏均得相當之權利乃我回族竟將議員遺漏誠屬莫大之奇辱是可忍也孰不可忍幸我

公卓見及此爲全體大局不顧利害不避艱險起而力爭我族人士聞此能不慨然奮發有動于中哉一時雖未見速效使能堅持到底則將來不難致佳果之念來

示囑以就近提倡等語自宜竭盡棉薄惟國英智力稚弱所見不遠尙望不時指導期此後立身行道有所歸趨實爲幸甚讀

通電喀什提督馬福興父乎被楊增新陷害等情令人痛恨莫名唐駱賓王有句云虺蜴爲心豺狼成性近狎邪嬖慘害忠良楊增新實已盡之矣亂臣賊子人人得而誅之禍國病民者胡可令其久存誓必加以鷹鷂之逐奮志膺胸除惡務盡願我

公速伸大義於天下俾羣起剷除國賊嗚呼死者長已矣生者情何以堪國英恨不得斬馬劍

除此佞人頭以謝天下而告國人祈我公善爲圖之國家幸甚我族幸甚謹此順頌
公綏並祝

兩世吉慶

後生王國英謹呈

●丁長清函

公謹仁兄大鑒別久未晤渴慕良殷諒有同情啓者昨讀豫報楊督擅殺馬福興不禁憤慨冲霄叱罵百端嗣經

兄台呈請

列憲查辦楊督擅殺疆吏橫行逆施罪狀所請極是矧楊督慘殺忠良滅沒回族若不嚴刑懲辦將啓武人吞併之野心擅殺擄奪之風日熾中國前途何堪設想爲此函請

兄台鼎力進行以達目的回族幸甚中國幸甚祈便時將進行情形示知是荷特此上達祇請

勛安

丁長清敬叩

●梁參議函

謹公仁哥有道正深仰慕忽奉

大示拜讀之餘慚感獎飾之逾恆益欽公忠之露佈楊賊竊權擴張勢力剷除異己謀殺上將其假公濟私之毒手令人可恨又復唆使該處議員依不拉引等上稟中央捏造馬督之罪狀益證陰險之居心畏懼

兄台之通電及呈辭又使馬夫人依法上訴並盼積極進行堅持到底倘不見棄還祈時錫箴言不勝感禱之至自立兄曾否由京旋洛念念書此敬請

秋祺惟希

垂察不備

弟梁文斗頓首

●米統領函

公謹仁弟大鑒頃接

華函並通電壹件拜讀之下欽佩無已兄刻正收拾行裝準備即日南下電稿留交同教俱進會本部矣惟

來書謂寄來廿件茲謹收到一份耳端復敬請 道安餘維

管照

如小兄米占元啓

●李祕書函

謹哥大鑒自楊增新慘殺馬公父子聞之髮指其目無中央開覺邊疆罪狀實無可遁我 兄全族推重責無旁貸函電呈文詞嚴義正堪慰冤靈既蒙 吳巡帥主持公道尤祈堅持到底冤雪法伸以維大局是爲至盼臨穎寒心敬請

公安

弟樹基頓首

●喇品貴函

公謹仁兄鈞鑒暮雲春樹企想爲勞東望

洛濱時殷搔首近維

起居增豐

贊助宣勤遠符臆頌 巡帥壽辰弟本擬親赴洛陽躋堂拜祝因俗務蜩集不克啓行撫衷深覺抱歉前託代辦壽幛一軸大洋叁拾元並馬震武郭福金馬學智馬柱四人壽幛一軸大洋壹百元昨晤震武等以上二項准於夏歷三月初間可由郵局匯到不誤需用諸君官銜學智

係金積教長震武係固原教主福金係六等嘉禾章馬柱係甘肅督軍諮議請費神列於壽幛之上弟寄去巡帥賀函一封祈

閱後封固代呈爲感再懇者程君宗伊字幼佩河南開封縣人前清癸卯進士學部派赴日本法政大學畢業回國授職主事改就知縣宣統元年指分甘肅民國保免試驗現計仕甘已十六年其人品學文章卓有可觀胸襟磊落初無畛域之分歷任繁簡各縣均留政績

貴省仕於此者及甘省各界夙皆嚮慕惟渠辦事從實操守甚廉且眷口紛繁復多家累故遊宦有年依然囊空季子渠素仰巡帥延攬爲懷葑菲不棄且景仰

先生高風古道舉賢弗遺思欲上賴

鼎力遇機代懇 巡帥賜函與甘省軍民兩長託傳一相當缺分程君藉應得俸費即可攜眷東歸脫離宦海聞渠前已肅函仰懇茲弟與程君相知契好特復爲冒昧代求尙望屋烏推愛俯賜援手則程君夙係

先生桑梓他日歸來自必望

塵百拜銘刻於衷即弟亦同深感佩矣餘容續佈肅懇敬請

道安諸希

惠照不盡

教弟 喇品貴鞠躬

◎程宗伊函

公謹先生偉鑒前由郵寄上一楨計已邀

覽近維

起居佳勝

杖履康強遙殷頌企 巡帥壽辰弟因身阻遠方愧難登堂祝嘏又未便備具祝禮誠深歉仄茲敬修賀函寄去望

先生費神轉呈爲感前書所懇尙祈

遇便代求盼切望切此間軍民兩長已專弁與 巡帥送禮 帥處必同函答謝函中能以另紙帶第一筆則不勝感激矣

先生或別籌方法俯賜噓植均銘感不忘弟在甘多年與喇和卿顧問相知有素朝夕過從遇事慷慨實不愧當今傑士先生與其書札往還志同道合所謂千里神交也肅此佈臆敬請

簪安維希

愛照不既

愚弟程宗伊鞠躬

◎馬道尹函

公謹仁兄閣下遠隔

光儀時勞瞻企邇際春回黍谷定卜

瑞集椒盤辰維

鼎祉蕃膺

履祺懌介允符頌私弟舊歷元旦交卸道篆擬俟摒擋就緒赴洛叩謁

巡帥求一枝樓前肅青電仰懇

台端採明可否并乞

大力先容至今未蒙

賜福豈中途電局未爲照轉耶無任懸懸現甘省紳權發展七道已占其四故弟亟思回豫効力但非稍有把握亦未敢率爾東歸素稔

先生爲

巡帥所倚信且俠氣熱腸樂成人美務懇

鼎力週機噓植俾驚駘見收於良造樛櫟効用於般垂則銜感爲無既矣恃

愛奉懇佇候

明教敬頌

台祺并賀

春禧

愚弟馬振芳鞠躬

◎馬都統函

公謹仁兄顧問大鑒展讀十三日

來函知玉卿鎮使於十二日晨刻抵洛并與

台端晤談情形甚慰遠懷此次有人陰謀離間希圖破壞情事幸由馬鎮使預先覺察不至發生誤會甚慰承告 玉使人都允生擬同其前往藉表感情甚好惟玉卿人甚老實見各當道應對是否得體仍希

隨時照拂實所至盼懇此布復順頌

台綏

弟馬福祥手啓

●王師長函

公謹老兄台鑒夙仰

鴻儀時深鵠跂茲承

鱗函倍切馳思辰維

履祉雲蒸

升華日峻引瞻

芝采彌殷藻頌荆沙一帶

貴部請願事宜已委王景三諸君辦理事屬公誼自應隨時保護照料一切以副

尊囑矣此復即頌

勳綏

王都慶啓

●馬都統函

公謹仁兄大鑒闊別

清暉載深洄溯遙維

公私戀介爲頌弟栗六如恆乏善可述茲有甘州馬玉卿將軍素仰

吳帥雄略現已竭誠趨謁代陳甘肅歷年狀況惟恐人地生疎諸多不便是以致函介紹俟

馬公蒞洛與

台端相見後務希

盡情招拂諸事商同辦理無任盼禱風便尙望蘭言時錫以滌塵襟尤所企盼專此順頌

大安

弟馬福祥拜啓

●馬軍門函

公謹仁兄大人惠鑒久疏音敬時切依思日前 喬丁二公來甘諸多簡慢未盡東道之誼正

深抱愧迺蒙

華函齒及復增汗顏非淺叨在

契交當不拘拘於形迹間也近維

起居安燕

諸凡吉羊爲慰以頌弟於月之念三日電請

費神代辦 吳巡帥壽禮一事諒已送過用款若干

開示數目卽行奉

趙擬於壽辰以前弟另電致賀以申恭忱茲有懇者弟自去夏由秦返省迄賦閑居此半年中
出有差缺非爲撻足者卽先登卽被強力者攫去在此勢力場中若無大手腕之援引恐難有
上達之期因想

閣下古道熱腸交際最廣夙爲 吳巡帥所親重當必一言千金爲此特懇

鼎力吹噓代承 巡帥函致甘督切實說項予一位置如用電則効力更大設使初次不得再
求函電促催庶幾登高一呼羣谷應響弟可藉以揚眉吐氣耳務祈
設法進行以達到目的爲止倘蒙

慨諾玉成所有瑣瀆

清神之處容當圖報於畢日臨穎不勝翹企待

命之至專此布意卽請

升安鵠候

同音統維

愛照不宣

弟馬國禮頓啓

◎麻立本函

公謹總代表偉鑒鑒達

雅教轉瞬匝月握別以來祇以河山迢遞通問無階良深饑渴緬想
時祉安和

合潭均吉以欣爲頌茲啓者所與馬錫武帶之口信與

吳巡帥祝壽一節業以轉告昨已派代表王仲班先生赴洛又代來請願國會增加議員書經
漢文稿謹遵

憲命以然沿途照散各方阿衡鄉老聞之代表提倡此舉無不贊成欽佩之至又代的竹只墨
畫各社首皆要務祈再來數張不失他人之希望近日衆議院選舉臨期
貴處如有新聞鵠候

佳音不既順請

諸代表 文安

教弟麻立本敬泐

●馬都統函

公謹仁兄顧問大鑒頃展

環雲備聆種切卽維

公私佳善

履祺勝常爲慰馬玉卿兄承荷

雅意推情關照無任心感惟玉卿老成忠厚訥於語言將來到洛尙望隨時照拂輔導一切是

所至禱前派閃副官前往

貴處想已面陳種種矣承

囑趙張兩君名譽委狀已於日前寄去此時亮已收到懇此布復順頌

台祺并賀

春鑒

弟馬福祥手啓

●吳巡帥函

敬啓者春城柳絮方思

叔度以馳神潭水桃花具荷

汪倫之厚愛適逢攬揆辱

錫多珍拜受臨風傾忱積日敬維

禔躬篤祐

福履增綏引企

芝光定符藻頌佩冀華虛度樹建無能嵩洛典兵馬射願循夫故事國家多難驚庸無補於時

艱迺承

獎飾逾恆蓬衷增慙尤望

周行示我韋佩攸資肅修蕪啓敬謝隆施恭請

台安拜頌

潭祉諸希

朗照不備

吳佩孚拜啓

◎馬都統函

公謹仁兄顧問大鑒瑞獻椒盤

惠彼芝簡卽諭

禧延首祚

績祿心猷引領

升華馳忱豫藻弟忝持蜺節虛擲胸光看梅蕊之揚芬結葭思而向慕復賀

年禧並頌

升祺不一

馬福祥拜啓

◎涼州馬鎮守使函

公謹仁兄大人閣下久疏音敬時縈心儀比奉

環函備荷

愛注五中篆感楮墨難遙維

禔祉清華

榮聞休暢引詹

喬采允洽頌私弟才愧疏庸未諳戎略謬蒙

巡師垂青畀以顧問祇受之餘感慚交并茲遣

舍弟廷斌入洛祝嘏兼申謝忱舍弟晉謁

崇階務希

指示一切遇事

關拂至爲企禱尤盼

時頒良箴俾資遵率

雲天在望無任縉依專此禔頌

台安惟希

愛照不既

愚弟制馬廷勳奉狀

◎宜昌回族公民函

列位執事均鑒敬覆者頃奉

公札函開

貴方轉接洛陽回民辦公處道及公舉

李君印謙爲總代表意在各地地方回民團體通電國務院及參衆兩院請願增加回部議員爲回民謀將來無窮之幸福等語 敝方清真寺聚集同人開會討論此事多數主張通電力爭宗旨議決今將閣方讚成情形特此奉覆前來並請轉達是幸爲蒙 敝方前經接過此種知單函件適因阿洪病在垂危未曾回覆因此延遲今承

貴方函開特速開會讚成覆候敬請

公安伏惟

均鑒

宜昌回部辦公處啓

●馬都統函

公謹仁兄顧問雅鑒頃披

惠書暨馬團長報告藉知

台端於初九日偕同允生面謁吳巡帥諸稱圓滿甚慰遠懷 吳帥關心綏事遙爲鑒鑒所論

各節均極高明尤足令人感佩玉卿鎮使隨行人員團體散渙極不一致殊非良好現象

台端特派親信人西行迎迓藉事照拂實屬周到之至專此布復即頌

台綏諸維

愛照

弟馬福祥手啓

喬顧問代爲致意

●張統領函

恭敬先生電鑒曩在梓里得親

芝範無情不叙無話不談別後日月易逝烏兔催人以音問之鮮通致修候之稍疎每念
舊雨時切停雲去歲丁喬二公因公至涼接洽之下藉悉

聲華月美

碩望日隆

爲全權之代表

作部屬之砥柱

愛國愛教立萬世之基礎

公才公望達五族之目的引簷

鶴度無任鵠仰弟 謬領鷗軍時虞蛟負尙望箴言時錫俾得匡我不逮肅此敬請

勛安希惟

憲照

愚弟 張順元謹啓

敬附啓者今值吳巡帥壽辰敝軍統派委指揮官馬權卿赴汴慶賀尙冀

格外照拂不勝遠禱之至費

神之處定當報之異日敬候

時綏惟

照不宣

◎武漢總稽查長函

恭謹仁仲大人閣下接奉

惠書誦悉種切欣稔

道祺懋暢

祉履綏嘉至以爲頌承

囑查詢漢口清真寺爭產一事已飭詢明本鎮徐恕其所居前門與清真寺後門相對因建門爭執已在夏口地方審判廳與訟判決清真寺失敗未逾上訴期間徐卽強制執行致動公憤現已上訴尙未判決兄服務此邦所有訟事未便參與亦無同教先行告知且該寺與訟之時值兄臂患疽疾醫院居住數月於茲本已痊愈是以不悉其詳茲承

關注特本所聞以告

左右專復敬頌

台安

如兄王世傑鞠躬

◎馬將軍函

承

寵召本不敢辭弟有要件弗克分身

爽約之愆惟乞

原宥肅此敬候

公謹先生午安

弟馬濟上

禹卿公望均此道謝

◎陸軍總長

公謹仁兄左右遠睽

芝範喜展

華函就維

撫序延釐

順時篤祐

駿采當春益王

鴻猷與日俱新引企

吉輝式符私祝弟自慚鳩拙虛負駒光感歲月之如流愧涓埃之莫補辱承 錦注遠頒

藻飾之詞敢藉書郵還獻椒盤之頌專此覆謝敬賀

春禧順頌

勛祺不備

陸錦拜啓

◎肅巡帥函

逕復者頃誦

惠函備聆意是目前政局變化紛擾境虞非速籌妥善解決無以奮人心而維國是

執事熱誠奮發籌畫治安揭回部之宣言建匡時之大計影响所及於時勢定非小補繹誦

嘉謨佩仰曷極專復敬頌

台釐

蕭耀南啓

逕復者展誦

來函備領種切時局俶擾傾軋多端雖以

執事之賢尙不免被誣天下事曷勝浩歎然能得上峯諒解又足徵

執事見信之深也承

薦張君世榮自應特別關注期副

推轂之雅懷特此肅復順頌

回部公牘

時綏

蕭巡帥函

蕭耀南啓

公謹仁兄閣下前辱

高軒快聆

偉論茲披

大扎益佩

謙光承

示張君世榮才猷卓越經驗宏深劍氣珠光自應特加拂拭重以

函介已將履歷交政務廳查酌任使矣知

念特復順頌

時祺

蕭耀南啓

蕭巡帥函

逕復者接展

台緘備悉種切承

示各節前奉

曹大帥電同前由業經密令所屬嚴密防範矣專此奉復順頌

台綏

湖北督軍公署啓

回部全權代表辦公處職員錄

本處職務 姓名 次章 籍

實 資

格

全權代表 李 謙 公謹 原籍回部寄居河南葉縣

陸軍中將二等嘉禾章二等文虎章三等寶光嘉禾章回部全權總代表

國民代表 劉朝臣 俊卿 直 隸 大名

勳五位陸軍中將將軍府參軍直魯豫巡閱使署諮議兩湖巡閱使署顧問湖北督軍署顧問

國民代表 喬 烈 子承 山 西 陽 曲

直魯豫巡閱使署顧問日本法學士

國民代表 劉文藻 漢三 陝 西 安 康

清拔貢綏遠都統署顧問

參 議 高 度 羨樵 河 南 方 城

直魯豫巡閱使署顧問簡任職

參 議 傅金林 廷章 河 南 鹿 邑

陸軍騎兵上校直魯豫巡閱使署諮議河南都署稽查

參 議 端木彰 善夫 浙 江 麗 水

陸軍少將直魯豫巡閱使署參謀陸軍第一師教育長

參 議 丁鎮南 靜菴 河 南 孟 縣

直魯豫巡閱使署諮議

回部公牘

同部公牘

秘書	丁尚志	仁甫	河南	孟縣
秘書	王桐	翠舫	直隸	保陽
秘書	戴耀奎	星衢	河南	長葛
秘書	周培錦	樹棠	直隸	保陽
秘書	李樹基	建亭	河南	長葛
秘書	李承昉	芳樵	河南	長葛
秘書	趙天震	子厚	河南	長葛
秘書	李昂		河南	長葛
秘書	何永蓮		河南	長葛
秘書	劉應鳳		甘肅	蘭州
秘書	呂震乙	松齡	河南	西平
秘書	龔廷杰	敬菴	河南	信陽
秘書	陳振漢	傑三	河南	修武
書記	傅駿祿	廉卿	河南	鹿邑
書記	孫鑫	寶黎	河南	鞏縣

河南法政畢業

綏遠都統署諮議

師範畢業

高等小校畢業

師範畢業

省長公署書記

陝西陸軍第一師司令部諮議

河南督理公署書記

辦事員	賈會朋	友仁	河南	沁陽
辦事員	宛相良	靈臣	河南	鄆城
辦事員	杜天中	福亭	河南	葉縣
辦事員	宛峻山	瑞峯	河南	鄆城
辦事員	孟廣謙	叶六	河南	葉縣
辦事員	李忠信	實甫	河南	沁陽
辦事員	王書勳	凌閣	河南	葉縣
辦事員	徐德乾	健亭	河南	方城
辦事員	王廷屏	良臣	河南	許州
辦事員	趙憲章	周如	河南	襄縣
辦事員	高仰元	乾一	河南	方城
辦事員	李廣元	幼愷	河南	方城
辦事員	純錦棠	華軒	甘肅	導河
辦事員	袁樹勳	竹銘	河南	開封
辦事員	范廷桂		河南	葉縣

同部公牘

河南陸軍第一旅副官

